

豐考功遺集

國家圖書館, NATIONAL CENTRAL LIBRARY, TAIWAN, R.O.C

2

刻豐南馬先生遺稿序

自齠時一睹豐先生道上觀者雜還延脰
張趾幾不得前余亦竊笑為乃公看欵憂
矣公土木雞皮鬢髻當頂鬢篲一籃瞥然
經市先不怛見之乃大詫不必盡知豐先
生書與其詩若文也當豐先生時吾郡大
司馬張公惟靜為主盟而於豐先生獨多



登記號 009104
類號
別集部別集類
全書 函 五册

NATIONAL CENTRAL LIBRARY, TAIWAN, R.O.C.

遜其序先生詩梓行之則自

今上丙子去公捐容且十年其孫越人哀
自敬亡故當不無濡逗世或謂公養痾儼
士區蓋不謀闕齋都廢題詞屬草率從手
脫不越宿而奚奴已竊投好事不能以半
號貯久矣歲丙辰溫陵蔡公體國奉

璽書視吾海上師選間與公之曾孫孝廉
建嗟咨前事且云人高視遠遺物猶珍矧
文字而名在作者壇忍令湔漉乃爾於是
孝廉君括諸門舊并前所儲付剖人而使
君則以序命之不佞進余曰主臣凡吾所
為其欲使嵇公一見何必不如士季乃其
人在玉樓吾所為不可見於先生先生所
為吾得而叙寘之俾譚者有述焉後先引

重何必第為先生不朽先生登

朝在

世廟初年會

大禮議起尊公五溪學士議不當

上旨考功公與諸同議名臚具皆得杖而
五溪公以首議拜杖且得戍場不及首丘
此則公佞倖不平之所繇而儻蕩詭顏

然自放畢一世而不可意之所托以發攄
者也其自成童耽書已浸淫焉十行並下
一目不忘至四十外非諸家近行無他苑
秘留公一盼矣其為詩若文先無行集不
必盡喻於天下槩天下所以知考功以其
書而里中人以其名市更為贗罕得公盛
年妙墨贄四方而參品目故當不無異論

評者出而評者又出千載而下各不相
為冥漠之間把臂相知且得無深念初議
率乎下馬布毯觀以三日不復敢謂浪
得名其初固無意為齟齬也少焉嗒折
心要為共詣之途已見得爾又安所得為
違心之論紫蓋祝融業不相下直從蔚
藍亦各天植之耳未必祝融以諸峯之拱
已自多紫蓋亦復何心望深於所不拱已
雖然吾猶未得其所以有拱不拱意也以
尼父之聖而名播揚於天下猶云子貢後
先之大道遙違耳日是固宜必有以通其
意也先生高自標位亦何意於吾黨孰謂
吾黨而可無意於先生哉是剖也明使君
獨闡之母今宇宙精英與人骨並去盛事

也正吾黨事也詩凡若干章合之司馬公
前剖共若干章文若干章大抵非里闈生
前所得寓目而矧以稱於四方姑以耳其
名曰夫夫空青冰碧能語怪不能語恒皆
意之云未之下馬作三日觀也余所睹記
詩肯蒼神遠悲壯沉雄雖間豁豁岨而幽
閒獨寄文自西京以後此事肖形無意矜
竒而百千年下上勘訂謬誤更鑿令讀
人爽然惜未有能盡譬其亥豕與天下暢
然滑疑之耀也所藏世統五經傳多逸文
并以疑存俟後君子

萬曆丁巳春三月同邑後學徐時進撰



後學陸燾書



萬卷樓遺集卷一日錄

序

世統本序

讀春秋考

贈五清先生序

和宮詞序

餘冬序錄後序

贈石溪陸年丈序

三峯卷序

國家圖書館, NATIONAL CENTRAL LIBRARY, TAIWAN, R.O.C.

刺明漫稿序

道德經斠言序

芝園集後序

贈郡侯高先生序

稼軒李老先生七十壽序

葵軒詩序

贈郡侯王公考績序

遇言序

慈水間吟後序

送見山張侯赴台序

萬卷樓遺集卷之一

四明 豐 坊存禮 著

溫陵 蔡獻臣體國 校

世統本序

人有言經以載道史以載事事與道果二乎哉吾
聞諸夫子下學而上達子思亦云率性之謂道性
也者天理也道也者人事也人事循乎天理乃所
謂道故古之言道者未始不徵諸事也言道而遺
於事老之虛佛之空而已矣故曰我欲載之空言

不如見諸行事之深切著明也空言美聽而非踐履之寔行事有跡而可以端趨舍之涂是故詩書已刪禮樂已正必假魯史修春秋以為詩書禮樂之用必徵諸行事而後寔也經與史果二乎哉緊六經賴夫夫子而醇諸史出於浮士而襍非經史之二也存乎其人焉爾故善學者必通經然後可以觀史明道而後可以處事此本末先後之序而不可以二之也古者史官大事書之簡冊小事書之布帛故有太史以職簡冊簡冊者綱若春秋之經是已內史以職布帛布帛者目若尚書若內外傳之體是已外史職列國之書小史職百家之說四職備而史法具繇黃帝以來未之有改也呂政隳天典籍是滅史官不設厥職遂散漢興言信超乎諸氏矣而是非之公尚有待於朱子朱子綱目明天人之道昭鑒戒著幾微誠有得於聖人之傳者顧書成於師淵而晦翁之手筆無幾是以綱詞多費非謹嚴之體日記大略無以考見本末學者每遺憾焉若夫四史之法則槩乎未之及也道生

垂髻有志於斯弱冠干祿未遑卒業然於心恒弗
忘家故藏書萬卷甫入仕籍悉以奉入購書又積
萬卷乃謝病歸絕家務簡交游鎖閣而讀之叅互
考訂晝習夜思爰自洪荒以來數千百年之事繩
貫數計灼如今日乃輯舊業編十絕而就緒名曰
世統統者授受之曆數也先辨統之正偽然後祚
之脩短政之得失君之昏明臣之忠佞可得而評
焉綱祖春秋嚴義刺也目宗左氏著本末也每代
之終必叙禮樂官賦刑歷藝文食貨后妃列國諸
臣又以兼史漢傳志之體也蓋一啓冊而史法備
矣雖無用乎明道要之必徵諸寔其諸異乎虛空
之談者與錄成畀之子姓庶幾由是可以言學非
敢示夫人也或謂余曰棄官著書勞心致疾不亦
憊乎覆瓿而已余聞而笑曰天地之間物必同歸
於盡區區幻形且非吾有矧身外之物知其必盡
無可柰何則亦從吾所好而已矣夫庸恤其他歲
在玄默執徐月在陬日在奎為之序

讀春秋考

南島豐氏曰孟子曰王者之迹熄而詩亡然後春秋作胡文定公以為黍離降為國風而雅亡是未為知詩者也詩有風雅頌之別乃詞體音節之不同固非以時而升降也如周召二南多作於成康之世與鹿鳴文王清廟等篇同時而不升之為雅者固風之體也正雅止於康王而變雅之而無其極乃東遷執御所作正與黍離同時然不降於風者其詩亦雅之體也黍離諸篇作於周人亦一南之餘耳夫子謂之王風而列於邶鄘衛之後有別之於二南之正風而已非本雅而降之為國風也乃若國如邶之栢舟雄雉匏有苦葉鄘之墻有茨相鼠以刺管蔡衛之栢舟誓於共姜淇澳干旄以美武公魏之伐檀唐之蟋蟀鄭之緇衣曹之鳴鳩皆非東遷之後是固詞體音節之別豈果時之升降云乎哉所謂詩亡然後春秋作者衛至蝦蟆而止王至兔爰而止齊至甫田而止唐至綢繆而止皆逮乎定公之末哀公之十一年孔子年六十八而自衛反魯十四年獲麟孔子年七十一而成春

秋蓋詩發於人心好惡之情而形之美刺足以見其是非之公定公之末國風尚有作者所謂政亂於上而俗美於下猶庶幾焉至於獲麟之際則國風無復可采如云唯其儒書以為二國憂又云嫗乎采芑歸乎田子則趨舍大繆天理滅亡人欲橫流邪說充塞又非十數年已前之風俗矣夫子於是懼而推原亂之所始則由王綱久廢霸絕人絕惡人大肆而莫之懲也故筆削魯史屬詞七章使人考之而知無霸之禍在詩亡之時霸雖存而於一時而不足以治天下必王綱舉而治道興也王綱舉則霸功且不敢作而况於大夫况於陪臣况於夷狄何有悖戾如此時也哉然王綱之所以舉必由於懼心之生而所謂懼心者尚書之危微精一大學中庸之戒懼慎獨是矣此春秋之所以為心學之書而非徒國史之錄也若其託始於隱公者則孟子固曰臣弑君子弑父孔子懼而作之也蓋幽王廢宜臼而走之申王伐申而求之申侯戰王而弑之是時宜臼固在申而目擊其父之殞

乃立於申而無怨於申侯焉及遷於洛楚人討申
之弑幽則遣民往戍而有揚之水之詩是其始預
於弑故德申如此然則所謂弑君之臣弑父之子
非平王而誰但其即位於孝公之二十四年若於
此即起則太露圭角非聖人忠恕渾厚之心而魯
史斷絕亦策書之體若惠公即位雖在平王之四
年而惠之在位四十六年魯無變故亦非所以托
始也惟隱公自外而來未受父命而立其身終為
執紼所元年夏有鄭段之事秋而宰咺適來皆人
倫之變故托始乎隱之元也孟子又曰晉之乘云
一也蓋乘檮杌春秋者皆國史之名也晉自武襄
唐始有國史至文公繼齊桓之霸故多美詞而名
之曰乘乘者載也謂紀載其善事也楚至成王與
齊晉為敵故名其史曰檮杌檮杌者惡獸也魯固
周公之後其有史舊矣春主生王者以之賞善秋
主殺王者以之罰惡故名春秋乃善惡並載不若
晉楚之偏夫子嘗言吾之於人也誰毀誰譽故不
取乘檮杌而取春秋以其得是非之公耳凡大事

則筆之以示屬詞比事之教常事則削之以從簡
要使人得考於治亂興亡之故而動其戒慎恐懼
之心則天德可脩而王道以達不獨國史之記而
已杜元凱謂記事者必表年以首事年有四時故
錯舉以為所記之名斯得魯史之所以名而聖人
所取之義則未之及耳又曰其事則齊桓晉文者
自魯宋盟宿齊鄭盟石門至於瓦屋時來而齊有
小霸之勢矣北杏兩幽召陵首止葵丘而桓公極
盛而周之號令不復行於天下則自隱之初至僖
之中凡春秋所紀皆聖人傷王綱之廢而齊桓之
功亦在所不棄也齊桓沒而楚狄興晉文起而攘
之子孫主盟中夏者十一世至召陵無功而吳人
亂華晉陽無討而三家分晉天下大亂日甚則自
僖之中至哀之世凡春秋所紀皆聖人慨霸統之
絕而晉文之功亦在所不忘也是春秋之事桓文
寔為樞紐而已矣蓋子曰作者正其誼不謀其利
明其道不計其功蓋誼正而害不生利莫大焉道
明而治不變功莫遠焉故先利而義虧則害必至

急功而道隱則治必隳春秋特借桓文以明王道而桓文寔非聖人之所尚也故說是經者必精習孟子之言然後可窺聖筆之大旨舍是而他求則以私意窺聖人或失則淺或失則鑿自三傳以來弊也久矣

贈五清先生序

惟天賦德蒸民善罔弗脩物憾習多用撥厥中古聖設教俾頌其本而還之莫盛若我先師訓昭在冊子車氏沒氓乃譁張為幻秦焚漢裂越千五百

禩貿貿罔覺天惟閔我民彛降厥賢傑在宋程氏朱八竭神啟舌復先師之大觀蠢狄在夏滅道辱儒自時厥后士趨於科競厥利罔衷厥於國靡賴雖有多材尅樹乃績不越隨世殆哉辟之循風之懿弗古歧矣匪醇厥德曷醇乃世吁脩厥身秉履於道宜紹賢傑之緒其惟我五清先生乎夫學校王政之本也王者嚴天神化多方萬機罔克躬給必賴於爾多士士非素育弗可若昔大猷式教諸學用嚴厥居周官大司徒教萬民卽性與德防淫

同俗養老卹孤尚賢掄秀惠矣必曰簡不肖以絀
惡屏諸四夷效身不齒夫士之不肖若苗之有莠
弗庶弗夷罔稔於嘉寔

國家何賴焉兩浙首藩也士用科選者甲於十道
然藝焉而已董斯教者厥求惟藝弗勵若寔士壞
於首藩餘奚望焉先生溫潤愷悌克剛克明動容
矢詞中禮講求古儀刑於家邦內外並治臨顯鉅
微純乎無以議為也侍從

先皇正論侃侃擯於刑人歛德而退迺十有一年

春

天子圖新思舊起先生董兩浙之教先生曰於

皇赫有成命畏哉念厥文滋日弊寔恫乃心弗培
其本曷暢厥支予惟德是導乃推厥躬行播告於
衆圖定禮而授之性有節矣教必先典彛興民德
也服食度數罔俾過差防其淫也談道德者折諸
先聖以同俗也獎守禮以致孝也用昭鄉先哲享
於黌序士以行聞禮則優之賢斯尚矣四載再科
拔其尤登之鄉於朝視昔倍秀則進矣詭佞淫放

悉屏絀惡以清教也先生之道既弘於厥行又日孜孜惟曰其復古道迓我

國家無疆休受厥教罔不滌心革面慎脩於厥躬昔或急茲成然膏忘食呻吟百家宏中肆外彬彬可觀暨於疇人則曰先生古道人也知先生者罔不歆曰天眷我德人昇先生來越若茲多歷年浙之士尚其克見成周有宋之休今年冬十月天子思外先生义將漸登厥弼以太常士之見禮若否者僉曰先生去繼來茲者能弗失畫一哉

或齋咨涕下德服人允若茲坊也居門下後情倍若群士遂掇其寔文之弗敢佞既用獻於先生且為來者告

和宮詞序

王建始為宮詞其道唐宮中事有外人所不及知者說者曰聞之王守澄守澄內侍也蜀花藥則固宮人也身親歷之故其詞膾炙於人視建若勝茲伯雨則士君子也又無內侍為兄弟曷為其和宮人之詞耶夫詩也者發乎情者也天下之變無窮

而理一故內外殊其地男女殊其人而情一清廟
文王鹿鳴之什與采芣芣鳴並著於經何者其情
一也情之一者理之一也是故以言乎情有以感
而祭者有以觸而祭者有以會而祭者感而祭者
耳得之觸而祭者目得之會而祭者神得之伯雨
之作其會之以神者乎會之以神則其於理也
矣故以士君子道宮中事而可以觀可以風萬里
一咫也千載一時也斯詩也雖與古並傳可也伯
雨所著有橫山集玄圃夜光君子堂日詢水南詞
等如干卷其可傳者不特是爾

餘冬序錄後序

坊卧病方困奉化陳尹縞以何進士仲方書來啓
之則燕泉先生所著餘冬序錄既就梓矣憶坊侍
公於留都公手出草編以示別公且數年人事日
變乎前而地之相去千有餘里迺今忽覩成書為
之慨然竊謂古之學者有先生之教日置其身於
禮樂而仁義之道煥乎目充乎耳邪僻之心無自
入焉若弗假乎方冊而方冊未嘗廢孔子立教必

先博文蓋心外無理理外無事事外無學文也者
事理之萃也故盡力於文則理明而心存心存則
趨約也易矧秦火之餘禮樂滅仁義缺願欲絕學
而師其心則闇於事理而惟私之行天理牴人心
溺矣嗟乎盍明學而圖之豫乎子夏曰博學而篤
志切問而近思仁在其中矣夫仁豈徒求之心乎
求心於心不若求心於理求心於理不若求心於
事求心於事不若求心於文文也者心之精也患
在習之不察耳子夏之言孔子之教也燕泉先生

之學其能求心於文者乎故其於經則精詁以貫
理於史則方人以度義於草木鳥獸之名亦罔不
即物而喻諸道其得子夏之旨者歟公之為心好
善不啻口出而天下稱其仁其於家敦倫宗讓修
禮明訓而天下稱其義敷歷中外視民如子用兵
如神而天下稱其才立乎本朝則知無不言言無
不盡白必可蹈志不可奪而天下稱其節非有本
者能之乎然則是書也豈特廣記待問焉已哉因
仲方之以序請敢推先生之道之本以為學者告

贈石溪陸年丈序

余性疎闇弗協於邦人知我者莫如陸子余亦自謂惟陸子可以服我陸子之服我者四才敏而密學博而知要器宏而有制節正而弗激余與陸子生同鄉業同學舉同狀仕同官余調儀曹坐論禮南陸子尚在刑部余言諸吏部乞以陸子自代吏部已注他人矣居歲餘余竟廢陸子乃自武部調儀曹

皇帝復古禮陸子奉承德意咸粹辦要皆稽古酌時建諸天地徵諸人情可可否罔違於道故曰敏而密也其學本六經該諸史性理妙與天文律曆禮樂兵刑靡不究厥宗為文博如韓峻如柳寔如班麗如左詩如李杜幽搜精剔下為貞元以降語然弗輕以示人故曰博而知要也性本剛涵養有道豁如也倉猝觸之不色忤與大夫言諱而不怒用能弘濟於艱保厥令譽故曰宏而有制正而弗激其器節然也陸子居儀曹久既累勩天下且謂陸子當從鄉佐忽內批出之衆乃駭余獨曰

斯陸子之福也風之積也颺颺颺而負大翼驚
颺颺起揚江海迎陵嶠不終朝而息矣泉之發也
涌渾滲漑而放諸海雨潦卒降襄衢陸色屋廬時
暘而涸矣故君子恬以養志靜以安身巽以持位
儉以受祿詩云豈弟君子求福不回言有德也否
則朝躋而夕躋吾見亦夥矣天其也陸子之
福以彰其道乎觀陸子陸子浴也曰子
之福庸有涯哉全節與身古之也
也莫不明子之節無傷於明節馬克子之也
佐乎何有卿佐知弗遠於子矣余獨嘉子之能福
詩曰靡不有初鮮克有終子往矣余無以贊子願
要諸終而已矣

三峯卷序

金焦北固惟潤州森峙於江西北固憑虛而瞰流
寺曰甘露樓曰多景潭曰秋月澗曰走馬武侯之
狼石梁武之書不第之菴存焉又西北惟金山踞
江之中麓有石馬若雙闕寺曰龍遊中冷泉出焉
臺曰妙高室曰伽楞蘓子之所寓遊也閣曰大悲

堂曰玉鑑亭曰吞海曰留雲曰觀瀾陟之則神爽
飛越有池龍蟄焉禱之可以雨東北惟焦山焦光
避莽之所巖曰浮玉洞曰三召亭曰壯觀菴曰水
精梁人瘞鶴之所銘刻山趾三峯之勝聞天下俞
侯生長於潤往來其間以績學焉故稱君子曰士
必學學必地地必人學弗獲地則紛華戰而見聞
敷地弗以人塊然土石奚以靈聞焦光之節武侯
之勲蘓子之藝侯之所仰也故其學有成出而蒞
民動有能譽侯於三峯之相資也久矣而峯乎侯
止為峯乎峯且為侯乎其終以相忘也是之為善
學

刺明漫稿序

鄭沙村公之刺明也歲在閏逢自春三月不雨至
於夏六月苗稿於田氓器於野盜賊竊發疫癘時
行公至卜之其繇曰幹少枝木太陽穀穀千里其
赤天行厥職匪人之力公曰否否在我乃出郊禱
於社稷德於群神蔬食練袍以聽政剗無名之徵
雪久滯之獄尊禮高年瞻其惇獨決旬雨歲則大

稔士民語曰今茲之嘆數也而公以人事勝之不
幾於回天之力耶相與謳歌尸祝願公百年公亦
喜形諸賦詠秋部使者監浙試知公賢檄召公偕
而掄魁出焉冬入覲於

天子吏部以最聞明年春

詔公還郡公益勵其政新費以作士時餉以振旅
葺墉以衛國列艦以攝夷百度聿興而以簡靜異
裕出之又明年部使者謂東錢湖水利於民為重
盍濬諸公念濬湖必先洩水水洩則泛濫害於田

且役夫萬計供餉甚費設有旱而水已洩將何以
救是利未獲而害先迫不若崇其隄水自然畜費
省而民亦利部使者可於是湖利兩得之矣公為
人聰敏而心膈坦夷對人輒吐肝肺無毫髮隱蔽
其政不為要譽之圖而務以切民為利若春風之
行草木人見草木之華榮而不見風之迹然而饗
波殞賊民殲私請過絕炎夢罔揣雨暘應其誠史
徒恪於職雖古所稱循良豈越是歟公會從祖訥
菴先生宣德間守斯郡經館署創梁埭裁歲賦定

徑規抑中官戢武吏庶幾尊美屏惡者既去民祠
之學宮至於今頌弗衰而公克繩之人華其世德
云公尤長於文詞前為南大理有棘庭漫稿其在
郡有刺明漫稿稿共詩若干首文若干首云

道德經贊言序

老子之世傳記言人殊方士者流尤近誕不經
宋儒因斥為異端與論語曾子問所稱異學上無
所取信余嘗閱世本世紀管子古史路史王深寧
金仁山諸說似得其梗槩老子者假姓生而聃耳

下垂故名聃字伯陽父皐陶之曾孫曰理微為夏
翼隸諫吳伯不當誅死之娶契和氏生聃聃走之
亳更李氏李者理也變其文而存其音不忘父也
歷事成湯大戊武丁為商賢大夫封彭城稱彭祖
商末以德長諸侯號大彭佐武王伐紂見牧誓又
歷事周成王與史籀同為柱下史幽王時論三川
震見國語敬王時猶掌周室圖書壽最高學最博
孔子定師之故曰竊比於我老彭若方士謂仙人
李靈寢配玉女生李耳為老子又言錢鏗彭祖折

為二人非也。今傳道德經為老子出關授令尹喜者，不經見，頗其大太奇。道太玄，諦思之要，皆性命之理。善讀者鮮矣。獨其曰：谷神不死，方士類以籍口列禦寇，又謂出黃帝書。蓋秦主呂政好長生，博士叔孫通輩乃取賢聖經訓託之。黃老雜以不死之言，微倖不俱焚耳。古之聖人修德養身一貫身也者，道之器也。身存斯德，德修斯道。在孔子亦云：身者親之枝也，敢不敬歟。又曰：利用安身以崇德也。豈二道歟。周官保傅暑寒晝夜雨暘之際，喜怒言笑動息溫涼之宜，論語飲食之節，內則玉藻滋味澡浴之微，罔不由載。謂養生修德一貫，非耶。志士成仁取義，必時有大不得已者，權其重輕可耳。非不得已而輕生以傷勇，匪至不仁者，莫之忍為。是故天壽不貳，修身以俟道斯正矣。秦漢以來言養生者，罔繇於正。或矯揉顛倒，盜以偷生。固儒者所斥，亦老子未嘗語也。都督萬侯鹿園子瑕時著道德經贊，說深明性命之旨，而不襍於迂仁人脩德疑道，順受其正，甚可傳也。或疑贊言詞旨似

本於楞伽何居則解之曰佛氏漢中初入未有妙說至晉宋間世主好之於是宗少文許玄度輩援易老子邃語入釋典而廓之繫彼寔藉我我曷本於彼歟鹿園子過謁余曰聞子學精於經於史傳博而竅必詳老子之世與通其言幸為我序贅言乎余曰唯唯序曰贅言道經若干言先刻續德經又若干言余從史成之鹿園子天資聰明和平粹美而虚心好道於百家言靡弗通攷歷至大師於天下事靡弗燭於心使為文官殆可以坐廟堂議禮樂佐明

天子進退賢不肖俾海內安富守在四夷不但於汝已也

芝園集後序

君子輔代經物槁化榆英繩昔詔來烜乎無窮者豈偶然哉夫銳玄達命葆性采榮必毓乎天數文訓武奠域鳩家必資乎學函方與善匪懈益光必弘乎器匪器斯驕奚取乎受匪學斯蔽奚融乎器匪天斯蒙奚貫乎學學以器受器以學弘天是以

克君子所以蚤譽於天下可傳於無窮者不在斯乎大司馬東沙先生易胤知學惟正之趨弱冠與予友甚相驩也同策於廷同試於納言同官於南曹日相砥淬論世於古喙膏砥髓采真剔謬求無詭於大道駸駸乎翱翔九萬不但已也余既還山沈涸愴怳以沒迺先生敬歷益虔繇儀部武部督學江右居勞拂私培是孳莠頽風載革去乃彌慕周旋齊閩滇楚梁豫之境寔屏寔翰兩司撫憲於才簡慝摩瘼 哺詰戎勦畔蠻夏帥服入貳本兵

貉人戒牧暨鎮南都躬犯其難勦匡宗社不言而次夷獮梓里昌言為脩皇輿三一特以無厲學之寔蘊章章在茲始予共學則覩先生過目誦成經耳意解博收慎發洵異且醇爾其為集也忠謨偉畧陳說利害卷舒惟時奏疏有焉本源載篤支流支昌揚名追孝世譜有焉窮理宣猷陳古鏡今細大惟式說林有焉藥石煌煌考德辨功百世足徵碑傳有焉論政究時宜民正俗情好允彰記序有焉皇皇仁義警於夙夜即物省躬歲

銘有馬瓌奇閱愷鍊而弗削麗且有則詞賦有馬
祖述四詩擷芳六代接武真寶古今體詩有馬昔
仲尼稱孔圉敏而好學不恥下問夫圉何人斯而
先師曰文蓋取節焉已也先生少時為庶官則侃
侃弗阿巍然壁立既列六卿益謙益和從政如流
不遺卑遜好彼多伎不啻已有位愈崇而禮愈恭
年愈長而德愈滋名愈盛而心愈虛無施無伐惟
淵之仁聞過斯喜惟由之勇道行卷懷惟瑗之知
集思廣議惟亮之誠即夫子觀馬其奚謂乎固由
是言之茲器之宏也匪鍾自天匪擴諸學曷以臻
此詩云南有樛木葛藟荒之樂只君子福履成之
德福之基也器德之庸也讀斯集者尚以余言為
然則豈徒文焉爾乎

贈郡侯高先生序

夫才全焉者鮮矣才全而遇不得其全遇不得其
全則必有大全焉矣是仁人智士之所甚幸而惜
者或未之安也夫遇才者弗恒倖倖者否古之聖
者猶試諸難不如是無以識其全也是故君子不

居於偉高先生者全人也。弘毅中和孝友惇信剛而無激柔而弗廢德則全遇事明決案無停牘而崑瑣芥蒂罔或遺噉氣力所至若風之行乎太空草木拂動而不見其迹才則全業為文詞宛然西京盛唐之風究心理性探顛鉤深旁及二氏百家靡不精覽卒歸聖人之大醇學則全然為才進士不得居文墨侍從之選出為令為賢令最屢上而不得居論諫之職為南部屬南部為賢大夫擢藩臬搃文武柄則宜而復屈為守夫若此者天將以成其大歟而何嗇之遇也

命下寮衆相顧曰他曹如其某者未有賢稱而驟擢藩貳之才之德之學若高先生者而顧為守異乎余解之曰司銓者與造物同體先生之屈也固將以成其大也肆

天子方勤民方重守若令知先生賢嚮而既試諸民矣入為吏曹於是息而養焉今也將漸而登乎夫由連率陟卿相宰制乎四方必驗諸一方始承德意造賢才固司銓者之厚也彼倖也君子耻之

夫人界之大成與界之耻孰榮且辱先生之獲於天敎矣而又何異焉矧海濱僻壤雖故稱文獻而邇歲夷盜潦旱之餘民亦且憊矣

聖天子慮遠邇微不鄙夷我明而先生是界我明其福哉諸子則異而予方有樂乎此也退見先生欣然有德色衆曰先生者仁人乎智士乎而西郭子之言其深知先生者然乎然乎十有一月庚寅先生治行余從鄉大夫諸子者後錢之郊先生曰西郭子其知我者盍言乎余謝曰余何言余聞道

貴乎中剛柔之間而已矣自余之仕也覩吾明賢君者二吳周君者仁慈異順其視民煦煦弗忍有傷焉部使者寔忍以愎公投劾去蜀楊公者廉正剛果不畏強禦隱德在民豪右遁跡顧乃騰謗於上上者弗明於聽而又疾公之簡也亦投劾而去二公之去明之民號呼載路甚於昔之卧轍者又從而祝之曰去吾者天天曷去乎惟部使者乎天乎天平部使者然乎由是觀之明之民之醇可知也而俾得難治名孰為之哉孰為之哉夫二公之

得民也道則盡其弗獲於上也其性或有所未全
焉則余所謂剛柔者然已先生之治民驗於今則
然乃若上交不諂下交不賣處剛柔之間而得其
中觀先生之才之德則無不可者也余何言雖然
賢者將行其學必垂利澤於民更千萬世弗疆時
焉已乎哉罔俾李陸二使君專美往古則余所望
於先生者盍圖之先生曰是吾志也

稼軒李老先生七十壽序

夫士之大節所為重於世者進退焉耳矣易曰歸
身日補之懼不足忍傷之乎先生之退也豈徒全
其節而使頑廉懦立是大有功於名教夫人而然
我

國家元氣其無疆惟休哉夫迹隱而功大者天必
厚之永於齡豐於嗣理固然也明年正月廿三日
先生壽且七十南大夫與選部遊者咸先生是慕
為之歌詩頌之俾坊序之坊復於清曰夫有德而
壽恒也若先生大節則今之世弗恒覩焉者庸著
於篇俾謂斯詩者知先生之重不在彼而在此也

葵軒詩序

葵草爾有異焉君子比德夫向陽而翹故稱忠焉
能衛其足故稱智焉忠且智君子之德備矣繫策
名委質身依日月之光家被鼎鐘之榮將以危言
匡后捐軀殉國忠則盡而智難優游林泉辟遠市
朝屯膏而弗施韜光以自照可以為智而忠難東
里子箕文關龍逢卞隨梅伯鄂候左儒富辰孔父
狐突原繁慶鄭洩冶長弘伍員大夫種豫讓屈平
陳舉李牧蒙恬蕭望之王嘉翟義李固陳蕃王允
范滂嵇紹戴淵堯君素來濟敬暉周子諒岳飛
東李庭芝古之忠臣也殺其身無益於國君子盡
焉樊仲父善卷石戶之農伯州之子狂接輿長沮
桀溺荷條丈人楊朱列禦寇莊周被裘公間丘先
生鬼谷子東園公向長周黨嚴光梁鴻韓康伯孫
登劉麟之謝敷戴逵陶淡宗炳周續之陶弘景鄭
脩王績孫思邈張志和陸龜蒙魏野林逋智士也
而果於忘世君子譏之君子屈伸卷舒與道推移
善其身有益於君盡其忠不虧其智若臯益伊周

孔顏邈矣乃若展禽三絀不枉道以逸民稱留侯
佐漢報韓從赤松子狄梁公從容牝晨之朝既周
而唐身名無恙之三子者可謂人葵者矣張先生
者屏居槎渾之曲讀易詠詩服太樸茹太和以智
自全顧誨子時徹夙夜惟忠時徹奉之周旋柔不
阿俗剛不忤時以永令名君子謂先生忠其心而
行於智時徹藏於智以全其心爽乎古之人
乎作葵軒序

贈郡侯王公考績序

余自儀曹南遷群大夫以罪人不相假而考功安
成謝公司封西蜀高公司勲金壇王公遇之特厚
三公皆大人也謝公叅閩省高公守吾明州余父
子得帡幪焉高公遷去王公自東昌守乞便養來
代之余得報喜甚徧告郡之人曰吾郡又得賢太
守矣郡貳曹侯張侯杜侯有問於余則對曰王公
光明俊偉開誠直道人也其學自諸經史百家二
氏之說靡弗通其才於兵戎刑獄農桑錢穀靡密
之務靡弗究其胸中洞然曾無芥蒂利欲不能撓

高者相道集 卷一
勢力不能奪毀譽不能動其於義所當行則迺心
皇室鞠躬盡瘁曰吾庸恤其他醇德如董仲舒氣
節似汲黯施於政事則文翁召父之流也其孝行
足以範俗其苦節足以化頑古之所謂大人君子
者唯公是已諸侯乃相賀曰如是則吾誠得賢長
矣夫公至吏之黠者以庶民之訐者以息士之銜
者以畜豪右之無并者歛迹於窮邑不煩戒束而
郡無事居九月以考績行於是民相謂曰自公之
來我耨我鋤保而翁孳葺而室廬恬恬怡怡不見

追呼或諍於庭鬼蜮詐狙公不片言並情各輸園
園之虐鞭之用蒲遲之歲月鄒魯其余今茲其去
肯顧我乎去而不顧孰繼公乎士相謂曰公之教
我學本經術厥躬克正若表斯立譽我俊髦獎我
有德或嬰註誤揣心黜陟公其任之如鷲斯翼公
其遄歸我教我育無奪我公我嘗我毒僚屬相謂
曰公之蒞我謙謙君子不苛我儀而督吾理弗媢
以怒弗諛以喜彼涇此渭洞見與庶是以吾輩得
以殫厥智力致身亶亶公其遄歸眷我終始曹侯

長一
二下

張侯毛杜侯亦相謂曰公德薰我若飲醇酎若風過物厥跡罔覲切磨規益未言而喻我丞我師曷其過去張侯乃以命予曰諸侯之情願子叙之蓋惜其別而祝其返也余對曰以公之才德豈吾郡是賴繫四方寔利

聖天子勵精法古方推三五之化如公之賢必簡在皇心階茲柄陟則黃霸蕭望之第五倫盧植有故事矣夫然公之惠澤將被四海豈直吾郡吾郡亦與有休寧外馬張侯曰然子之言則大矣顧諸侯之情寔衷且至姑序之以俟乃叙

遇言序

教熄而俗媮士非利無學也其平居破碎章句為俳優之文以僥倖一旦既得之上焉者完簿程佞尊貴以鼓聲聞取高官下焉者圖祿外之富歸則華宮室闢土田飾子女流飲讌甚乃結交守令藉勢罔利細民釋老之里廬皆并魚之手籌鑽核惟日不足夜展轉於席鷄鳴戒僮僕四出其所以勞形苦思者非利無以也冊簡委於凝塵茫然忘其

句讀人笑罵之則曰笑罵任爾富貴吾自受之庸
詎知命終之後骨肉飽蝼蟻宮室之華身不得而
處也五音鏗鏘耳不得而聽也少艾映麗目不得
而觀也馨薌腴醜口不得而嘗也所以遺於世者
惟笑罵而已矣究其為學自童至仕罔知性命之
精微事變之浩博其所通者不越二三策而已矣
士而不得仕黜於有司即著屐短褐貿遷於四方
否且釀糶於家以丐錙銖之贏况不為士者乎其
有能間咨於簡策則嚴冬之桃李長夏之霜雪也

而可多見哉余垂髫時即志讀天下書囚視舉子
吏職而吾親強之鬱鬱抱病踰十載卒幸自脫去
方肆志於著述然士則曰彼學之非今也農賈之
人則吾無益於彼而吾亦莫之納也春草沒於膝
矣忽一日邵公持所著遇言來請閱之則於經史
百家之說犁然嘗究之矣其言畧而意足時有補
於世不意今日有邵翁者莊周所謂處空谷聞
足音蹙然而喜者不在斯耶翁無求於仕不逐時
為贏又且老而志若此豈非所謂隱君子者歟吾

用益愧為士者使翁方少壯時得從余遊登吾萬
卷之樓發其歲讀焉其所就當不止此而吾業亦
資之以成也然翁之書自足以傳無疑故為序之
翁名澤字潤卿怡泉其自稱云

慈水間吟後序

大丈夫與道周旋陟降逖邇居之一於厥表若無
所庸心而緒餘呈露世乃竒觀垂於數千百禩猶
以為可誦可式焉者人惟道弗克是懼俛焉孳孳
求以克乎已者勞或張或弛或語或默與時推移

者逸逸則無動乎其中莊周所云恢恢乎遊刃有
餘地孔氏亦言無入而不自得者樂也夫恒情之
相軋也久矣枉甚直婪妨潔諛罔誠狙侈約偏黷
肅苛害仁徊汨譎器端昌喻喻哆哆姍姍姍姍居
居邈邈嬰嬰學學蹻蹻仇仇凡若可以困君子畢
致其力固恤厥勞迺君子猶猶陽陽居則逸居則
逸若固知困弗改其樂夫何故桔槔之溉於畦也
晝夜仡仡燠則涸燠則涸江河之納百川也靡汗
弗容稗子援灌水之條眊然泚其面烏獲舉鼎而

寘於廟若掇芟焉其容之博也道之克也其力之
有餘也其學之有得也天野人曰余觀於慈水之
吟而知君子之能樂也始騶山子以能文詞舉進
士高第禮部梓其文風示四方

天子用為侍御史首論五鬼請釐選法黜奸宄解
散朋黨彰顯王道

天子優詔荅焉騶山子乃以親老乞歸養歸且十
許年孝義之行式重於家邦巍然若晨星喬嶽養
既終

天子復召為御史諸論諫危言子率為倡首乃受
命按江右江右之吏自知弗叶於道往往解綬去
遂以大治會權貴人有私囑弗聽將上之權貴假
它事中子俾視刑於潮再貶判泗州事歲餘稍遷
為慈水令矣慈自唐御史房次律創以治民誦若
文翁子去房九百有餘歲其支墮耨荒獮蠹濯垢
摩痠案無累牘罔無旬繫其自奉若韋布其椽隸
若植木其鄉無武斷其市無飾賈其庭客無敢言
其私者其野人耻譁以格其士耻彌文而行義是

敦郁郁然興弦歌禮讓之俗人曰子之素位而行
其自崇而隊也若弗知崇也其自清華而焚也若
弗見清華與焚者其嵬瑣鄙屑之務靡弗致其精
若日兢兢也若弗遑自息者乃有間韻之吟累數
百篇皆麗藻鏗鏘足以宣情性闡義命敦彞倫厚
風俗白之豪逸甫之悲壯維之清新參之竒整言合
其軌而和其劑乃若端居以沉思遊隊以發興摹
擬以叶度鍛鍊以率工而孰知其得之於精鬱積
之餘者夫騶山子殖其學素矣卷之於道也充矣

是以其身固敢自逸而其志弗疲於勞人將以困
子而其樂乃有餘其功其言世將以為訓式而皆
其緒也余自為北部時與騶山子相友驩甚因賡
次其詩知其能樂非恒情之所窺云

送見山張侯赴名序

書曰代虐以寬左氏傳曰寬以濟猛猛以濟寬寬
猛相濟政是以和夫君子之心順乎理而已矣順
理則無私無私則平平則和其於民也臨之以莊
導之以禮求之以恕持之以信或弛或張或繩或

縱則惟其時時而濟之若大旱之得甘雨也民之
歸也速而化之也神迺君子則無心乎寬猛之間
故先儒疑左氏記非仲尼言迺仲尼則曰神而化
之使民宜之窮神知化本乎忠信而仁義達乎天
下矣數年前明守尚嚴佐之者或狡或刻氓囂然
呻其樂生之心迺新建魏侯至則以其宏廓之度
慈祥之政撫而濟之其務包荒而惇禮讓使民日
趨忠厚而忘詬訐之風焉迺見山張侯則相魏侯
以成其化者也張侯甫壯年取進士高等而受

命為節推治刑其專職也侯玉色山立愷悌之容
如春風之入人謙冲好善以禮自檢温温儒者也
其蒞事乃委曲詳慎考求律例疑則思之博詢於
人合而後行之不恃敏以自用也案牘至集繙閱
必盡絲髮竟日靡倦諍詭盈庭俯而聽之無忿疾
於頑咸心服乃已左右絕狐鼠之偷閭巷息鷄狗
之喘是以不得於他者徃徃求直於侯侯應之立
辨有款 龐廣大之體而運之以精明敏決之才
匪徒以寬為尚爾昌國豪卒奪人妻致夫婦自斃

而能彌縫展轉數年不決決於侯是之謂明慈谿
人因爭水而殺人者自殞其廷屬以拒之亦父構
侯集其鄰詳鞫之遂服是之謂斷郵有買布於海
濱者賊五人殺而攘之見夢於其父父訟之侯侯
偵獲賊并其資伏法民以為神右族殪人而沈諸
河侯與邑令徐君驗其瘡而坐之右族莫能脫其
罪以多類是疫作慮固有不當死者縱之歸約入
無造者其信之孚於下也問有火侯親救之甫出
而熄其誠之格於天也三載績聞既就

召不雨禱禳備三歲乃有秋其惠之不弛於終也
侯之心其無豫乎寬猛之圖而克順乎理者歟是
以仁而不縱明而不苛敏而不忽果而不暴公而
不刻執而不偏巽而不懦和而不流清而不激嚴
而不隘威而不猛持是心以往上佐

明天子下施澤於四方我
國家無疆惟休肆侯亦無疆惟聞或曰易地而變
其氣逐物而移其志其所養者殊也聞有鄭九萬
者自庶吉士為給事中有高紹甫者自令尹馬子

華者自太常博士皆為御史三子者皆以直言顯
居貧於家修其孝悌咏詩誦書清介絕俗天下以
為人望吾友也每為侯道之輒欣然樂聽若躬其
善也或為某官頗異質而為御史恣行於四方卒
以不沒侯耻言其人若疾之在躬也其明乎好惡
如此則侯之所養可知矣昔范文正為諸生志在
天下及為司諫知無不言韓忠獻為郡倅克勤小
物及為宰相任天下之重充侯所養雖古之人尚
齊驅上之而奚啻其鄉人之善者哉是故冰炭之

德祝侯之休者願侯永終厥譽如其郡焉耳矣

萬卷樓遺集卷二目錄

記

遊琅琊山記

雙山記

天闌歌驪圖記

神鐘記

醉墨樓記

重建忠烈廟碑亭記

竹南別館記

國家圖書館, NATIONAL CENTRAL LIBRARY, TAIWAN, R.O.C.



虞部郎前定海令宋公遺愛亭記

霽景堂記

天籟閣記

碑

貳守侯公去思碑

銘

費宰秋厓董公墓誌銘

題解學士書法卷後

跋九歌圖

跋華氏小楷

題絕交書

與周海星論草唐詩書

萬卷樓遺集卷之二


遊琅琊山記

正德庚辰秋省五清先生于滁時重九州守吾翫
陳君天瑞謁先生為琅琊之遊同年姜君明叔與
馬至期微雨予同明叔先行出太僕寺西數里憇
醉翁亭亭為成化間重建歐蘓碑皆亡近摸蘓子
字刻之後有二賢堂祀王元之與歐公隘陋無飲

四明 豐坊存禮 著

溫陵 蔡獻臣體國 選

草書



所一僧供茶而退流水自兩峰縱橫墮澗澆澆止
亭外人檻石識之即讓泉也行亂山中野徑紆曲
巒岫掩映出沒類風飄衣袂然山多石無奇惟而
細潤可碑閑林野卉抽黃墮紅點綴均罅又數里
抵琅琊寺寺故名開化陳君肅之入佛堂後亦有
泉澗厓下殊列相傳歲旱弗枯轉入大室生俄而
先生至陳君張席酒數行天乃大霽相與登寺後
山訪古蹟則宋晁端友等題名甚衆漫泐不可盡
識有地平廣可坐厓刻大篆曰清風亭蓋舊有亭

今廢又數步為歸雲洞洞中有碑刻杜符卿四韻
隕石當其前字獨完入洞讀之有曰蓮座花成雨
雲庵地側金佳句也先生止洞側陳君移酒酌之
予與明叔興不可遏欲窮陟其顛路滑甚二童子
夾扶而上步百許至其右山之絕頂有碧霞元君
祠予招明叔坐其門俯覽衆山僅如屏向之風
飄衣袂者井井前列若拜若起山外平原萬頃夕
隕映帶紫綠百狀而江浦金陵諸山隱隱煙霏間
一郡奇觀也明叔頷予曰弗登幾失此惜醉翁不

亭於是相視一笑而下先生尚酌洞側見予二人
返亦笑曰好奇哉不負登高矣遂偕還寺門僧指
其右麓曰其上為後周世宗伐南唐駐驛所有舊
礎後有小菴壁龕觀音石像傍刻吳道子作庵右
有崖陽明王公題名其上先生亦將題名命工礎
焉乃還飯丈室遂出山予幼讀居士集即知所謂
蔚然深秀者迺今得遊焉山之勝雖未若西湖洞
庭而名不在其下微歐公孰為之重哉五清先生
海內碩德三人者皆出門下而又得共今日之樂
豈非幸歟陳君治郡以廉介愷悌輯和其民人庶
幾紹歐之烈無負於先生者吾輩當不思所自勵
哉斯遊也抑可以有感矣於是乎記

雙山記

雙山者秦子家八桂有峯岐然岑秀曰坊山秦子
屋而讀焉既貴居吏曹猶稱雙山主人志不忘也
君子曰夫秦子其可謂知本也乎夫學也者本也
仕也者應也仕匪學胡達學弗得其地斯學也褊
矣故必有幽曠之居以學斯其心適然以怡心怡

於理括全刺微質義蕪漭混混乎不勉而進人我
情偽今古治亂之故資之深矣故仕以應物沛然
施焉惟古則然尹之莘尚之渭商之西河邈矣孔
明之興漢也以隆中謝安之莫晉也以東山李泌
之安唐也以衡嶽學用靜涵仕由盈決是以其志
崇其功燁夫秦子若泚脩正淑儻雋永克如厥學
以達於政本之既周用乃不窮其匪變山之助乎
哉或曰竊聞之士無懷居安而能遷禮也夫秦子
則仕矣金陵諸山可朝玩而夕遊也其自此升矣
天下之名勝足跡將無不到焉而區區乎八桂之
志何居乎余應之曰否否樂樂其所自生禮不忘
其本夫秦子仕基於學學得於山其弗忘則宜匪
以玩遊也有其志畜其功故曰山之助居多如其
遊罔克禪於政若金谷之崇終南之藏用君子曷
語焉夫秦子其明乎禮樂之理矣而何言乎是區
區者客謝而去

天關歌驪圖記

天關惟金陵氣勝予南既二載欲遊屢矣弗果司

封高先生拜明守行且有日相謂曰天關勝地重
九佳辰時不可失乃偕先生遊焉戊子出鳳臺門
輿行三十里抵山入弘覺寺白龜池虎跑泉列焉
多長松蛟驤鸞騫或如壯夫林立與中庭銀杏皆
百年物於是躋石級入法堂堂壁懸古高僧像午
食既登浮圖盡其巔經脩廊緣石縱觀音閣返
方丈小飲西過禪堂側室試扉窺浮屠倒影上探
辟支洞洞前浮屠塋辟支舍利復東陟兜率巖觀
文殊洞越山背梁飲馬池存焉僧曰前則辟支足
痕及卓錫處有泉冷然蓋石罅也遂升舍身臺為
山絕頂徘徊久之北眺城關萬井鱗次鍾山蹠峙
佳氣鬱葱司封喟然歎曰壯哉帝居吾將遠矣南
眇長江夕陽映蕩鎔金泛玉紫翠雜間檣帆飄忽
若蠅羽揚杯上高子顧笑曰東流如此西郭子別
意亦有如李白所云乎下瞰遠村農叱犁隴上文
曰吾將親此矣西郭子何以贈我予乃酌而對曰
君侯興念及此從政何有夫戀關為忠懷友為敬
恤農為仁三者可以從政矣肆

天子行新議重守令吾郡之守有司再薦而可侯
焉重侯也侯知之乎重民也侯其懋宣德意用紓
厥旰食憂哉坊也友也惟是素樸邑辱侯臨焉厥
溢喜矣徒別也乎哉夫明土瘠而居稠民醇而好
禮粵惟厥事惟仕與農學弗勤則無以祿焉者田
弗力則無以歲焉者故其君子樂學而篤志其庶
人勤力而耻爭文獻以稱今也或是之殊矣誅求
網數農靡馨鄉街衢風滋士有稊稗侯振侯撫尚
永賴君侯哉君侯以鎮靜果毅豈弟之德寔臨之
庶其瘳乎夫振明其義撫優其力義明而耻求
優而業裕繇是以往禮樂興脩正舉名數溢蕃釐
來以報政於
上上曰是克稱簡任意厥惟臣哉復於友友曰君
侯不鄙遺我箴言肆無疆惟休哉是一舉而三善
并矣建成代所肇惟穎川君侯其圖之君侯曰唯
唯時同遊宗子曰是足以贈公矣盍書之翌日歸
乃命諸生圖之并以所對者記於篇

神鐘記

海鹽禪悅寺神鐘勝國時宣慰楊梓以海外銅鑄
建六丈樓懸之聲聞數十里

國朝天順中忽無聲渡海者覩其影波間浮屠用
法攝之乃復聲成化初樓圯浮屠盡於財建之卑
邑產悉侏儒焉

今上之六年樓再圯鐘沈塗邑復病疴於是董隱
君從吾偕厥子進士穀進浮屠法聚氏相謂曰夫
樓卑而侏儒產焉塗沈而病疴焉鐘之神其關於
民之休戚也若此樓曷可弗興七年正月壬午乃

盟將集四方之樂施者庶子鐘忽自聲若扣百有
八給事岷山許公宿茶磨聞焉於是鐘之神益顯
南宮子猶聞而歎曰鐘治物也而關乎民之戚休
將怪耶誕耶繫象教之顯耶其山川之靈鍾於斯
耶吾勿得而知也從吾子非誕者也嘗學於聖人
之道而非惑也唯斯鐘之神殆必有說其惓惓焉
民之戚休志則可嘉已古之君子學也凡以行其
道也其於民喘息通焉故有呱呱弗子昧爽俟旦
席弗煖突弗黔者已今之君子殆不其然下乃救

伯守令完簿書塞厥責斯良矣其有志於民之戚
休者乃為迂為矯為狂為戾澤固不民逮而斥且
去矣是以仕者其來也若燕賓其去也若敝冠民
亦罔離厥衷下乃頌為雙馬夫若此者將斯鐘弗
若耶進士穀固將仕者也從吾子則隱君也而弗
忘乎民若此吾用益愧有位者無惑乎董子之神
斯鐘也使有位者恒董子之志廓微核真敷博策
久斯輔天地贊化機神將在其人在其鐘耶從吾
子適然興曰善善子之言廣矣遠矣吾將碑之為
神鐘記俾聞諸有位者

醉墨樓記

醉墨者醉於墨也墨不能醉人而人自醉之由心
之樂之也樂於酒者身醉樂於言者心醉酒之率
也其禍淫言之入於耳也有善不善善則其醉也
宜不善則其為心害大矣則曷若醉於墨者可以
適情而無害也聞西子性不飲酒惟樂於書故以
醉墨名其樓謂書之必本於古文也而夏鈞商鐘
父已甌晉姜鼎杞公匝齊侯鐘之屬為之趨襲焉

謂古文變而大篆也而岐陽之鼓仲丁之壺壇山之刻為之水泉焉大篆省而小篆也而泰山鄒繹會稽瑯琊之罘之頌為之梁秣焉八分之為醴酢也而鴻都之石經殺阬之碑陰巴官之鐵量何君之閭道苦縣之祠銘蔡湛之德景君之墓表啐其甘焉隸法之為醪酎也而討莽之檄克捷之表尚書之疏樂毅之論東方朔之贊虞恭公之碑九成宮之銘干祿之書中興之頌醕其醴焉變容於行則蘭亭之記安西之帖乞假之表辭令之狀三

藏之序雲麾之碑爭座之書為崑崙醴醕之觴焉濡首於草則急就之章絕交之書阮生太熱行穰告姜大黃學書過半安善知問先書前東節氣積雪服食去夏復飲遠宦從妹旃蜀峨眉講堂成都七兒藥草清晏安吉素生知賓秋月都下光祿徂暑月半長素長風皇象遠婦嘉興雪侯清和嗽脯中郎狼毒冬中益州執手宅圖采菊此郡昨告遷轉仁祖參軍江州卞城道意裏館參仁婦產涉道大醉安石祠物鶻等虞義興白石枕之牘以至過

庭之書譜歐陽旭素之文清鑑鎮軍皇甫冠軍酒
狂河東聖母自叙之帖天姥之吟擣衣之篇為玄
石白墮之釀馬闌西子於是入室操觚醜糟啜醜
無思無慮兀然恍然寒暑之變利慾之感真若江
海之浮萍其為樂不既深哉或曰書為六藝之末
而王子獨醉於是何居余應之曰固也王氏之先
世以儒業積書滿樓闌西子之樂斯學也固將以
六經為穀諸子為蔬百家子集為之膾炙珍羞所
以養其元氣資其壽命者既知所先然後遊於斯
藝所謂惟酒無量不及亂者也不然棄其菽粟惟
沉酒之從將使適情之歡伯流為喪志之狂藥則
吾將明大命於妹邦必放蒼頡於三危殛二王於
羽山而後可也何以記為

重建忠烈廟碑亭記

忠烈廟於宋紹興間勝國至元乙酉新之年學士
懃記於石皇朝王統十年復新之冢宰王公直記
之二碑故有亭庇之歲久亭圯碑臥莽莫起者嘉
靖壬寅春鶴臯子卜昌偕其友竹南子張顥者登

天平之山拜楚文正公之祠暨徐公唐公周公之墓已乃披棘剔蘓讀二文竟二子相與喟曰文正公之大節在宋史可考已乃若厥曾祖厥祖厥父母之藏與茲廟之廢興也匪斯文曷稽昌歸捐貲市木呼匠氏為二亭材自江都航至於山以謂顯樹之廟堂之下顯受書督其工唯謹亭成其明年秋某來拜公廟鄞友南原子黃井問曰若昔聖哲開物有功德於生人甚大傳世至泰蕩於政斯鮮今存者存者唯孔氏漢氏至於今靡弗有聞人亦有鮮存者存者唯范氏何居某曰余讀田記則知之矣記言公仁有等級優於晏嬰而又擇其族之賢使主其計其規模遠舉是以能合其族歷數百年弗替詩不云乎宛其死矣它人是保譏唐侯之弱其宗也粵天皇氏錫姓別氏逮商周盛時皆甚重其族太史之辨昭穆司徒之聯兄弟呂氏一切去其籍乎卒以不世自時厥后弗講者久矣弁王二公皆言西人思公如蜀人之祠武侯也繫諸葛之族余未之聞謂是其慮固弗范若哉為孔氏之

學者必曰親親而後仁民道有本也弗親其親將
其畔者弗越蕭牆而况其疎乎况其久遠乎元之
世邦瑞士貴克新斯廟以族之存爾公之遺法固
然黃子曰然余來長洲必張是館嘗遊於楊則登
卞氏之堂矣自厥祖至於昌族弗析者六世矣顯
亦孝友孝義樂施比皆惇於人倫其聞范公之風而
興者乎請書子之言俾後之慕公者能紹二子之
志則公之烈其永永著於文而讀者思建功烈於
天下知務本之為重

竹南別館記

竹南子家楓橋之東闢其旁壤鑿潢壘阜作樓館
堂榭亭軒凡若干楹以為怡老之所予過而賞焉
竹南子因請題之樓之左右與後皆闌闔遠乃曠
野惟南有山憑几而望則靈巖九龍上方獅峯之
勝或隱或起蜿蜒紆徐若赴觴豆故名之曰悠然
樓取陶詩見南之句也樓前簷下曰吟月倚欄瞻
望特於中秋尤宜樓下面南則竹南別館館後跨
水為閣曰兩忘榭水中金魚百許頭喁喁藻荇與

人甚狎莊周所謂魚相望於江湖人相忘於道術
館前左植竹百挺一梧居右故名其亭一曰龍孫
二曰鳳鳴仁者必有後以為竹南子祝榭之下為
分滄之池杜有刺水滄江破之句池中怪石露艷
風聲竒卉森列刻其中峰曰銀羸之峰以告山况
也峰左右亦有亭一種梅其前曰獻歲取宋上楚
辭語一跨水曰會心處取簡文入華林園池之
上西軒曰夕霏取謝康樂石壁精舍還湖詩語其
北堂曰蔗境始入別館稍憇於是而行南子之得

斯樂也亦既晚矣昔蘓子瞻記靈壁張氏園亭以
謂可隱而養可以餽隣里而餽四方之賓客竹南
子於此蓋咸有之若其天性至孝事親無違禮年
既耆艾慕而弗忘庶幾於聞諱如見親者與其兄
處每事遜讓唯恐少傷其意撫其諸侄厚若已出
延師教之禮敬甚腆念九族之蕃而懼其散也招
吾友南原黃子修厥譜焉鄉人之困於食者過賓
之之貴者輒分金賙之好善樂施之心惟日不足
家政齊肅庶務有條而僮僕開誠僮僕安其樂易

罔不為盡忠者其德誼可以範俗則未知靈壁之有無而蘓記固未之及也又豈今之世可多得哉而特鮮高文如坡翁者為之張之是可作耳

虞部郎前定海令宋公遺愛亭記

宋公繼祖字汝孝國初自常熟徙蜀家自雲龍山故今為中江人別號雲麓子舉嘉靖癸丑進士明年授定海令時方病於兵公至詢民疾苦縣濱江南北歲病潦嘆公知水利之急濬沈窖湖置芳州開築東岡堰楊木堰修千丈塘督視有人故閉有

時導儲有度民以永賴履田畝均稅徭通市舶集魚鹽人和食足乃商壯夫教以射繫之法習水陸戰夷寇三至公自將禦之馬蹟大嵩靈緒諸處檣摧舵折者再或諫公且止公曰國事也奚恤遂連捷自是寇聞朱公名輒迂從他道不敢犯定海寇退則詢其喪亡者發公帑廬之棺之廩之療之雖不俟上報上官義之弗咎也既定則新學宮制禮器聚經史訓麾士而譽其後陳邦朝有親之喪貧不能塋捐俸俾襄其事楊 俞汝涵貧不能婚亦

捐俸助之士乏計偕者且十餘歲乙卯歲樂舜賓
出馬縣有淫祠曰威烈廟歲括民馬牛豚牂男女
械鎖刀斧被體百千成群以賽神祈福公曰敝俗
不知禮耳并晏公五顯海角等祠毀之嚴社稷山
川之祀葺憲司督府諸宮俾具瞻移俗章章完美
劉惟妻楊周侃妻鄭江萬仞妻張克守其志則檄
而旌之武胄之橫如歸期李誠五則誚而抑之為
不虞之慮設鄉兵於四境不擾於農諸道兵集以
萬計餼之城食既令明市不易肆寇破慈谿流
民入縣公開門納之館於佛老諸宮療其傷藥其
疫瘞其孳贖其子女還之滄洲寇擾閩歲辟堅甚
有盜牛者覺公使設伏隨官軍搏其巢殲焉居三
年最上

詔徵公為虞衡主事吏部選史丁 三老軍百許
人白於都督俞公曰定海自攝山金公挫於護易
令者再而得宋公宋公不以金公為懲而趨義彌
勇衛國彌忠仁民彌周興利祛患彌悉匪一時之
惠而澤及無窮匪一邑之功而施覃旁邑其心公

其志篤其性敏其守廉其自奉儉其處物恕好問
嗜學知人善使政修而各得其所遠邇無偏聿之
惠化行而有耻且格竟歲無大辟之囚蓋修文武
之才而敦終始之節者也公去民囂然失所無怙
依不啻裸子之離乳誠願相率徵文以紀公德鐫
石建亭庸圖不朽庶嗣宦茲邑者有所觀感而紹
公之休敢再請俞公曰善哉是民乎吾奉

明詔帥師征夷間關百戰與吾共事協謀濟以
圖報

天子者宋公之外殆鮮其人其聽諸藥石於是署
都指揮統兵松坡黎侯聞之亦曰此義舉也當共
成之以三老狀示余余曰吾辱交宋公知其人詩
所謂豈弟君子民之父母三老言弗誣乃作歌詩
畀之歌曰有鳳翩翩自裁看文章五色翔海濱快
覩茲瑞不世奇能化風雨摧東夷兆民復業恬以
嬉譽髦斯士莪萋萋禮樂明備祀典恢彰教敦俗
斥淫祠宥過化良旌其蔭注意黌校絃誦歆天荒
乃破化徵斯澤覃旁邑鴻鴈歸文武才績時所希

峩峩樓櫓森熊羆根芟冠殄靡孑遺玄鑒精忱陰
護持崇濤迅颶終妥怡匪伊目睫遐謀詒公入
天朝不可追於千百年氓之思不習為吏視此辭

霽景堂記

君子之道上通於天天一陰一陽或相勝負治忽
因之歟歛罔在雖君子莫如之何而終有定焉宰
之者理也君子一出處一處眎治與忽值於靡定升
沈頓挫咀哇桐擗踐踰踣躑躅洩儲溝壑而居之若
忘厥操彌固雖陰陽莫如之何則有義室之也理

義合而天人交茲人所以參三才而異乎庶物古
籍所記亦未可十百取奚其難難在知知難執執
難又又斯定矣於三岡先生繫有徵云始先生明
經舉於鄉又舉於禮部對制科初官刑部伏
閣論彬倖非僂杖於

朝已稟稟著風節其在官寬而肅察而恕敏決於
繁積再考矣儉洗事覺

詔下刑部簡郎持節往鞫之記室議畱郎當去畱
郎曰某不敢往也其葉子乎先生曰事君義無我

臣當去遂持節往至則聚廣東之部使者若三司
官郡縣官僉曰責當則具其寔

上聞詔曰可無何外擢先生吉安太守未上先生
讀禮於家總華執

國命華欲構先生誣言先生掠立洸也逮繫之使
其黨世寧禱治之除先生名先生除名五載總以
為未嫌會洸與鄉人訐總曰事由葉郎耳復逮繫
先生戍之遼陽先生在遼又五載總華世寧以
去乃歸先生於鄞又三載

天子始祠

明堂復先生太守銜矣傳御史按部至鄞問先生
賢將薦之謀於道生曰霍尚書北遷矣如何道生
答曰是在御史傳有之畏首畏尾身其餘幾霍尚
書之眎三子也不猶愈乎傳御史曰善善遂以先
生上自是言官薦先生者踵相接初先生構其堂
靈霖浹旬慮妨於登采至期忽霽遂名之曰霽景
堂既名而復官之

詔適至於是鄞之人謹曰先生之道其能通於上

乎三子之蔽也其靈之久也而申之漸矣乃其靈
矣匪知明而操固習能俟其宜先生尚克揚清光
於四方俾四方賢愚復睹天日如洪武弘治時不
亦悵哉悵哉先生為人剛介洞爽與人交靈而弗
誣不知者以為落落至閔孱困解紛濁衆或嚴首
捫舌迺先生獨侃侃昌言之不一為已顧所謂淡
而成久而敬其振流俗而敦古誼隱顯纖悉匪植
大節為然諸子萬春輩傳其經修其文行駸駸紹
其聲矣繫天所以景乎葉者其永霽哉其永霽哉

堂之建在佳維淹茂之歲月在亥日在丙寅繫之

註曰

天之蒼蒼或陰或陽孰闡其萌而直之生而善之
昌則協於常厥常至公仁義之經忠孝以誠秉心
必端秩秩餘慶益謙虧盈萬古弗爽游氣之過若
愚固強若柔罔明萬殊紛紛天性必同而慾之攻
功利色聲幾微弗彰人天之行勝負其更各會其
逢其逢其正位祿壽名惟德之昌其奇其逢乃竟
之曠乃翟之量大觀厥衷以窺其終靡理弗勝君

子反躬惟理之从繁位而減暗室兢兢上帝是盟
孰敢自蒙造次顛傾我守厥恒弗電弗轟弗言其
榮弗隕厥聲百世之長聲之弗揚我衷我寧與天
者徵維皇皞風姜姬歟宗承天而王祁媯之隆棄
禹皋龍貞元斯當庖正牧宮靡尹之庸以作夏商
且亦溝譏震颺暴膺周邦載康曰轍之東天命乃
暨丘山宗宗軻韜之忠斯統則繩擯於齊梁乃訓
之弘覺彼夙寤俾復其常義泯利縱乃充乃禽胡
形之克哲修弗興道術乃分政斯誕徂赤帝起邦

厥曾孔雄董策是聽百家湮泮知行聞尊皇極蕩
蕩春秋傳誦道誼為宗罔計利功斯言昭離以相
羣矇於今有光世祀尊陵以風萬古風節乃侶永
平亨豐養老辟雖名儒蹒蹒黨錮威臨弗忒厥心
操罔驟登六代沈沈事讐弗慙君臣道亡晉陽居
歎瀛洲若林諫內魏王安史中勢顏張伏銛褒封
激昂白馬以謀上侵覆堂而梁五季相尋朝
戴夕擒為虜為美宋德克謹若水激貪四維乃張
雖閔節仁孔顏曾孟斯道表章文山報君就義悃

情以振大綱

高皇肇征邁五兼三惟亂之懲如旭厥陰如篋厥
盲

聖謨洋洋陶宋王詹開國元勳竭忠以襄齊黃方
陳練戴之倫抑而愈揚

孝皇仁謙彭劉嗣音坐宮太平野積塵塵道有遺
金巷有頌聲際天逾溟異服詭形罔不來王立我
烝民士女詵詵咸秉廉貞

武政未親太阿在閭閻誅有寧寧誅有彬寔導南
輶獸心則藏伏爭於廷百十其群竟磔彼狂時惟
葉君直聲大振初授曹丞侃侃葉君制屬之孫生
而易諒經明獲麟褒然鄉賓春闈峻登
廷對繼掄克光厥先後昆垂令拜命白雲孔察且
仁必求其生三尺之盾責育罔千寔寬而嚴其容
其勤三載奏成乃副乃郎

今皇聖神潛龍於藩大橫庚庚

皇兄有命遣大投轄赫然中興欲報於親曰咨相
臣相臣守經儀禮是援漢哀是懲曰瀆英宗

皇曰不然予自外徵與宋不同褒猶垂涎乃投其
間巧言如簧如簧大震不逞成屯同聲徵寵沈產
灣南為梟為蠶歲噬家邦惟猶信信惟鷲琴琴佞
照益張御史上言吏部以聞論者文章

天聰轉圜以順群心司寇簡郎士并畏難有怛其
顏乃推三岡三岡毅然持節而行星言駕來爰萃
臬藩郡縣之官無偏無黨奏寔馳縶其梟
謀用窮君節益縣海內攸瞻巨砭之徵以勞以十
僅守吉安賞則未翔讀禮歸鄞褒猶弄權逮之

京亟瘳耄獮萬侯事秦織以上惓君引歸躬載反
於農高卧北窗秦懷弗盈矯誣浚文成之遼陽如
竹有筠松柏之心何有雪霜昭昭者天道豈終愆
變復其常絀殛憮人數載栖栖再歸於鄉歸鄉決
春載輯其居爰構斯堂乃構乃基風雨淒淒方以
為忤曰維丙寅建宗之期忽然而姓
帝於斯時芻言弗訖

明堂初高泰號旋加天人咸和大霽乃行郡銜復
貽邱報適來於堂有慶如跂如翬君子攸躋頌禱

稱觴陽陰之化忠孝之忠交孚於今天定弗非聖
言弗欺眎堂斯名斯堂巍巍居城北隈山林之象
堂左惟祠縣縣孝思百世其程兩軒翼之星雲瑋
題櫺陰滿庭梧桐萋萋荷香浮浮篁竹蒼蒼處
爰游絃誦款歌樂且無央有子也才傳於茲以
迓天光天之無私循環之運惟德之
慧知之增大任斯容侃侃先生
剛甚直而平如玉如金日新無疆遐邇
藜藜不遠其庸我聞軾銘三槐之王執初
為書

爾烝民勿謂冥冥善惡靡微微在葉宗暫塞而通
通曷可量咨爾葉宗子姓重重言念於公公業之
創豈易以成拮据經營留基之封獲構勿慵大倫
必隆貯谷涉久外誘弗驚自信者強一經凡上王
道之綱其言匪空文行烝烝福壽樂康恒霽朗朗
昔也策名同寅協恭匪貌之從事變之夏知公彌
真允國之楨敢紀天常永詔雲仍夙莫母忘

天籟閣記

未始有物未始有聲未始有氣未始有數故貴虛

然而未始有夫虛也者何則俄而有物矣而未始有聲俄而有聲矣而未始有氣聲氣之相生俄而有數矣一而二二而三三而萬以至乎無窮吾以觀其始果且有曆與系乎哉且為玄為黃為宮為商為僕為王為華為羗為厲為康為長為歲為絕為萌吾以觀其極果且有復與息乎哉故未始有虛未始有物求物於物無物不虛求虛於虛無虛不物物不可言物而况乎聲况乎氣况乎數之無窮然虛不可無物物不可無虛虛亦一無窮物亦

一無窮有物無物墨林子之款也歌也群也顯也有虛無虛墨林子之默也寂也隱也一以為胄子一以為畸人而未始有物一以為比竹一以為衆竅而未始有聲大塊之噫也為突為譔為干為喁而未始有聲雲之合於太空也為山為屋為人為衣而未始有氣秦氏焱氏羲皇氏而下吾窮其矣美廣成子務光子老聃而下吾窮其言矣荀况屈平賈董而下吾窮其辭矣倉頡沮誦史籀以下吾窮其藝矣而未始有窮理之於焚也狡之於

恪也萃之於渙也汙之於燠也晝之於夕也巖之於夷也牝之於雌也穉之於耄也吾窮其數矣而未始有數而孰與為臣妾而孰與為寇媾以我觀物無物非我以物觀我無我非物果且有我與物乎哉果且有物與虛乎哉若有朕焉而吾不能握其機若有聲焉而吾不能奏其響無我非物無虛無聲無氣與數而吾以葆其真而談其真而忘其次而孰能知之而孰能言之孰與聽之而余也始妄言之墨林子妄聽之而言未始有言而聽未

始有聽其斯以為天籟乎而無天籟乎吾惡知之

貳守侯公去思碑

南海見洲侯公為寧波郡貳守六載而遷南督府幕以行鄉進士袁祖義趙參魯弟子員張奎章木輩謁余曰吾郡昔稱樂地二紀以來東夷倣擾壯者殲於山澤老穉罄於畎畝賴賢郡伯撫綏至於今侯公其最者侯之始至方用兵倥傯乃簡兵造舟督師轉餉勞瘁煩屑席不煖輿冠殄域寧緊侯之功也暨攝邑章則重喟曰軍旅之後郵民其憇

平量役弛征減昔大半尺籍以核蕪并以釐狐鼠
屏詭竄息民乃安堵邑西有謝嶼者盜區也妖祠
鍾馗捕隸積蠹表裏回引莫能致詰小者穴墉胠
篋大者焚人之廬溺人於水苟有訟者廢詞罔達
釋姦罔獲侯曰吁痼哉毀其祠田其壤繫其人而
宥之法百年禍本芟於一旦此公德之大者公遷
而行勿可借矣民即海會精舍尸而祀之願夫子
為之記余曰然余病卧東山侯亟顧我其色温温
其言徐徐謙恭謹禮若恐傷人而穆穆風裁凜乎

其不可犯詩云有斐君子如圭如璧公真其人也
久而察之公之視事每自昧爽迨於漏下細大必
親靡密必盡無厭倦之容自奉甚薄家法甚嚴莖
蕪尺縷弗闖其室清慎且勤蔑以加之矣君子之
道知崇而禮卑崇則高明廣大常伸於萬物之上
卑則縝密以粟曲成庶德而不遺古之人所以永
譽於天下者能充其心以達於政而已矣大司馬
張公曰公生明庶生威理慾之情不可不慎也侯
公愷悌惻隱人也而外寇以退內盜以除不偵而

明不厲而威可謂仁者之勇出之有本而貌如其
心者已當有歌詩俾從仕者知公廉之為善道乃
為詩曰

安靜之吏悃悃無華日計不足歲計有餘昔聞
其語今見君侯菴番六載匪懈其劬朝蒞訟庭
夕征海隅利器盤根中音駭如潔白冰玉仁心
亶孚瘡痍頓起含哺謳歌夷遐百舍盜絕根株
允公允廉匪鈇匪斧督府遷秩孑孑干輿借寇
奚從 石是謀天聽孔卑還我公平廣漢載繩

式為吏模

費宰秋厓董公墓誌銘

秋厓子寢疾天野人問之時秋厓子病既歲餘矣
雖甚羸神采弗少變自言宰費八月丁先君裕庵
先生憂哀毀登頓扶櫬數千里遂得羸病既而子
婦連喪憂且甚是以甚憊余曰子氣未動無傷秋
厓子曰事有拂於情者吾未嘗不以理遣不測而
至者吾要諸陰陽之化報國之志吾未能酬其萬
一吾安之命惟思親一念不可解於心耳語已復

劇談經史性命之學泛及文藝喟然曰近世文弊
極矣由永樂至弘治作者不脫舉業崆峒子復先
秦之氣有雄視千古之志不免摹擬遷固學之者
陰竊公剽由衷之言微近時黃省曾專學六朝散
亂之言淺學小生轉相效習不復成語文妖作豈
止氣殆銷非特古文沿及舉業更贍以短未畢而
暗更顯以晦假途千里林某氏尚之我浙士習大
壞徐某氏志於林弊殆趨平正能平其詞而已未
有究於理者也夫文以明理為主理明則短長抑
揚古今奇正皆善夫文以觀人君子特立獨行通
塞不變而文逐時好弗主於理則其所守可知而
世道從可卜矣議論侃侃余韙之久秋厓子復言
曰言心聲字心畫君嘗為我書扇箴之二十餘年
如新今世號能書者徒以側鋒取妍為迎門獻笑
之態而不知隱鋒折波之法其弊猶文而已語自
午至申疊疊不息且欲留余宿以畢其興余固辭
而退私念秋厓子識正學博其志大其辭昌終有
顯於世不謂其遽死也僅浹旬而訃至矣秋厓子

之卒也屬其子果復改名夢龍曰天野人知我銘
吾墓者必天野人天野人所書吾扇吾所寶也必
以入棺言訖而絕踰二年將葬其子果介吾壻渠
以告余泫然曰余何足以知子顧余棄人也秋厓
子寶其殘墨且以終事寄我寔知我我辭是負秋
厓子也按狀秋厓子董氏諱瀚字宗理更宗涵秋
厓其別號也其先自隴西徙慈拉鄆家焉系出漢
江都相純德君商曾祖文信封湖廣道監察御史
祖珍贈戶科給事中父銳裕庵君例授宣義郎母

錢氏以弘治庚戌十月三十日生秋厓子於鄆文
英之里年十八遊場屋正德丙子領鄉薦六與計
偕嘉靖壬辰吏部授知費縣甫至里正以贖獻秋
厓子詰何來對曰土俗歲率民緡錢為贖秋厓子
怫然曰長民者未能利之贖何為及我里正懼而
退費方災秋厓子弛征發餼蠹剔脂摘心齋德禱
蝗入於水患周敷飭民士以興有同產訟者毋右
勿而誣長以逆秋厓子庶得其情諭以孝慈民泣
謝焚詞而退因掠立當死者二秋厓子白其冤於

按察使皆生之其扶柩而解官也民挽之不得則泣以去歸橐罄如耳部使者聞旌其賢蓋歸三月而檄累至秋厓子性質直無偏見一善輒推讓掖勸或非義雖貴盛人不少假借面折以理已則怡然弗芥蒂於臆尤篤孝弟事兄冽撫弟泮潤敬終其身好學多讀書邃於易為文章惟理主氣昌力去恠誕纖巧語其志欲澤被生民變化風俗使假之年不止此娶張氏子四果杰斐樂與遊郡庠能世其業年十七試有司稱雋矣斐樂皆先卒女一

壻丘如阜孫一伏生長名大章後如大昇大晟等俱遊庠諸孫別詳歲月行狀續述余問秋厓子疾在嘉靖丙申七月望其卒在八月四日享年四十七耳今年戊戌十月二十一日塋清道鄉北庄之原今遷萬歲橋

銘曰巖巖秋厓我知其人厥中坦坦克慎其身王之鎮粟白虹温温仕未究施我識其文弗枝以滯惟道之伸如粟恒味寔飽斯民侃侃天真內行攸敦去而益思其宰十旬北庄之原四尺

者墳子止斯耶命也何云

題解學士書法卷後

解學士文水先生生國初與危大樸宋仲珩仲溫相後先故其書亦似此卷正其少時學二宋書也晚歲多出新意變幻不可測此雖尚守程墨而古意固無恙也其論真行草法甚當惟不以篆分且取右軍而舍元常取永興而舍信本而疑愚嘗妄為之說曰學書必先篆非惟欲窮六義之本且熟圓勁古雅之法真行草用筆之妙寔出於此篆

而分分而隸隸而行行而草其序有不可紊者篆有三先古文古文見三代款識若齊侯鍾父乙甗晉姜鼎伯姬鼎張中簋仲丁壺遼磬寅簋等皆當永以為訓次大篆石鼓文是也次小篆專法李斯泰山頌第一嶧山次之會稽之罘瑯琊又次之分有二有隸體八分即漢諸碑字鴻都石經及閣道轂阮劉熊武榮張遷費鳳等碑皆萬世分法之祖有篆體八分夏承三數石是也隸乃今之楷書自永舛誤以八分為隸於是分隸之名始亂隸當先

學題署大字以顏公中興頌君謨萬安橋為法歛
為中楷則宜先學歐九成宮虞恭公然後學永興
孔子廟碑以增姿媚不然則骨體不立易流於俗
矣小楷宜專法宣示表緣此表乃右軍臨東書
合鍾王之妙得古今之宜其他諸家法書以資博
覽可也行體二真行宜專法禊叙及官奴來禽
等并開皇帖聖教序陰符經興福寺碑行草宜法
大令鶯還授衣吳興天寶碧石歲盡相過日寒子
高比隣夏節寬喻衛軍得雄奉別極冷海監中秋

畫符東閣等帖展而大之則顏裴將軍詩米天馬
賦皆不可不知草亦有二體先學章草以知偏旁
來歷以皇家急就鄧騭竹簡蕭子雲出師頌唐人
月儀為法後學草聖以十七帖為根本博考淳化
大清樓等所載王帖展而大之則謝康樂步虛詞
懷素聖母碑自叙八市河東帖顛草帖張旭千文
彥循擣衣篇斯皆不二法門也楊子雲曰斲木為
棊棊半為踰亦皆有法書雖一藝抑豈無法而漫
為耶吾少宰蒲汀先生詞翰輝映一代而好古恒

若弗及出此卷示走命題之敢推文水之所未及
借附於後

跋九歌圖

燕山葉原靜氏善臨古人畫往往有逼真處於九
君意象皆得生動之勢展玩之頃若可即而告語
不待呼閭闔而愬之也使三閭尚在得見畫其忠
憤之心可以油然而解而上官子蘭妬害之計亦
若莫能為有無者畫手之妙可奪造化臨本且爾
未知持約親蹟當又何如也嗟乎九君者皆鬼神
不可測識而畫手能狀其形使人可親而覩彼靈
脩者人耳顧恍惚隔絕未可告語此懷沙之行所
以流恨千古者耶東橋先生歲是卷命某錄屈詞
卒業投筆悽然興歎

跋華氏小楷

學書必宗鍾王此萬古不易之定論顧二家體各
不同鍾法太古王體近今能約其中斯其至矣惟
宣示一表乃王臨鍾書合二家之妙為天下法書
第一若力命戎路樂毅東方則其羽翼與衛耳此

力命表為宋榻去今殆三百年矣殊可寶也陶隱
居以黃庭為王書合作然傳世惟臨本耳涪翁謂
殘缺者出智永瘦而差長者為徐浩肥而匾者為
吳通微是本則所謂瘦長者非耶然予考浩他書
率肥匾特視通微較蕭洒此本殆非浩能辨也又
聞唐人臨此書甚衆如遂良景審輩蓋不止涪翁
所言也然則此本縱非出於右軍永師亦唐初善
臨者所為耳非浩通微決矣予藏一本與此皆宋
榻第予本加精潔比希世之物也

題絕交書

山濤薦叔夜本欲混以同俗故叔夜拒之如此其
嚴寔忠於魏耳其言非湯武而人間不止此事固
一書之要旨也叔夜以濤為知己故直語以至情
濤不為密而使司馬昭聞之卒戕叔夜不惟悖君
且賣友矣姦邪逆亂之臣固如是哉或者惟責叔
夜不能遜言而無一語誅濤之心者是惡得為公
論也耶王右軍所寫絕交書筆法出入章草淳古
雄勁非他帖比惟豹奴末春二帖與此無異故知

梁武所題晉右軍字非誤也劉無言乃目為李懷琳筆而黃伯思又謂李不能自作意其倣叔夜遺跡而為之豈皆未觀二帖者耶二公以賞鑒名家而云此良可訝耳

與周莓屋論章草唐詩書

冊子如命寫去久以乏筆而稽近得貞立吳興四天始中書耳所選唐杜以格律風韻為主惟陳沈杜宋三王揚盧駱孟乃能兼之次則崔李儲常斯堪並奏子美高岑以為氣高而韻或未勝臯司

空劉錢韋柳韻猶可賞而格則漸萎盧綸耿滯而下迄於唐亡格韻皆遠之矣宋多宗杜而失之粗無多效唐其弊也弱以是言詩殆非大雅之所尚矣生之於唐必取其有杜格者於杜必取其有優唐韻者雖甚簡嚴然恐空群之外未必九方歎一寓目也章草東都最重鍾繇更以銘石其體遂鮮書錄所載唯伯美之府君孔明之二表休明之春秋幼女之急就是稱神品東晉孝元鳳尾之後臣下鮮能習之惟右軍起稚恭神明之歎而子敬亦

獲安道跨竈之譽今傳世者豹奴末春慶德孫權
之外遺跡罕覩蕭景喬出師頌吳郁月儀姿媚有
餘淳樸乃散神龍而後是書遂絕宋唯王長睿一
人知之元有盧仲武吳主一褚士文朱孟辨

國初宋仲溫仲珩胡仲申沈文明陳繼善吾鄞李
孝謙章文仲徐芳遠皆通皆之然亦僅宗梁唐而
漢吳古法末由也已不肖幼而酷好壯而自得顧
世絕知者三十年前京中薛君采劉叔正高子業
見僕所書喜而效之然皆未必遵彼周行者也公

天資英敏興趣優篤獨垂水鏡第慙刀嫫奚稱後
陳耳大拉此書胚於篆籀育於八分化於草聖非
尋常行草之比不可以時俗一筆雜之必於豪勁
飄逸之中有平淡沈著之意斯為得之惜乎經冊
不佳未能吐我胸中霓耳冊後尚有子美篇高吟
等十首尚須經八葉因誤蟻付漢工補之未來先
以在者請教梅雨連朝思懷鬱積所謂音聲日異
澗何用慰吾心者華亭不為愚吹耶尚期旭旦
疾亟丈不一

萬卷樓遺集卷三目錄

賦

瑤華閣賦

申志賦

報慈阡賦

詩

四言

六月其雷

微風夜坐

新苗

獨漉篇

騷

歲暮辭

盤谷辭

古樂府

鼓吹曲

朱鷺

艾如張

翁離

上陵

雉子斑

玄雲

黃爵

黃鵠

黃覃子

赤之揚

梅花落

國家圖書館, NATIONAL CENTRAL LIBRARY, TAIWAN, R.O.C.

紫駟馬

雨雪

劉生

上之回

將進酒

石流

五言

雜詩六首

集古詠懷六首

詠懷四十五首

詠懷二首

感遇

感遇四首

歲暮感懷

十一月十一日作

夏夜即事

雨中遣興

仲冬十六夜夢得四句因續為善哉行

二十夜作

六日因擬五言體

感知十首

三月初五夜夢劉伯溫贈五言體寤而紀之
除夕懷段鳳梧

感遇一首寄荅王子揚

呈汪仲安先生

壽默泉太宰

題春谷圖為林文中高士

賦得妾薄命贈執尊子

陽山草堂為姑蘓顧大有賦

贈謝時臣

自金陵歸次白土鎮述懷

二月六日泛湖步至靈隱寺陪王龍溪徐龍
川顧南宮王一山茅見滄方十洲孤山觀
梅

過碧社觀白蓮

和燕泉先生委心亭題壁五首

東門行

怨歌行

東歸

山塘樓夜坐思親作

懷王沂陽

萬卷樓遺集卷之三

四明 豐坊存禮 著


溫陵 蔡獻臣體國 選

賦

瑤華閣賦

伯昭甫讀書赤山之中有閣焉余名以瑤華而賦之

顯顯碩人兮獨立山之阿遊心廓漠兮咀彼瓊瑤之華友泰初兮狎三五世溷溷而未殺兮吾翱翔



而弗顧俛倏忽兮百載旁曠漭兮九工吾環視而
莫予當兮將凌風乎遐舉吾既與重華結言兮道
遙遊乎九天登羽林兮下丹丘望故鄉兮思悠悠
吾將以虛靜為基兮構仁義之廣居離濁世而獨
立兮屹崇崇之高樓青霞繞以為垣兮魚鱗瓦兮
浮浮桂棟蘭橈兮擗蕙兮既張七寶熒熒兮庭
寔衆芳蓀獨處此深閣兮振瑤音之琅琅心浩蕩
而無累兮江妃洛神皆侍旁狀若苔之榮兮怨盛
年之莫留美顧盼以生姿兮含幽情之怵怵春覽

幽蘭之孤英兮秋傷鷓鴣之先鳴吾既與世而相
忘兮不知年歲之屢更朝徬徬乎四望兮夜間窈
其無人吾既樂此山中之寥寥兮飄遠舉乎埃塵
食至和飲玄酒兮與前修乎軒輊彼人間之桎梏
兮亦何有乎夢寐雲萬頃兮水千尋山寂寂兮多
深林羗崢嶸之不可以企而望兮渺渺兮愁人心
重曰此以下皆集古句
山中人芳杜若姱佳麗兮
暎獨處此異域日將暮兮悵忘歸隱思君兮徘徊
折疏麻兮瑤華臨風恍兮浩歌望夫君兮未來心

位個兮頽懷蘭有秀兮菊有芳思不從兮空自傷
彼聖人之神德兮與日月齊光君不歸兮欲誰須
歲既宴兮孰華予被明月兮珮寶璐進路北次兮
日昧昧其將暮風颯颯兮木蕭蕭猿猱為伍兮麋
鹿為曹歸來歸來山中兮不可以久留

申志賦

彼荒林之間寂兮豈君子之攸好嗟周道之崎嶇
兮乃託跡而高蹈賢者見幾而作兮不待火烈而
沃以水余非果於忘世兮思前修之遺矩美夔龍
之遭時兮悲孔孟之栖旅哂巢由之迂固兮慕夷
齊之高義景長孺之剛直兮申屠觸輪而帝明說
子卿之秉節兮不摧志於牧羊冠鄧翼漢使中興
兮伏張討亂而復唐魯連談笑以却秦兮留千載
之芬芳曰余非敢舍正而趨怪兮視紛霧之將橫
也慨三皇之久逝兮嘆不生於唐虞也願騁足而
高馳兮棄人寰而遊乎天外晨九陽而夕流沙兮
役羣神而遐邁觀泰華而若塊兮睨江海之如帶
翱翔跨越乎九垓兮永終考而無累亂曰西方美

人佩服煥兮何千百載不復見兮爰被霓裳衣雲
衣兮軒然乘風遊天際兮仰吸沆瀣食至和兮三
光在下何森羅兮回視壙蓋開飛蛾兮懷寶以待
海不波兮

報慈阡賦

坊來海虞謁琴溪先生因得至報慈之阡
觀焉慕孝思之篤也遂賦之詞曰

過海虞之閑境兮出北拱之高岡經野徑之紆曲
兮望崇山之青青蜿蜒盤亘不知其幾里兮似遊

龍之回首水學字以中流兮岡如屏而峙後羗坤
隅之生脉兮遂迢遞而東注繫乍寢兮以乍起兮
倏將來而復去或挺突而為峰兮或積伏而為坳
環佳城之纍纍兮靈根結而靡搖林翁鬱以掩映
兮慈鳥查查其亂鳴曦半露於叢篠兮清風飄兮
泠泠爾乃顧瞻徙倚悄然神驚仰天一噫萬古縈
情於是進野老而問焉曰此何山也野老曰是報
慈之阡也粵自虞仲東遜始茲其歲繇周迨今虞
山以名老氏之宮申公之井古像淵泉皆置其嶺

大帝有祠東則北城鐘樓浮屠次第其呈山南有
觀題曰致道左行可通望之了了觀存古井道裕
之丹天鑿遺榷千載奇觀若夫太公避亂之室神
僧闢龍之寺齊女望國之塋周君顯孝之祀莫不
迎前而擁後邇聯而遙峙舉目可得蕪軛可至者
也嗟夫海虞舊邑地隘人繁噓風汗雨山傾海翻
城無隙壤野皆平原化者無歸咸萃茲地是以土
墳石表戢戢相轉環連壘列沙散萍級步則感然
躑趾望則茫然盈觀或費用豐碑或侈歲石樞或
束縛歸岡或苞曳出竇或寥寥而代祀或濟濟而
蕃後皆望望而至於斯地共營土而立首然而莫
能相陰陽之宜凝山川之秀亡者未寧存者罔佑
惟封御史復清陳公之墓塋乘生氣穴走吉方主
賓趨迎虎龍騰驤鎖以重泉展以明堂磅礴鬱積
靈秀中藏專一山之至美垂億世之休光彼他族
之叢冢若群隸兮侍旁茲固復清公陰騭得之而
寔嗣君者必誠必信期無悔於存亡者也世德傳
芳此邦豪傑無倦傾耳請畢其舌惟復清公忠信

孝友謙以下人弗校其侮經史諸子靡不窮搜吐
詞金聲畫字銀鈞形骸若遺終年樂康斗酒邀月
頽然北窓等軒冕於土直通庭闈於一荒一塵不
染萬境皆空與造物遊浩然胸中天不熱遺未艾
而死厚德妊賢篤生二子伯也侍御仲則太史繫
國器之並立信難兄而難弟文共稱乎名世行簡
知於懋修較二龍而猶邁匪聯璧之可侔噫粵一
本以生人兮固天性之自然胡末世之偷悖兮罔
克念夫本原居則廣廈兮出則嘉穀窮侈靡以自

奉兮委親由於荒寒其視二公之純孝又何論於
同年始復清之卒也家無儲財歲多大水稱貸於
人棺衾以美乃謨歲墟暑寒其幾攀緣跋跬指見
於履爰卜斯地里曰報慈枚卜具協人謂其宜葬
師言之山生自坤迴龍顧祖厥形甚真蓋窆於寅
定向申方面山環水體魄固寧二公乃言吾從葬
師山水之趣先公之怡乃穿乃築一止於禮無喻
不足仍虛其左母譚壽宮遐福百年是歸是同歲
往治之闢地十畝植木萬餘當朔風之慄烈兮雪

霏霏以來下紛狻啼而鬼嘯兮踞於四野泥滑滑
以載路兮嵐勃勃而遙蔽黯深谷之嶽巖兮慘魂
悽而膽悸雖樵叟與牧兒兮亦無所為而至也爾
乃導凝秀之泉塞面衝之湍作永思之堂築崇後
之墩阡則仍乎里名義寔寓夫思親羗心力之既
竭兮猶惓惓而益勵也惟先靈之妥兮匪徒後人
之利也整冠束紳磬折而前歛容屏息詣墓而拜
焉誦楊子之碣文思名德之莫攀忽翹首而諦視
見三峰之峨然類不律之並樹諒文運之開先回
顧則長江在後波濤萬頃三盃山沒狼山現影福
塘若帶海色如暝遠有輕帆近有刺艇徘徊山林
豁然心領撫青松之亭翫平疇之井井爾乃歸鴻
送日層雲盪胸認古蹟於四望動仰止之遐衷詢
游言之故渫訪太伯之遺風吊夫差之始志想張
許之孤忠談昭明之舊臺步文恪之新塋興感慨
於一時寄長嘯於悲風方有感於野老遂即事而
陳說援筆成篇逡巡而別岫縷縷收雲空亭亭兮
出月

四言

六月其雷懷歸也乙卯之夕厥夢我祖詈其不能歸也愴焉有感故作是詩

六月其雷隱于北山有雲祁祁屯于中天雷之隱矣今其有他雲之屯矣澤如之何

有雲祁祁則復于淵有苗離離則稿于田雲之復矣悠悠我思苗之稿矣悵焉以悲

翻飛維扈不食我稷彼美斯求曷我肯憚

羽亦集于旦曰歸曰歸歲亦云晏

良宵單闕載寧我寢我寢寧矣我夢徵矣其夢伊何載觀予祖有成其容申申詈予

其詈伊何歲聿云暮爾之弗歸進退奚據求忠於考古訓則明覲焉冠裳望彼緹縈

嗟爾幼志思潔其身趨庭諄諄願為良臣爾良弗獲夙莫其憂知幾則哲怍彼前修往則怍矣來其

可思日也逡巡予日望之望之既違居復奚俟曰歸曰歸亦既窮止

大夫君子式穀好我俟時之良曰去奚可俟時不

良有涕滂沱爾親弗念悖德則那
幽幽鶴廳曰隱于吏俟時之良以遊爾志俟時不
良載頽爾顏爾親弗念而已斯安
炎炎蠻方耆艾斯征予日望之歲亦載更謂天匪
高謂地匪博覲焉冠裳胡生之樂
蠻方炎炎疾如之何予日望之既令有它謂地匪
厚謂天匪明覲焉冠裳不如無生
夢則微矣寢則興矣我寢載興有涕其零大夫君
子仁思孔優聽我勞歌舍我弗留

微風夜坐懷友琴歌自適春言顧之知音鮮
矣

微風載涼來自闔闔雲霞散綺分輝雜沓長川下
滄明月在榻援琴獨鼓漁歌相舍

微風載清涼露其零漁火明滅川波不興古壁蛩
吟灌木咽鳴援琴獨鼓知者疇聽

秋風宵厲明月西墜往來行舟蕭鼓喧嘩廣陵既
散倚簾亦悴瞻我友生晤言誰繼

秋宵曼曼白石爛爛蕭鼓嘽嘽川流渙渙囊裏琴假

寐友生天漢大火西流况兮永歎

新苗

相彼新苗維莠萋萋有美一人丁是憂罹寤寐懷
憂嗟我無為皎兮皎兮人之顏也燦兮燦兮服之
鮮也象之環也金之鈿也邦人之美也伊兮噫兮
有鳳鳴矣纏兮數兮設彼量矣喟其聲矣心其忤
矣我無能矣

獨漉篇

逆瑾專政

上天陰陰雲多風疾風疾尚可雲多蔽日野狐哀

鳴求匹於數我欲殪之念其無友文處微繫爪牙
無施我心懷憤與之同悲魚潛在淵不見其形悲
歌躑躅孰知我情黃鳥翩翩在彼江涯淩風一舉
燕雀安知

騷

歲暮辭

歲將暮兮飛雪繁北風涼兮朝雲昏轆軻栖遲兮
不自聊塊獨處兮思故山汨吾徂征兮多歲年塵
汗人兮傷朱顏援瑤琴兮孰知予老邁及兮行路

難馳余馬兮陟高原俯仰四顧兮聞其無人晝杳
杳兮鬼長歎松栢摧兮凋桂蘭望美人兮阻山川
期浩蕩兮遊不還

盤谷辭

山蒼蒼兮如環護平疇兮萬頃林翁鬱兮溪深泉
滴沕兮源永羗千載兮融結邀天作兮雷境界碩
人兮有托垂閔休兮何炳享有廟兮燕有堂孝且
睦兮耄而康煒緝儀兮齊若鳴瓊琚兮將將忽登
高兮騁望續蛟舞兮鷺翔霞青青兮朝暎月皎皎
兮夜光山有豹兮海有龍望美人兮思沖沖步徙
倚兮太息倏而來兮堂中瑤席兮玉几薦蘩蕓兮
顒顒春風兮秋露渺予心兮無窮

古樂府

鼓吹曲

梅林胡公以御史按浙倭夷圍李公於崇德公
躬介馳破之

詔進公僉都御史為崇德圍第一

東夷來宗德圍身冠黃鉞轟霆雷秋風蕭蕭萬木

推夷授首城門開先發後聞協

帝懷中丞易置登賢才中流柱魏康哉

夷自温州趨紹興將攻城胡公親按龕山殲之
詔晉公兵部侍郎兼副都御史為龕山平第二
柯橋夜河流漸東夷汨城薄之煌煌秉鉞星載馳
三令五申罔不思奮揚天威龕山烈焰電為旗賊
生者俘死化為塵泥龍光晉錫印纍纍

倭夷圍阮山峰於桐鄉胡公躬介救之賴以無
恙為桐鄉危第三

桐鄉危從政者新號令垂棄甲百札城欲摧東夷
聚笑呼秀才胡然而神自天來貔貅咆哮軼九垓
先聲震精蒐飛夜曳兵城門開同年會義分災太
平高宴揮瓊杯

叛人徐海陳東導夷十萬分道入寇公使人諭
海獻東授海朱旗使出乃躬介追轅於沈莊夷
以旗出者別將伏兵殪之

詔晉公右都御史為朱旗出第四

朱旗出燁翩翩鎗一矢兩禽連禽之飛欲冲天江

南北岌乎顛神謨秘畧仁勇全燭照數計踵不旋
十萬靡孑遺金甌完幅員

陛下明聖誥屢頒功在
社稷長不刊

夷攻慈谿四出焚掠胡公追及於永嘉殄焉為
逋寇殄第五

慈谿多巨族無城不肯築東峪與靜 焚燄一何
酷山東兵來賊夜哭秀才姑息反乎覆公赫怒介
以逐永嘉積尸赭川谷信知天道彰禍福肅將明

命惟公獨

王直亡命二十餘載丁巳冬引夷泊於翁洲胡
公命將擒之事聞
勅賜金帛為巨魁獲第六

直之亡肇陶賈父于毛子于許言歸粟鼠為虎教
之導夷噬中土冬泊翁洲圖大舉命將擒來繫以
組億萬蒼生歌且舞渠魁獲民安堵公之功高萬
萬古

王直既擒餘寇擾朱家嘴公復遣將俘之為蕩

朱洋第七

餘寇愚愚復狂渠魁縛何搔攘眇蛇蟬撼豫章公
之勤威武揚豈微視背有芒選將赫赫師堂堂乘
風舒颿蕩朱洋出匪信宿俘獻堂纍纍入城三木
囊寒燼消滅人樂康

毛烈以夷入據岑江兵焚巢急擊盡殪為岑江
夷第八

岑江山巖以高烈稔其途作夷巢城之狐四族豪
散布腹心資橐橐餽樵源源金九拋利市三倍甘
死饗公察通言詢葛莨親按其境信孔昭宥撫為
從糜厥臬岑江夷夷根苗遂升八座珥漢貂

朱鷺

朱鷺何翩翩既食我鱠與鱠母踐我良田我田每
每樹以滋無荒怠於戲先君之苗

艾如張

置旃為轅門艾蘭以為防犂狗逐兔馬走高岡但
我致彼雲間鵬鳳鳥千仞何翱翔城中有屋群雀
啄啄

翁離

擁離趾中清且間伐桂築室藉以蘭我欲高飛遊
仙山海有波風以寒摧折毛羽傷朱顏

上陵

上陵何魏哉松柏鬱依依鴟鳥當晝鳴赤鳳逝不
來青龍為君駕黃金為君羈珍珠為君蓋白玉為
鞭箠西方之鳥青翅鸞玉童鳴鳳簫倏忽青天間
蟠桃之樹其寔何累累王母來翻雲旗遺我白玉
丹輕身化塵骸翩翩從之遊永與世人棄

雉子斑

雉子斑在彼芳原雌喔咿孤雄繞林間雉子高飛
野漫漫黃鵠一舉青冥間寧隨黃鵠翔不與群鷄
餐色斯鼓翼時哉翻晴鈴黃爵不知危與安

玄雲

玄雲觸海石崇朝雨如線長風暫飄颻玄雲有時
散既散還復合白日何由見

黃爵

黃爵黃爵飛飛何所為南山設羅網北山少年挾

彈兒黃爵黃爵慎爾之一調醜酸何所悲

黃鵠

黃鵠何翩翩來從海之涯肅肅毛羽咸澤載輝下
遊來唼喋蒲荇啄彼鱉與鯿蕩子挾兩丸徘徊立
俟之揮丸起黃鵠飛之以千里薄浮雲栖芝山樂
我生壽萬年

黃潭子

蒿生之綿綿淇淇江水流懷我好仇渡無船倚
赤之揚

雲之揚涼風颺朱光隱歲如馳瞻彼平原兮皆生
之禾待為樂人生能幾何虎嘯中林鶴鳴相和去
歲之豐體安和雖無友生獨酌酣且歌身後之名
當奈何朝為對酒客暮當委丘阿

梅花落

北風一何涼涼草木枯死天雨雪其零有梅皎皎
華以芳馥歲歲春時既更梅花落隨風飄颺下者
為汗泣高飛渡江豈不慕彼艷陽愧彼桃與李物
生各各有命安之已矣

紫騮馬

騮馬來出天河彰皇瑞負靈圖騮馬嘶思萬里塞
雲奔朔風起騮馬躍天門開滅電彩凝浮埃嗟嗟
馬兮胡為乎中野嗤彼駑足蹇俛長櫪下

雨雪

歲云暮陰以昏心之憂懷我君君之遊邀山川駕
馬決驟雨雪風以寒君歸乎堂以安君不歸恣遨
遊路險且遙日之夕獨歸憂以勞君之歸君安樂
我行雖遙心豫若

劉生

慷慨思彼劉生嗟倚牀削刀鳴虎耽耽吾何能馬
玄黃吾可橫行削刀鳴邪吾何寧風蕭蕭易水水
嗟采薇蘆中行走馬引歲三更吾何寧邪何能劉
生劉生

上之回

上之回行何娛撫四海臣白奴雲為旗電為車教
遊回中道萬歲常晏如八駿之馬涉靡靡王遊豫
行何美太師作韶角與徵云誰之思相國晏子

將進酒

將進酒飛羽觴
桃有寔蘭有芳
慎德哉在不荒
眷古昔懷豪英
參差歌聲金石揚

石流

石流何湯湯
渚有香蘭鬱以芳
采之盈袖綴華裳
綴華裳當風揚
君子哉秉心忠且良
寧乾坤遂陰陽

五言古

雜詩六首

盈盈美人姿
燦若李與桃
蓬軒弄哀瑟
怨抑何怵怵
云是邯鄲子
姓字聞九霄
淫醜若相妒
無端生詠謠
君王可面謾
遠棄不復招
嫁為厮養媼
卒歲恒憂勞
寄言宮中女
未足軫千妖

大禹古聖者
胼胝拯斯民
孰能自安逸
佳譽流千春
君子耻食浮
高位播不仁
明珠墜泥沙
光輝豈終溘
勉旃自磨礪
荷此天地仁

我有古寶刀
傳自歐氏爐
鋸若秋霜結
鐔若芙蓉舒
佩之出行遊
酒酣過通衢
月華流素石
惴惴疑

於菟揮刀奮一擊刀折虎不嗟乃知醉眼誤至寶
從此淪不忍復取觀念之輒驚吁

孤松挺穹壁下臨萬里波激湍啗其根驚颺撼其
柯紛紛穴赤蟻裊裊纏青蘿群攻未云已生意當
如何嚴霜一夕墜高標復嵯峨君子固窮節感慨
成悲歌

婷婷懷春芳施鞶聽父母但用錢刀多進止未先
剖屈指結禱日兩見金門柳與其中道離眉若深
閨守天命安敢知人事竟何有西風中夜興啼淚
忽當牖柏舟與碩人載歌淚盈手

綿綿枝上葛陰陰茫其根民生有秉彜孰能忘所
親末世重交游意氣凌青雲趨時異炎燠反掌豺
狼群涉世識其情棄置勿重陳采芝多樂地於茲
獲吾真

集古詠懷六首

秋蘭被長坂其葉何離離隨風聞我堂采之欲遺
誰與君為新婚為樂當及時不念携手好遠遊欲
何之山海隔中州歲暮商飈飛一往不復還膏沐

為誰施西方有佳人被服羅裳衣遨遊快心意賤
妾亦何為

華星出雲間明月何皎皎白露塗前庭凝霜沾野
草寄辭翰墨林日極盡所討願言崇令德立身苦
不發人生非金石焉得不速老俯仰愧古今去去
莫復道

涼風起天末玄蟬鳴我側衡紀無淹度時節忽復
易摠摠都邑人戚戚何所迫人生寄一世忽如遠
行客富貴焉常保虛名復何益想見山阿人灼灼

美顏色青松蔭脩嶺白雲抱幽石思還故里閭中
夜起歎息

大江流日夜季冬風且涼我心何怫鬱繇繇思故
鄉自期三年歸相遠日以長登高望所思四顧何
茫茫俯觀江漢流仰看明月光孤雁何翩翩翩翩
獨翔翔形影忽不見斷絕我中腸

鷄鳴關吏起禁門平旦開層閣肅天居車騎四方
來荆楚多壯士西園游上才控弦破左的鳴金步
南階白日照園林秋風落庭槐佳人撫琴瑟中曲

正徘徊人生忽如寄愴愴難久懷思與神人遇飄
飄戲九垓雲錦非我駕但見金銀臺佇立吐高吟
會合何時諧

僕夫早嚴駕謁帝承明廬擾擾游宦子赫赫王侯
居步出西城門攬轡正踟躕借問此何時和風與
節俱池塘生春草仰觀嘉木敷客行雖云樂思還
故里閭真賞初在襟中更不刻俱白日忽蹉跎
倏見榮枯飛雨灑朝闌密葉日夜踈寒蟬鳴我側
豺狼當路衢徙倚懷感傷我思鬱以紆離鳥悲故
林何為天一隅

詠懷四十五首

長鯤遊北溟栖志在玄漠揚鬣十洲震鼓浪三辰
薄一朝張羽毛秋風已飄霍不見希有鳥但見樊
間雀常恐百物消飛飛將焉託

白日入虞淵秉燈聊娛嬉忽聞促織鳴時物令我
悲雲螭邈難駕燕雀空依依烈哉魯陽公百禩良
可希

佳人抱幽素輾轉傷夜永和律變寒溫巧織澄雲

影既拂茂陵，弦復勞三閭。聘秋風，梧葉下，感悟獨
耿耿。

熒熒瑤臺鏡，飛光滿四壁。嫫母有汗容，西施見春
色。纖微良不爽，洞然無滯迹。磨瑩在晨昏，無使塵
埃蝕。

飛雪散荒堦，玄雲綴重陰。白馬誰家子，射獵窮幽
林。貂裘護玉體，和鸞揚清音。不見窮谷士，抱膝
長吟。冷冷金石聲，烈烈松柏心。

神鳥不再來，蟋蟀俟秋吟。明珠藏海底，絕異竟相

尋。滄浪濯吾足，回風吟吾衿。唯應東國子，可用慰
吾心。

劍光照虛牖，清歌徹高林。中有幽窈士，裋褐撫
琴。問子何所思，志士多苦心。莘野歌芳躅，汨羅
浮沈。冉冉歲將暮，惻愴誰能任。

朝日蝕昏霧，清霜纈階前。燕坐爇金猊，拭几開
塵編。中心忽惆悵，捲卷起盤旋。太息為誰思，留侯與
陶潛。亡秦良之慕，躬耕樂其天。

鸞鷖振八荒，白日藏其輝。悠悠蓬下雀，緝羽心悽

其鳳凰在羅網邈然不可晞慰饑有梁稻六翮何
以揮願逢揚夫子與爾偕旋歸

出郭望故鄉極目千里道天高新雨足白雲照芳
草采之不盈匡佇立傷懷抱佳人不可見含情徒
浩浩

吾愛葛忠武事君不相疑吾慕郭汾陽一身任安
危撫今興有慮監古得所師原泉歎盈科嘉木媚
華滋苟懷四方志萬物何足移

悠悠坐空齋薄帷澹秋風白露摧萬木令我心忡

忡倚劒攬明月逍遙步西東民生鮮長在年華頓
為空前修諒難覩萬古留遺蹤

孤松秀南牖冬夏常青豈不挺竒節佳人愛繁
英翩翩蝴蝶飛颯颯秋風生中宵委泥土徒使心
忡忡

春風生百草倚桐托瑤池朝日耀其顛鳳凰時來
儀不蒙匠石顧牛羊更踐之嚴霜一夕墜化作荆
棘枝朝朝執斧柯感歎將何如

索居掩荆戶敬恭在高堂俯仰觀大化遊心入微

清老相傳集 卷三
茫興來步踟躕感物令心傷春風惠然來吹彼倚
蘭芳倚蘭在泥土春風空自揚

永夜不能息起步庭月明川潛或可覩林栖常自
驚春華難再盛寒露忽已零夫君隔山水流睇空
含情

幽洞出神物澄宇翔卿雲膏澤霈然施百卉皆陽
春古之運元化永賴臯夔臣振衣濯長纓思適東
海津亨衢有逸足盆沼無脩鱗

太陽匿西北長星竟中天飛飛雙燕子永夜當何
遷幽房未能寐孤鳳踟雲端凝霜抑彩翰歸度多
山川求之不可見太息卷阿篇

桂蘭濡白露桃李輝青陽芳菲固所同遲速不相
當龍火宛相失東園但茫茫孤臣拾幽佩明月浮
天香乃知天冶姿不若歲寒芳恍然獲我心高詠
命瑤觴

條鳴知天風礎潤知天雨披軒坐階石蒼庚向人
語清陰翳庭槐杲杲日既午谷神浣塵慮遊心市
棄宇終年聊自得誰能慕儔侶

高城俯神州中有華屋居玉顏
重關文綃曳長裾靈質抱幽素
芳歲諾征夫秋氣生薄帷庶草落
庭隅白華歎王后紈扇悲健仔鴛鴦
宿蓀沼起坐瞻望舒手執笥中刀
制作輕羅襦仙人乘翠霞翩翩戲
空碧手持海外珍獻之紫皇側天
閣怒當關凌風振鸞翼營志非外譽
慨此人世窄我欲往從之歲寒棲巖
石蒼蒼神境幽瞻望空歎息

大宅麗浮雲絃歌奏笙簧
瑞姬舞春風眇睐流電光
朱絲拂銀甲寫作陌上素
賓從日中集車馬何輝煌
入門徹紫蓋揖讓升中堂
綺筵羅麝蘭一笑傾千觴
蟬蛸競昏旦丈夫志四方

宋客持端甫行行售祝髮
空勞千里資殊俗非所設
總珉與瑜瑾共待玉人察
何如進櫂疏扶杖君所說
我行桂載華我處桃更業
朱橘貢江南白顛不生越
土風使之然何必傷離別

南山何崔嵬鬱鬱生叢楚
白雲翳層阿清風送微雨
春鳩鳴下上草蟲踞側廡
中有董仲舒舌耕麋

園圃

綵霓炫朝日華穰高列宿下有百畝田與與登新
秀誰昔躬力作晨昏在菑構云胡自蕪穢荒逸遺
耕耨歲晏風雨來何用充糧糗

驅馬出郊原古墓何歷歷白兔避胡鷹秋風吹亂
棘貴賤皆黃土馬覩舜與跖惟留善惡名千載懸
簡冊感彼逝川歎少壯須努力

興雲自川谷爛漫隨飛龍甘雨降原田萬國生春
風古來君臣合謂體仁與忠一德美商宰頌膚歎

姬公世道在俯仰化機運無窮

高天何歷歷上有白玉京群仙戲往來陵陽與容
成端居心不怡思欲凌風行朝詢羲皇易暮造顛
帝庭餒服日月光渴飲沆瀣精金骨充綠髓黃耆
千歲嬰仰瞻何寥寥俯攬六合青槿花萼瑤圃揚
揚幾時榮

朗日映湍水清風暢幽蘭俯仰無所為寄跡觴詠
間坐中無弦管室外列崇山遊目極宇宙覽文懷
昔賢貞心擬重基鑑物思停淵取樂在方寸自足

夫何言

孟夏農事集禾苗鬱蒼蒼脩竹蔭清渠薔薇吐幽
香聊且獨行遊逍遙步方塘時雨散雲端輕風亦
飄揚考槃有清韻遊神自徜徉

天道有失節亢陽陰自凝疾雷震長空飛電散郊
扃二儀無端始理亂潛其形聖智斡神機人靖天
地平邈哉千載下引領心怵怵哲人已矣夫竹素
垂餘馨安得九成鳥翩翩下空冥

輕颺屆素秋脩景謝朱明澄澈自扶桑萬象森以
興薨薨蒼蠅羽格格川鳥鳴欣然攬物化躊躇步
芳汀荷葉出清渚濯濯開新英

髻齡好名譽馳思入幽玄著論羅萬物落紙動千
言群公既嗟賞同儕共推賢役心但觀美反躬諒
多愆沈疴掩高閣坐觀衡運遷東園耀芳樹清風
日翩翩常恐花不寔零落同草菅

驅車朱明末客帷秋風生海水運南北丰柄縱復
橫壯心懸滿月遙帽激青冥黃金感季子緇衣慙
士衡起望松柏林上有珎鳥鳴弱羽思南奮倚望

何營營

亭亭江梅樹本自南山顛徒抱冰雪枝當避桃李
年何知美人意采掇勞寸帛芬菲在寥廓悵望清
風前

人生期百年朱顏易為衰况云風燭變誰能盈所
懷如何短世中戚戚寡所諧驅車策良馬思欲窮
九垓重華逝已遠眇影空長唉
渾儀馳六龍蒙汜無停駕喬木偃微風冥冥坐長
夜皓月不可覩昏霾遍天下五子歌洛表二相康

周杜遥遥東海隅懷人獨長吒

醫師儲衆材用防多患生富室貯年穀饑寒無凋
零吾聞大易理所貴茅茹征雖勞胼胝力予立功
難成清夜聞鳴鴉鷄紛紛縱橫茫茫棄中野一去
鴻毛輕

中孚贊鳴鶴宵歌鼓鐘王道由慎獨幽顯互相
通大人職正君黃輅自其躬三歸亂齊國四老危
劉宗寥寥幾千祀此道誰能崇

一唯傳聖道都俞成治功君子時語默三緘抑詞

身老相續集 卷三
鋒豈徒榮辱機庸行愧難從平生自隱哲撫事恒
熱中冥冥倚危墜浩歎當何窮

殷道何溷溷利欲紛千岐所以孤竹君誓死西山
薇窈窕卧空谷豈復求人知自非宣尼聖疇能蕢
其微高風抗千古凜烈真吾師

穆生留楚醴孟子却齊金餓夫耻嗟來溝壑寧自
沈烈哉禮義防確然君子心毫絲有不察能不愧
古今

青春不可見朱光亦已中積陽僅數旬苦雨迫自
冬通衢成巨澤密室來淒風三吳力稼穡國賦夙
所鍾粒種未能播焉望卒歲功私居獨浩歎常若
疾內攻逝將叫閻闔天關邈難通棟崩靡安處折
柳隈西東誰哉起堯禹一孺懷山凶
園葵秀南谷高旻動涼颺豈不懷陽春託根獨後
時四郊集繁霞喬木無全枝百物從大化何況在
細微雖勞高墉陰采掇將焉施

冰懷二首

碧桃傍日開靈芝植幽渚榮悴無外想物性任風

高峯樵叟集 卷三
土中道逢嘉朋相揖對吾語微榮在年少折翅非
高舉東方諧武皇毛遂盟雄楚登天賴雲梯况復
多儔侶殷勤謝君意人情各有主身屈而道亡違
心異伊呂去去采江籬歲寒保丘閭

客從玄圃來遺我英瓊枝竒芬鬣四座置之清江
滄結根未得所動搖因朝颺願携在衿袖千里遺
所思時移恐芳絕山川路間之靈物任素心豈歎
葑菲 造父遺神足中野凌風馳

感遇

鳴鳴陰雨至葉落涼風發即此感陽春感歎未之
絕何況霜雪飛天寒川流結四顧何真真雄狐據
高穴騎馬歸東山白雲足怡悅

感遇四首

龍駕擁卿雲鸞翼振靈風鳴珂朝帝里思將建竒
功抗節心所仰直道時豈庸和光枉尋尺寵命日
以降存世無千歲焉事求遺弓故園茲履跡高天
蹤飛鴻

其二

飛鵬運滄溟變化何歛忽大地杌崇岳高空落朝
日萬象咸崩動微塵等滅沒雄心殊未降天道竟
難必神仙獨高舉冉冉凌雲出

其三

玄天肅金氣雙樹朝變色人生無百年相對空悽
惻永懷同遊士視我若塵跡微言如可記尚不異
今昔

其四

瑤殿開天上春日融且嘉貂珥何焜耀節鉞從交
加捐軀誰徇國射利皆肥家禍福終相倚時違還
自嗟

歲暮感懷

平生丘壑心豈為聲利謀偶承過庭誨俛首塲屋
遊何意輕聽舉虞羅忽見收深懷入宮懼魚抱樊
籠羞矧茲歲云暮端居增隱憂重陰閱六合馳暉
不可留百草盡成塵飛雪無時休驅車欲安之悵
望空夷猶終當反初服古道幸可求

十一月十一日作

去國已逾紀玄節及茲臨修晷何電逝壯懷終陸
沈壘壘寒露結悵悵悲風吟芳草委遙澤驚鳥翔
空林朝甕尚蠅羽夕寐惟虫音疲精有斷簡卒歲
無重衾餘悰奚足陳雲海馳余心孤燈未忍滅淒
然對露襟

夏夜即事

僑居乏膏炬華月舒清輝音容曠友生花影上空
堦微颺振叢竹寧須金石諧四壁絕人聲斗室扃
重扉流螢出腐草饑蟲侵故締扶藁蔭方沼素髮
隨風吹豈不眷桑梓飄零未言歸望塵耻潘岳帶
索慕榮期處順澹無營欣戚坐來遺

雨中遣興

維夏幸修晨幽居閱淫雨黃流湮麥畦玄霧迷葭
渚嶧桐音不揚鍾期逝莫與彈冠非夙抱乘桴竟
何許橫經悟新得牙疋克夕茹生平習坐忘浩蕩
澄寰宇

仲冬十六夜夢得四句因續為善哉行

高鳥隨迅風遊魚逝增瀾志士怡寤莫絲華世所

謹爍爍扶桑花朱英望秋殘蒼蒼松與栢冰雪近
空山物性稟天命修短皆自然衡門亦容膝雲物
充大觀川谷隱篁樾香靄半葦間善哉殊復善泌
上可忘餐

二十夜作

南簷霧聿消北窓月初落提提起城烏啾啾聚乾
雀牀停綠綺音戶啟青山郭沃圃藝甘葵脩椽引
芳藿常欣晚粟腴不厭村醪濁老農占雨晴牧豎
狎謠謔永謝高軒憂庶保衡門樂

六日因擬五石體

赤水灌巨海頃刻赴萬里返照射茂樾亂影蕩碧
沚靜室晚灑掃絕迹襍襪子茁蒨蕝曲沼繞砌列
蕙芷沐髮倚翠壁洗耳聽綠綺瓦缶雪紫柰竹竿
薦赤鯉熠燿出腐草白鳥避鹿尾衍晏擬桀紂逸
少可樂死

感知十首

五清聖賢學體道本明誠敷教宏規立危言大義
明公掌抗疏論禮昔也趨堂下拔舉異諸生素抱

猶慙負西川有夢行

都山大臣節耿耿何光明南行將帝命端坐定危
城閣人畢真謀反以應宸濠公談笑定之接武青
雲表相期樹勲名飛沈忽萬里何日叙幽情

積石今良史玉質何融融高懷苞萬象麗語叅玄
功一顧驪黃外余會試時江暉醉失余在公檢取
之深悲羅網中余伏關被杖垂命公使醫治之
吾生寧木石感慨意何窮

白巖真太宰清忠以自持龍蛇惟大義公以議禮
去國冰鑑本無私知名在童丕遷秩當危疑公調
余儀部即去國正當議禮之秋也歸雲大行表可
望不可追

閒齋吾父執風度真神仙節共秋霜迥文將四海
傳垂髫見與進余識公時甫十二歲瀕死遂南遷
余在儀部乞南調選部立案公為少宰時余病瘵
特為奏行空梁忽飛鵬悲望長天

燕泉文武才令聞流覽窮聖與直氣驚朝
堂仙府昔相引雲書行願言愛玉體碩果慰

時望

梅田大人度洞然密靈襟持憲惟心一報國乃憂
深多病時許告微長獨見任昨來聞左次俯慰遠
貽言

石峯有道者孝弟自躬行愛士唯剛正抗節何昭
明矢言雪浮論窮途見交情桃李豈忘報但馬嵬
平生

子揚濟時器文行久推人雅度謝安石忠懷溫太
真秋闈徵昔夢余未第時三夢子揚已而采以邪

科鄉舉竟為癸未同年又同試政榭酒辦招魂余
伏闕時子揚令吉水初傳凶問君設奠招余魂祭
之方取酒而樽封牢不可開其子曰必未死也不
然何異若此已而果得安信百年此知己昇墜豈
須論

二陸同年士相知自通家武部真邦傑文林亦國
華同憂交乃見余為儀部時上欲改禮而怒余
執奏七月十三日聞有兵千人露刃且夾余於朝
朝士皆驚散唯選之立候之顏色盡變見余無恙

乃喜既而二陸皆以伏闕得罪瘡卧各遣使相勞
苦余南調獨舉之馳送之異土念彌加余在南及
退居於家故人無相念者唯二陸時時寄書書託
南來使開封令我嗟

三月初五夜夢劉伯溫贈五平體寤而紀之
金庭千尋岡油油生玄雲光風披叢蘭飄飄揚清
芬孤鴻翔層霄嗷嗷呼其群仙人安期生騎龍來
蒼旻相招餐瓊英還童完精神瑤冠青霞衣追隨
朝无君膺符司南宮刀圭康黎民遐齡無窮時宗

六銘高勳

除夕懷段鳳梧

抵役趨 王命栖遲歲聿除江樓風雪夜斟酒興
何如黃霸循良政蕭侯壯麗居沿途勞運策闔郡
佇旋車山海青牛聚童兒竹馬胥香梅渾欲吐凍
柳未全舒掩目煙橫岫流澌玉滿渠炬松驚鳥雀
爆竹駭夔魑節物寧相待朋儔轉更疏窮編嗤醬
餽伏枕欲蘧篠久曠陳蕃榻誰尋安道廬寒汀看
宿雁應覓數行書

感寓一首寄答王子揚

巍巍金銀臺上接青雲端日月相照耀玉顏正婢
媛清音隨風蕤芬芳落九天諒哉此嘉會有烏栖
楹顛鳴聲應和律萬籟皆寂然豈不念離別慕彼
壺中仙天命有定分幽居可忘年

呈汪仲安先生

支離抱沈疾繾綣啣高情春言觀君子良辰闢荊
荆艤舟行攬袂入室坐談經繁華紛欲悴翹然見
孤英新栽出微臬仙源來錦屏當筵照愉色宿雨

嶺幽馨山膚冒玉腴犧尊湛金莖欣此青陽媚揚
彼素霰零投君乏木李况我重瑤瓊願言金石壽
曠世垂鴻名

壽默泉太宰

綠野丹成日清時紺髮公八荒濡湛露高閣煖薰
風甫申徵輒秀周召擬元功徇道維完節思君
尚執中逍遙温國侶伯仲敬與忠庭蔭雲槐綠池
開菡萏紅南飛雙皓鶴西謁幾青驄火候先天易
真人紫極宮璠桃呈曼倩白鹿獻韓終閤苑

際扶桑弱水東顧余叨附驥避世作冥鴻皂帽仍
飄泊龍門許過徒稱觴妨蹤步瞻頌樂融融

題春谷圖為林文中高士

吾聞青城山佳氣連亭毒上有萬丈峰下有千仞
谷王詡已長往思邈繼來宿桃花閣世開杏子經
年熟白雲階畔生芳草窓前綠瓊函天地藏金鼎
龍虎伏利身兼利物品彙皆涵育勝幽勞夢思願
言一投足聃賦春谷篇仙翁庶來矚

賦得妾薄命贈韋尊子

昔登昭陽殿粉黛空三千羞容溢新媚妬態流春
妍何論傾城郭絕世良可憐秋風不我待花舞瑤
堦前含情非故歡玉顏自嬋娟飛螢照輦路慷慨
長門篇

陽山草堂為姑蘓顧大有賦

新暉送山青點點入茅屋平原秀芳草流泉帶喬
木籬篁墮涼影庭蘭動徐郁主人侵朝興鶴衣巾
一幅淨几發爐燎就林取書讀坐中無俗賓砌下
有馴鹿短扉竟日掩香醪四時澆間情寄嶧桐佳

詞歎湘竹翹企孤山隱想像柴桑築延睇擁雲峰
滿聽濺霜瀑久與市塵遙已共山靈熟後名諒非
求潛德思厚蓄落梅正宿雨予來破幽獨

贈謝時臣

我聞謝康樂遊山忘歲年賞心秋幹迥秀句芙蓉
妍百世見遠宗才藝三吳傳骨中起丘壑筆底驅
雲煙耳熟已數載面覲苔溪邊飄然松鶴姿長見
秋月懸酒酣蒺藜高興歌嘯青燈前對爾樽原子因
懷瓠原仙風度宛如昨才名許誰肩吳峰西巖踞

越水東蜿蜒霜風明鬢毛各放萬里舡眷茲傾
情慷慨贈斯篇

自金陵歸次白土鎮述懷 庚辰

我有荆山璞逝將獻君門拔劍辭家去虹氣相吐
吞行行日已遠舍舟陟平原凜塗馬足陷朔風尚
飄寒豺狼對我啼暝色生層巒浩然驅馬歸育德
向丘園古書三萬卷可以正乾坤蟪蛄豈知年木
槿榮朝昏飛鳴有鴻鵠千載齊威言

二月六日泛湖步至靈隱寺陪王龍溪徐龍

川顧南宮王一山茅見滄方十洲孤山觀梅
仲春戒時彥言訪逋仙堂麗日啓重闈和風泛孤
航澄湖滄玉液潛藻涵瑤光香飄群刹聳影落雙
岸長六橋烟柳碧九里雲松蒼放馬依豐草鳴鶴
聞高岡解巾濯清泚移尊浮夕陽江梅粲餘馥參
差侵羽觴獻歲慙桃李明節愉冰霜物情有如此
伊人期自將俛仰壯懷激絃管羈愁忘鳳笙吹伐
木瑤瑟彈隰桑古祠欽往哲象賢粵中唐鄴井霈
餘澤蘓堤藹遺芳白傅亦良牧惠政相比方君復
康

過碧泚觀白蓮

朱曦赫炎暑玄洲閔清寂蕪葭蘼蘭撓荆扉佇藜
策方沼湛虛靈幽葩悅貞白華露浮羽觴香風拂
瑤席明明君子心矯矯孤鴈翮捐彼臯傅勛育此
顏原德曠歲慰來思良辰欣請益王程指明蕪悽

愴林光夕

和燕泉先生委心亭題壁五首

真想

孤亭屹雲表，隱几惟圖書。達人忘去留，委心常晏如。昔也抗危言，志欲亨天衢。采薇備客臬，芝蘭因見踈。辭君泊南征，山川鬱以紆。赤舄疏狼跋，陽德幸茲餘。嘯歌以適意，蕭然此亭居。仰見城上山，俯躍池中魚。屈伸惟大化，不為纏縛拘。令人動遐想，欲比南陽廬。

遙情

明公秉銓日，好德何休休。雖蒙吐握勤，未遂登門遊。北斗橫大江，始得瞻風流。撰屨狎朝夕，如彼忘機鷗。如翬撫掌談，似欲栖林丘。巢由信高尚，孰與夔龍儔。臣節思自潔，君恩亦難酬。遙情寄滄海，能念蒼生不。吾聞范老言，每先天下憂。遠行苟得志，於道復何求。

宿好

鳳凰翔南服，翩翩入青冥。和鳴應陽律，萬物含春

情名園鬱脩櫬岐路委繁荆胷中萬卷書庶幾展
平生爾來諍禮疏大義何昭明宦途歷夷險秉心
和且平乾坤屬誰手日月忽徂征宿好諒有托
不忘躬耕吾聞有道者去住無所縈願言忍須臾
千載完身名

餘閒

虛堂此危坐鬱鬱鍾陵山雲龍倏變化王氣今百
年恭惟

高皇聖豈徒心塞淵基堂肇危室播獲豐原田神
孫繩祖武玄化充兩間名臣際嘉會志將建無前
忘軀思報國匪曰圖凌煙生民具瞻地節彼南山
巔嘉惠偶來茲有似祠祿間風雷倘天定衮衣仍
爛然

還讀堂

皦皦扶桑日流光遍綺䟽春風振芳林清芬入我
廬被褐從父老拜讀山東書彈冠事遠遊川原渺
驅車何意秋霜殞悴我畦中蔬南來侍君子日與
彭宣俱探討窮興義舒卷究良圖迷途或未遠為

幸其何如

東門行 戴某聘瑾從女

東門多棘榛蒼蒼蔽荒道道上往來人雙淚濕秋
草玉指寒君衣君去何時歸相知自蓬華一旦忍
分離君不見高山松兔絲百尺隨輕風女蘿自縈
抱垂嶺花濛濛嚴霜一夕降偕殄荆棘中又不見
青陵臺當年白骨生蒼苔上有青青竹兩鳥鳴何
哀交頸復比翼至死無嫌猜宋弘已矣時變易獨
對青燈涕霑臆

怨歌行

明月照高樓佳人未成寢玉顏正盈盈鑠金何凜
凜妾身久深閨焉能揮白刃當熊力已竭楚言情
豈忍舉手謝班姬千古良不泯 末意賢劉謝之先
去

東歸

騎龍戲列缺失足墜人間貞心與逸氣不逐東流
殘夜來中酒時乘月忽言旋天公見之笑電光燭
重泉讌我白玉樓拜我瀛洲仙供奉與右軍美藝

羅我前蒼梧仍大帝四岳陳昌言都俞曠千載令
我增慨然忽見郭令公羽蓋來翩翩俯視鮮血流
豺狼盡絃絃匣中有結綠磨洗去容妍神光照六
合想像華胥年恍然錦鷄鳴空階失雲烟抱膝坐
野馬詠彼歸來篇為謝二三子高誼良已虔執手
羨長嘯何為兒女顏大運有往復豈復醒睡間雲
路方蕩蕩與君還晤言

山塘樓夜坐思親作

峨峨高城闐擾擾販游子日出競來赴夕暮各歸

止動息有常期進退固其理永思不能寐白雲渺
千里

懷王沂陽

軒轅十二瑄沈埋虞帝祠 園羯鼓進至音誰復
諧仗劍陟崇丘睥睨周八垓白首終避世傾蓋新
相知相知豈云暮錦紵聊堪貽信宿倏殊方悠悠
勞我思三山波浪息願言擷瑶芝

萬卷樓遺集卷四目錄

七言古

病馬行

行路難贈朱必東

夢槎行贈林汝垣

贈湖陵散人

觀日歌

西谿歌

將軍行寄俞虛江

國家圖書館, NATIONAL CENTRAL LIBRARY, TAIWAN, R.O.C.

宛在亭歌為宗伯昭賦

水山行

盧將軍駿馬行

画鷹歌送高太守

画鷹歌為易鳴和題

雪酒歌贈錢屋舟

画魚歌為王汝陳題

桃萼歌

出郭歌

蓬萊歌送友遊登州

浩師蒲桃歌

泉牕歌為劉遜賦

秣陵七歌

短歌行

長歌續短歌

送孫性之短歌

十月四日張司馬招飲書院將拉岸風雨作

而返謝之短歌

短歌行

寒夜怨

寒夜不寐

庠柱行贈憲伯東明先生之江西

鳴鳳行送楊給事

瓊林醉歸圖為胡誨之僉憲賦

春遊曲

行行且遊獵篇

妾命薄寄楊璨

寇江奴

高節婦

鍾馗小妹

鍾馗小秋

高僧歌

家山歌

萬卷樓遺集卷之四


四明豐坊存禮著
溫陵蔡獻臣體國選

七言古

病馬行

過燕泉官舍問疾出見路旁病馬有感而作

路旁病馬棄不收乃是天上真驂騑君王玄默罷



遠遊爾輩逸氣空橫秋憶昔山西戰爭起嫖姚手
提三尺水夜半傳呼振鍤衣材官十萬同殊死此
時銀鞍出塞行白光一道如流星宵突重圍忽瓦
解晨馳厚陣皆土崩歸來步向丹關東園人太僕
俱動容却疑房宿觸地裂百仞躍出悲泉龍茂陵
蕭蕭土花碧玉良既死誰復惜非關斃城損前功
端為一鳴終見斥陰雲高高八表昏洒淚不到長
安塵日落荒城鳥栖背天明野田霜滿身聞說胡
窺白登道邊人被殺如刈草用爾豈無騰驥力冉

冉年華坐成老出門偶見令我哀買骨誰置千金
臺試問天閑十二馬即今未必非駑駘

行路難贈朱必東

君不見流沙河西於闐國仰望崑崙天柱矗岡頭
劫火萬丈紅不燼岡中盈尺玉又不見浮萍草生
溝水中東西飄蕩隨長風生來本自無根蒂焉能
特立如蒼松男兒墮地行有方神物千里何昂昂
一從龍逢比干駢首戮環視六合誰剛腸憶昔威
權歸國威四海九州俱辟易真龍南來御宸極洗

天浴日混元關誅逐柔佞褒忠直數年槁朽蒙天
澤天下生靈魚休息何期曠野來鷓臯三五成群
當晝號靈鳥不得安其巢縉紳扼腕徒嗷嗷忽聞
五鳳鳴嗒嗒志挽白日排陰霾天關九重呼不開
一鳳歸隱山之隈三鳳戢翅烟海裏蕭韶之樂何
由譜已矣哉國無人兮道莫申兮之子遠去何當
回百年苦被浮名累全軀竟作兒女輩快破樊籠
飛自恣直氣稜稜驚海內官不足惜志已遂炯炯
丹心照天地千駟萬鍾胡足繫行路難行路難拔

魚為君舞怒髮衝吾冠百川東流何時還烏鵲繞
樹何枝安羨子能翔九千仞媿余猶逐群雞餐直
須解綬去學餐玉法長歌逕入藍田山

夢槎行贈林汝垣

登高山望遠海丈夫壯志固常在羨君夢寐神骨
靈飛涉滄溟不相待俯看黃霧塞白日長孤懸鷺
鳳在網罟鷓臯號樹顛百鳥無寧枝飛繞何翩翩
直扣天關叫紫皇臣愚不識私自傷願施成湯仁
網鷺翔八荒天關引手推我下忠誠莫致空旁皇

便乘張騫槎泛海窮微茫飄風颯颯吹扶桑萬里
波濤搖日光乾端坤倪開只尺蛟龍起舞鶴鴻翔
舉得泅漈呼聲若雷四方上下不知其所極但見
青山一髮凌波來蓬萊之仙人招我金銀臺青鳥
雙飛九霄去碧桃滿樹千年開忽吾行兮河之渚
迢迢牽牛隔神女欲將人世問君平幾載洪波化
桑土靈椿不死朝菌甫零雕與學鳩焉知鯤鵬世
間萬事同大夢何用戚戚咨浮榮誰云去住由人
致壯觀天遣成茲行帝秦却表魯連節宣室終推

曹誼名古來禍福相倚伏那將得喪傷高情羨君
茲遊邁風塵回視盞中群蟻徒紛紛

贈湖陵散人

歲暮天涯送遷客冰霜瀕洞頭欲白江干頌蓋忽
逢君脩眉綠髮莖花色問君昨從何地來湖陵山
水雲中開靈鍾秀集靈人出手弄太極翔九垓渴
飲月窟水饑吞地窟雷吹噓大塊總一氣生滅萬
物如塵埃芟荷為衣蕙為帶倏忽來遊湖上寺連
林夜談啓玄祕備然忘却人間世隔歲江梅已破

香新春烟柳將舒翠樽中有酒且痛飲莫問明朝
風雨至君不見頽濱洗耳真高士千駟萬鍾胡足
繫長流牛飲猶不堪一瓢風響還須棄又不見孟
津扣馬如狂生耻隨膚敏來周京至今流傳采薇
曲使人塞耳不忍聽今人不識古人面但從青史
知其名梁甫陽春莢長嘯太行日暮悲倒行已矣
哉丈夫行藏各有志是非彼此徒相猜况復榮枯
有冥數鼠肝蟲臂誰安排酒酣拔劍指天笑天光
縈迴向吾照春風爾無情白日欺年少便須解綬

尋赤松安能更謁隆準公橋邊黃石知君是素
授受能相容

余遊鼇柱屢欲記海色病目未果四月丁酉
之夕忽夢中成觀日歌詰旦命孫書之

金鷄山頭夜將半空中忽聽天鷄喚
珠冠金頂銀翅尾
鬚鬚翻飛總層漢
籠裡眠禽齋叫起
蕉鹿禪栖遽驚斷
此昨天地昏如墨
微見黎光閃波面
須臾仙樂嘈八音
辟歷一聲天下旦
日嶠火赤徑百仞
五色煙霞縉絢爛
馮夷揚濤拍九霄
妖龍吐氣

樓臺現草樹依稀三霍山城郭掩映蛟川縣漸高
漸小辰集房碧玉熒熒絕雲線漏殘鼓歇啟禁門
落花飛絮沿江岸潮平風定六合空兵輪漁艇來
千萬虎旗雷礮赫皇威螭醢鼉羹薦華宴報國常
需文武才上策寧愁四方患少年勵志斬長鯨垂
老經旬縱奇觀望塵費李非吾黨快意人間駭流
電長謡寄與示同袍誰解從余遊汗漫

西谿歌

西谿老仙天上來鏡中山水谿頭開老仙不類統
襖子嗟歎朝瀝餐春雷少年手射黑鵬落軍中百
萬皆奔愕歸來作賦擬相如稜稜雄氣吞沙漠沙
漠茫茫偪帝都薊州開府真尚書朶顏繫頸叛軍
集帷幄乃仗君家駒正德中年瑾當國遠近衣冠
皆辟易南臺執憲屹如山翳桑却遇燕臺客真奴
據浙應戎濠片言摧膽妖氣消平生忠孝激金石
世人浪說信陵豪敦牂廣寒香滿袖天閑六蹶霜
蹄驟青瑣華顛非我謀直聲獨與姦雄詎騎驢日
日西湖上蘭葉荷花鬢相向笑指浮雲滅眼前溪

頭山水長無恙我來三醉谿水傍恬風靜日開茱
堂宿雨甘蕉搖鳳尾蟠空古檜交龍驤鸞笙鼉鼓
花零亂北舞南歌幾排徧秦王躍馬奏神功趙女
琵琶寫清怨陸鮮海錯紛相加靄靄庭梧影半斜
高麗詭薦胡麻醬勾曲密傾蒙頂茶停杯移席情
未已瓊筵湘囊展雕几廬翁十志駕長康魏公離
驢肩內史老仙七兒家白眉玉顏紺髮青宮歸篆
法瓌竒變通古詩畫清灑追王維適家世契樂無
比叵奈流光劇流水會時苦少離苦多冉冉江天
胥暮菑避地西來卧鄴泉披圖此日增悽然老仙
騎雲上天去啼猿啖鶴空年季

將軍行寄俞虛江

將軍昔舞荆山劍戡盡東夷掣飛電江南億兆死
復甦砥柱中流鎮瀛甸將軍今謁明光宮詔遣移
管向雲中匈奴北逐八千里寒谷吹律回春陽將
軍全才文武脩赤心報國盟天地真誠純德伊呂
傳管樂霸臣徒小器適從何來蠅點壁將軍完節
貫金石天子明心照覆盆鼠奴絕種歸西極江南

軍民慕將軍海濱處處生祠新雞豚香火走無日
共祝公壽千千春我別將軍經歲餘白頭伏枕湖
中居晝不能餐宵不寐浪浪涕淚霑襟裾天南地
北限吳越只恐孱軀成永別開緘忽覩將軍書遙
夜朦朧見新月延平躍劍會有時平生意氣天應
知莫詫廉頗尚能飯蚤覲姬文賜袞衣

宛在亭歌為宗伯昭賦

吾聞神仙多住蓬萊宮蒼烟萬里波重重秦皇力
竭飛不到空傳鞭石如秋虹美人何為居水中

縹白霧遙冥濛蓬萊之宮無乃是令我瞻望心中
忡既聞靈妃解環珮復道邗子駭蛟龍世上滄桑
幾彈指天邊鷄兔來飄蓬葯為房孖瑛為祀秋菊
春蘭芳未已海若起舞馮夷歌勺以丹霞薦赤鯉
胷中萬斛春雲起倒挈銀河瀉秋水煌煌東壁光
射地我欲乘風跨箕尾

水山行

歲暮陰寒陽氣消凝冰成山千仞高初從平地合
膚寸詎意頃刻凌雲霄玲瓏全仗鬼工鑿嚴冷永

絕鷓鴣為巢群兒瞻望意踊躍卜築相依結構牢綴
壁連甍流月兔鑿瑛峻宇榮霞標百歲深期比岱
嶽千金白謂輕鴻毛天運循環春氣轉宇中萬物
生意翹忽然見眼光杲杲冰山一倒群兒號棟梁
基構化為水半生心力都全拋吁嗟癡兒且勿號
蠻烟瘴海行遥遥

盧將軍駿馬歌

將軍大閱鼇柱前龍種十四來九天渥洼曾躍漢
武代河圖遠猷天皇年駟駒騏驎駟駟驥驪驪驪驪

驟驥驂馱渴烏為首鐵為蹄尾如流星目如電金
鞍玉轡逐隊行項下斗大垂朱纓孤竹馳驅虎豹
伏流沙出沒蛟龍騰將軍一呼大軍動鼇柱震搖
海潮湧磬控縱送恬不驚造父王良身臂諫雕孤
白羽指如鏃百步能侯蝟毛簇雷霆收怒群帝翔
去漢載秦矢歸燕憶昨將軍百戰功征夷二紀擒
元兇偏裨調御同此馬指麾百萬如轉蓬腐儒垂
髻希孔明壯歲嗟吁病馬行海濱忽見神駿出竹
溥觀儼童心萌我別將軍乘月去千觴醉我金盤

露秋風孤艇結綠號白虹夜夜飛鼇柱

画鷹歌送高太守

先是余夢高索作画鷹歌止記素壁秋風
二句越數日高有寧波之擢郡人有以呂
紀鷹圖獻者喜斯夢之有徵因請予足成
之

使君之仁乃與鸞鷲朋胡為飛來海上之蒼鷹稜
稜素壁見毛羽猛氣直與秋風爭吁嗟神物莫敢
櫻雲間幾磔南飛鵬橫神州宇宙盡寥廓下視二曜

如夜星長風晝嗑木葉下砭柱不動滄波平丈夫
立朝亦如此萬年社稷勞支撐四凶竄伏君側清
泉鸞善惡何分明藹藹和氣流八紘豈許尚父專
其名不然安足酬平生使君今作東溟主夢中賦
詩先有徵枳棘之栖不日會須一舉凌青冥蒼
生瞻望久已傾使君使君仁且明草間狐兔誰敢
行

画鷹歌為易鳴和題

分宜易君江右豪不驚不搏鸞鳳曹視我林良數

尺練颯然四壁秋風號疑是西方金宿精墮地變
幻生羽毛竒翎猶帶滄海水猛氣不受青絲條濤
中巨石獍鬼狀老樹千年屹相向愁胡一視天地
空鵬雛乳虎皆惆悵嚴霜九月百草死野麀澤雉
紛彌望血灑平蕪何足多為君一擊青霄上吾聞
西伯獵渭陽感應吉夢逢鷹揚白頭翻然振六翮
驅逐惡鳥開八荒歲云暮矣梟鳴翔靈鳥不復鳴
高岡披圖忽見此神物令我太息神慄傷安得爾
輩啄梟鴟坐使六合回春光

雪酒歌贈錢屋舟

江南臘盡飛雪花江光瀕動天無涯茫茫厚地凍
欲裂誰知春色回仙家仙家樓閣空中起天風吹
雪朱簾裏曉看人世銀海空夜卧高齋玉窓啓主
人長年調化機呼兒淨掃掃花甕中冷之泉何足
詫釀以為酒甘如飴我未偶識蓬萊路落梅紛紛
滿雙屨庭前鸞鶴翳蒼雲堂下江山起青霧盤中
肥鱠勝醍醐相對兀然傾一壺長風颯颯生萬竅
金光玉瑄流肌膚昨日江頭風雨惡鬪龍百怪爭

盤礴眼底蒙衝俱瓦解飄蕩孤寬竟安泊忙趨驛
路陟崔嵬極今顏面猶風埃賴得飲君雪酒神魂
定不然懷抱何由開

畫魚歌為王汝陳題

三月驚雷掀地底桃花錦浪飛千里湏臾湏洞迷
尺咫陰雲墨黑白日死乃有大怪從中起浪間燒
尾開電光金鱗煜雪萬丈強砥柱抗隄龍門張天
地為之久低昂大者倏忽朝帝閭小者四五還相
將朱光赫怒鍊石赭威靈奮起三山下宇內崩騰

走萬馬倒吹海水從天瀉吁嗟神物何為者吾聞
男兒奮身亦復然早湏赤手旋坤乾名通禁籍來
幾年有才不試空長歎蒼生之望何懸懸仙郎春
日開絹素倏見高堂起煙霧邀我走筆為長句胸
中崛竒正欲吐細觀却似采石江頭捉月處便欲
騎之踏波去

桃夢歌

東風一夜吹堯夢桃花吹開又吹落開時不記春
有情落時偏怨東風惡東風吹樹無日休自是堯

花太輕薄

出郭歌

嚴霜降風振柯鳥驚飛兮豺虎多歲云暮矣將柰何

蓬萊歌送友遊登州

吾愛魯仲連猛志蹈東海翩然欲從之斯人已千載
戰國紛紛爭帝秦蓬萊海上多仙人金銀臺闌
蒼霧裏鯨魚跋浪雷霆噴銖衣飄拂青冥上笑看
弱水平於掌滯夷起舞姮娥歌玉樹瑤華日應長

石虫樓結構何玲瓏光彩倏忽呈鬼工飛鳥過之不
知其所適但見日月吞吐天西東鍊藥長生須此
地不獨桃源堪避世平生夢想無乃勞大人空有
凌雲思仙郎謫來今幾年忽綰銀章東海邊朝落
棠花開不掃夜披寶笈靜忘眠羨君宦遊誰得似
弧矢懸來真稱意餘波解遣槁朽蘓玄覽還窮天
地秘江流泯泯寒風颺却綠相送啓心期明年我
向南禺隱憑伏青鸞好寄詩

浩師蒲桃歌

龍宮瀕洞不可測下有七寶光琉璃浩師手掣千
尺榦粒粒乃現真摩尼掌取摩尼和鼓吸八部驚
呼龍女泣醍醐入口
醉卧青林滿身濕昔
有大士名曰觀解圖蒲桃到今傳我師天機通道
妙精絕何代其無賢出定泉堂時一戲四辟蕭蕭
風雨至從今福慧並圓明三界虛空齊擊碎南宮
老人初下馬欣然長歎為君寫請師持此詣靈山
應道余非誑語者

泉牕歌為劉遜賦

山中夜雨琅玕響開窓素練垂千丈驪珠亂落石
葉明紫芝朱草叅差長澗入琴書寶笈開欣然賦
詩呼酒杯水聲雲影相徘徊曲終
出門看山
陰道士鶴群來

余羈秣陵乞休累疏而格於新令鬱鬱之懷
伏枕增劇遂效杜子美同谷體為秣陵七歌
時丙戌九月既望也

悲哉君天胡有知遙遙瘴海無還期丈夫生男不
如女人間安用吾生為黃金橫腰矜氣歆猩猩笑

人唇未歛狂呼九關死不關痛極慷慨思伏劍嗚呼一歌兮忍誰歌秋風號動沅湘波

吾家鄖邑之城西百年破屋餘竹籬前年倭奴苦殺戮祖母垂白走且啼幸存餘生膽已裂昨日書未驚病歿別時衣線猶在身莽水山中仗誰設嗚呼二歌兮涕泗流白日恻恻為我愁

我祖全歸鄖山穴青山如簪水如珮時殊勢失民共欺宰木千章爭斬伐憶初射策圖祖願願得幽泉開笑面那知一別五六年塚上無人澆麥飯嗚

呼三歌兮情更苦陰雲四塞飛秋雨

側身西望岷山長長天隱隱白玉堂人言士為知己死素旌一去愁茫茫憶昔吳越幾千士青眸偏矚真父子言猶在耳孝與忠悠悠此生堪愧死嗚呼四歌兮調轉急欲贈瑤華老將及

有友有友來界塘溫其如玉面白方步出西清日未午握手談笑神揚揚慧搖東壁館飛鵬君身甫出鄖陽獄嗟戎生餘行路難何似當年同鬼錄嗚呼五歌兮懷管鮑落花絲絲滿庭草

高唐集 卷四 十五
天下窮民我氣苦弟兄三四皆黃土兀然獨留多
病身退不能得進何補自從辭家室磬懸古田春
草自年年北山移文誰與勒萬古傷心棠棣篇嗚
呼六歌兮祇自知欲往憩之人共疑
少年三丈耻為吏群公謬許青雲器陸機詞賦何
足竒徒令四海知名字黃鵠鐵翼雄鳩飛邯鄲才
人廝養妻况復夫人有美子折腰垂首端為誰嗚
呼七歌兮歌且住春來拔劍還山去

短歌行

風之揚蘭有馨待為樂呼友生擡尊竭鳳管停日
將暮雨冥冥

長歌續短歌

空簾幽幽白日長窮愁獨坐悲年芳懷彼仙道憂
可忘胡為不樂情自傷仙人空中招我翔飲以甘
露峇瓊漿清風為袖雲為裳乘龍而遊周八荒翩
然下顧覽舊鄉覽舊鄉群蛾飛城郭是人民非海
遥遥淚沾衣

送孫性之短歌

高天茫茫大火飛清尊草閣送將歸靈椿朝菌亦
壽命鼠肝虫臂今是非月生潮風吹柳無多談且
飲酒

十月四日張司馬招飲書院將拉岸風雨作
而返謝之短歌

大風吹湖天墨黑飛雨忽來舩半側菊花竹葉豈
無情却恐滂沱歸不得子猷昔日號清狂夜吟招
飲乘孤航溪窮雪霽天已曙興盡不登安道堂我
懷友生寧復爾咫尺蕭牆成萬里會時常少別離

多雨雨風風柰老何

短歌行

平生豪氣無所洩醉後狂歌踏明月空山無人落
木深颯颯長風吹素髮此時無言長太息天地慘
澹失顏色君不見歸來高卧仍閉關明朝再入漁

樵班

寒夜怨

卧聞風聲訝吹角又疑秋濤暗山脚寒威嚴被忽
然悟起攬敝裘毛盡落呼兒篝燈且獨酌拍拍陽

春還自覺猶勝待漏五更時人生得閒貧亦樂

寒夜不寐

牀頭雨聲疑滴酒猛風劈窓如虎吼敝衾絮絮舊不成眠抱膝長吟粟雙肘丈夫高才生不偶壯齡意氣今何有千年清白家故貧古屋數楹竹為牖寒氣三方直射入此身胡為在荒藪世間公論蓋棺定唯有文章應不朽貪吏陰功竟若何不見三春盛花柳憶昔京師拜先達崔公此言常在口

庶柱行贈憲伯東明先生之江西

君不見庶柱崇崇鎮中流撐柱天地分剛柔日月星辰時吐納五氣順布元精浮黃河西決崑崙頂萬里直觸龍門濤馮夷海若爭噴怒鯨鯢鱗蜃紛相糾鈎陳隍杞太乙愁女媧鍊石不敢投賴有此柱屹不動居然彈壓神之州不然西北傾東南缺坐見億萬赤子皆魚頭丈夫立身亦如此君不見范夫子少年射策明光裡帝遣司空續伯禹入朝憂國心獨苦姦臣掣肘諛讒盡欲羅鸞鳳毀其羽幸哉真逢

聖明主褒以虎符繼韓愈卧治吾表歷試汝鈴岡
增高水增駛三年考罷錫薦斧袁州之人奪其母
天聽孔卑弗遐處持節來鎮江之浦江天七月流
大火白晝青霜滌殘暑綵鷁翱翔出江樹秋風蕭
蕭沸金鼓拜迎父老携稚乳整若芙蓉濯清渚丈
夫得意誰能許立身忠孝才文武吾聞天驕擾西
北秦晉十家空九室
天子選將不遑食誰能坐掃攬捨滅運籌帷幄須
豪傑又聞

嘉靖初年尚風節海內奇才未嘗絕邇來奸邪踵
相接媚嫉多方猛摧折此輩懷忠氣鬱結上天感
動示彗孛

聖明頻勞

詔昭雪積薪在上蔽席撤天心帝心那得達嗟嗟
范夫子直氣稜稜羞委靡中心光明尤愛士特立
獨行誰可比行行江西旬月爾天下望公如庖柱
太宰司馬堪立取亦知金甌眷當宁萬金湖中波
瀾瀾狂夫樂此期沒齒為君湖傍先洗耳

鳴鳳行送楊給事

君不見精衛一小鳥啣石翻飛東海頭不知身微
海復鉅悲鳴誓欲填洪流又不見螳螂奮臂當車
轍車轍不回身百裂安得長遇楚莊王式蛙感士
皆激烈吁嗟二物之愚古則傳輕生血誠良可憐
哀歌慷慨我故態今日送子鄞西舡問君茲行何
為者一鳴不隨立仗馬鳳凰池頭何足戀博取直
聲滿天下惜昔若王初納諫終朝虛已明光殿時
有張劉與鄧安正色危言稱鐵漢諸公相謝忽幾

春世事變化如浮雲龍蛇屈伸搃神物賢者括囊
思保身後江先生愚且狂有口直欲旋天網一入
諫垣數十載復覩鳴鳳鳴朝陽君王寬仁等天地
何人却有移天勢王章殺身君竟免唐介高有今
有二吁嗟先生非狂亦非愚風前勁草真丈夫感
恩報國元自許不然安用七尺軀送君之行勸君
酒富貴於我亦何有快意昂昂千里駒何苦包羞
為妾婦東山驟雨西山晴白鳥飛過天冥冥人生
夢幻亦如此請君試聽鳴鳳行

瓊林醉歸圖為胡誨之僉憲賦

禁苑百花迎春開玉皇皦皦騎龍來雲端翠翹代
天語瑤陛日華移兩槐紫府仙人美無度滿褚風
烟泣神姬天人禮樂次第陳采宸當心衽片語青
袍喜賜黃金蟠太官新補蒼龍肝咸池九奏咽茄
鼓坐裡不知滄海寬半酣走馬長安道岸幘宮花
斜更好廿四闌干不著塵五鳳樓高綠楊杪逆旅
銀缸翠初滴轉頭再拜

君恩赫祥鴉夜語埤上梧清霜晝鎖臺前栢東南
使騎紛如雲十州同遣生陽春仁心善政今並少
孤忠不負
先皇恩

春遊曲

十旬風雨清明節昨夜窓前見新月喜謂春晴可
出遊平明携尊南陌頭陌頭不見花開處城中城
外多桑樹桑樹連天綠葉濃落花盡在春泥中春
泥浩蕩從馬踏香魂宛轉蹄蹀躞看花淚眼忽潛
然人生安得長少年

行行且遊獵篇

邊城健兒好身手五石雕弧幾穿柳但誇梁冀許
隨鼓却笑楊雄書覆瓿八月草肥胡馬驕榆關萬
里鳴刁斗輕行狐塞誓捐軀挑戰龍沙肯回首虎
纛揮軍雲塞天蛇矛掃陣風生帚草木腥雷左賢
血烏烏聲樂單于走歸來

天子策高勲初議明堂秋享後新賜華居朱滿扉
加拜侯封印懸肘朝罷時從獵騎遊野兒童彪
衽荒數綵甲三重寵闕鷄赤金百鎰酬功狗紫陌晨
衝沁主軒青樓夜壓吳姬酒蓋世英豪身獨當傍
人笑罵頗何厚更詔兒孫侍羽林歲歲承恩長不
朽

妾命薄寄楊瓌

嘗態君不知覆酒君更疑君嫵妾容改妾悟君心
移靖言薄命妾不是尋常採菊兒妾家鳳閣空中
起父兄舊入明光裡清姿耻效西施頰夫渠為面
脂為體習禮明詩閑且都坐童抱樹心所模貞心
不受宋王驛路傍高駕空踟躕妾生話與君中表

結禱願結千年好多口偏成市虎猜薄命終為斷
根草目前諸婦誰無過通席榭房寧得禍明妃辭
漢緣惜金呂公去楚資奇貨妾薄命君薄情深居
長嘯懷父兄時移勢失人共棄霜前那得留孤英

寇江奴

寇江奴一何武數十殘兵噉如虎將軍捧頭入黃
蘆赤浪飛空矢如雨嗚呼龍入塗魚出釜衆寡愚
明竟何許獨不見晉楚交兵兵敗時千秋遺恨苟
抹父

高節婦

元時人

高節婦節何苦青燈耿耿三十霜天裂當頭血成
兩天烈吾忍死忍死吾為天上有白頭之翁嫗下
有呱呱黃口相牽聯白頭並中壽黃口成立皆儒
冠節婦節孝真動天神方夢錫非偶然妖胡篡夏
人極捐誰謂鳴梟群中孤鳳翮嗚呼高節婦不負
天嗚呼高節婦不負天君不見臨川老子希孔顏
宋朝進士元集賢

鍾馗小妹

三郎耄荒神恍惚，虜耗跳梁驚白日。誰遣終南壯
士來，秋斧戡空光瑟瑟。胡為妍姿有小妹，下蔡陽
城皆奪氣。鬼神變化固無常，丹青垂戒存深意。古
來奸雄多媚媼，花月騰妖魂。暗沮剛腸寔遣百魅
消，夢裡虛無何足數。君不見吾侯義氣干雲霓，精
兵數萬平江西。

萬卷樓遺集卷五目錄

五言律

萬壽寺題壁三首

草廬二首


和東沙司馬春日言志三首

寄俞虛江擬橫吹曲四首

謝文衡山寄画

送文壽承北上

讀宋史



國家圖書館 NATIONAL CENTRAL LIBRARY, TAIWAN, R.O.C.

南調留別南泉先生

春日金陵懷南泉先生

除夕三首

新年三首

卧病述懷四首

蓬萊軒

過祖關

極悶二首

別沈嘉則

十六夜晚歸見白樓二首

紫陽庵燕集即席賦得紅字

春日衡山見過

雨後不寐

秋宿省中

泛江

秋日

十月菊

十月八夜夢與陸玄洲文汶水遊梅南

同韻呈工部

春日泛湖夢中作二首

漫興四首

送岳漳餘修綠山房題壁三首

壽山庵同真空納涼遇王龍溪

立秋

新涼七月三日

秋日即事六首

旅病

送伯昭三首

小至夜夢中作

立冬夜夢至資福寺壁間刻淵明桃花源賦

此

夜坐遣懷

乙丑除夕三首

七言

春日早朝

冬至朝賀喜雪

寓武林聞東沙進大司馬開府留都

烏溪東寺夜雨獨坐

烏溪卧病聞邊報感懷八首用少陵韻

登金山

遊東湖和沈鳳峯韻

江上

九月八日邀高太守宗伯昭遊牛首山次韻

牛首次高瓦屋韻

富春東莊貽施虎泉

九日同詹鐵冠登紫陽宮

旅懷三首

東朱樂山

旅况寄季彭山唐荆川

楓橋夜泊

陪金近山王闐西遊勝果寺二首

夜坐

烟江棹歌四首贈段子文

贈朱龍洲辭臧還家

吳園憶季彭山唐荆川

毗陵雨中卧病東余明府

壽歐陽誠父

餞高侯於觀音閣次宗伯昭韻

觀音閣

謁于公少保祠

秦檜墓用韻

故宮有感

陳道復畫粉團花

春日登司天臺

雨

苦雨

喜晴

復雨

碧桃得桃字

夏日舫中獨坐

中秋書懷

中秋對客小飲先是期玩月牛首不果

秋夜露坐看月

十四夜用前韻

九日寮友約登高詩以却之

遊靈谷寺

閏十二月十六日雪

正月十五夜

荅俞子木見問

帝鄉

三月十七日自江干復移入城見楊花有感

作

立夏日趙麟陽見過

晚過元峰書院

再登招寶山

秋晚獨坐

仲冬朔喜晴

送沈肩吾會試

送汪長文之留都唱韻

送董維重之維揚

東范東明

六月十五夜辱企岡置酒池上詩以謝之用

莓翁韻

招方士作

是夜莓崖同野偕來翫月用韻紀之

六月十五夜

懷省菴兵憲口號

病懷

萬卷樓遺集卷之五

四明 豐坊存禮 著

溫陵 蔡獻臣體國 選

年任 屠本峻田叔 校

五言律

萬壽寺題壁三首

主人尋藥去明月滿空樓徑入如看竹閑眠不對
鷗清懷涵宇宙幽意任浮休閒日孤居此忘家孰
為留



國家圖書館, NATIONAL CENTRAL LIBRARY, TAIWAN, R.O.C.

其二

大隱如遺世樓居愜所依
餘霜垣藓濕新旭野鳩
歸龍象時聞梵塵囂此息
機開窓看太白爽氣正
霏微

其三

小至飄初雪中宵起大風
陽和回一氣肅殺見玄
功獨酌圍爐靜高眠野衲
同何人金闕下煜雪映
袍紅

草廬二首

公藻侵沙岸新桃炫草廬
定齏傾雨莽越唱起宵
漁愛睡頰扃戶逃名不著
書後生知可畏遮莫笑
迂踈

其二

破甑同孟敏垂帷異董生
床頭催釀酒海上厭徵
兵避世貧常好忘憂體自
平行葺吾道在應悔徇
時名

和東沙司馬春日言志三首

夢回初隱几黃鳥忽闐闐
靜日無人到春風共我

閒幽花迷曲徑脩竹滿東山稚子慰岑寂提壺貫
酒還

其二

歸燕還相識群鷗似有盟風生芳草蒺藜雨霽小池
清高咏希原憲竒遊愧尚平何時逢老衲相與話
無生

其三

陰晴雖未定花木漸成妍抱病身逾懶忘機道自
全禽魚親近浦杞菊湛新泉更護籬間笋千竿堪

密編

寄俞虛江擬橫吹曲四首

出塞

獻歲薇初作過提海上兵雅歌征虜闕八陣武侯
行餐甲千花映旌旗細柳迎春暉揚

帝德取次島夷平

入塞

首夏更春服元戎鎮海涯風雲開宇宙雷電掃鯨
鯢坐見三苗格寧勞六月師還期河朔飲鼈柱共

題詩

關山月

鼇柱峯頭月團團照四溟劍光搖斗白旗影拂天
青百雉笳初咽連營戶已扃居人當此夕歌舞醉
還醒

雨雪

晶晶浮空雪冥冥萬里雲連朝呈上瑞薄海靜妖
氛瓦雀群趨食江梅細吐芬更推醪續意親駕撫
三軍

謝文衡山寄画

八年違杖履七夕阻烟波雨後逢金鯉燈前換白
鷺更披摩詰画時擬少陵歌欲泛靈槎去沉疴柰
若何

送文壽承北上

南國知名久徵書及此時文章傳井黨翰墨寄義
之去得青瑣舊歸膺彩服宜相挈烟水濶何處柳
絲絲

讀宋史

晴日在前除開編忽自吁誰遺千載恨錯保萬金
軀花鳥空王國乾坤誤腐儒興亡殊可鑒付與後
人圖

南調留別南泉先生

秋臺初結籍案牘日沉埋不有官長懿如何懷抱
開春曹已分席南國况離杯易水衝風起蕭蕭思
未裁

春日金陵懷南白水先生

借得揚雄宅春來盛物華清流魚作隊高樹鵲成
家岸幘風初煖吟詩日未斜故人不可見回首是
天涯

除夕三首

時初至南京借宿翰林院

倉皇來旅館寂寞坐寒宵關塞風塵暗江山草木
凋一身憔悴在萬里瘴波遙獨抱緹縈恨悲吟涕
忽澆

其二

玉署逢除夕羈人淚滿襟乍看雙樹影偏動十年

心庭中碧枕梅樹各一片老父視篆時所植請劔
朱雲志懷沙屈子吟猶叨數升祿慙痛欲何禁

其三

白髮烟江戍丹心日月懸安危付僮僕骨肉限山
川有恨思填海無言可問天蕭條愁病裏况復值
窮年

新年三首

禁旅停寒柝踈鐘遞曉籌氣開川岳迥海霽月星
流柳色迎遊騎花光近酒樓獨憐江上客此日不

勝愁

其二

白下逢元日青春又一年竹梅含野雪煙雨混江
天愁病停詩草踈慵費俸錢南冠猶未返繞膝夢
魂牽

其三

殘年驚昨破佳節恨今非涕淚傾南眺簪纓誤早
歸江化應亂發谷鳥亦時飛未得開懷抱蕭然自
掩扉

卧病述懷四首

短日悲年促他鄉苦病侵
踈砧偏傍耳歸雁忽驚
心塞柳猶含凍江梅正滿
林衰羸難自強早晚合
抽簪

其二

虛堂含剝雪斗帳動微風
日月如流電乾坤一轉
蓬破顏唯稚子問疾有隣
翁寂寞湖莊裡山茶滿
故藁

其三

宦况從來薄幽居頗自厭
寒雲開遠岫落日盪虛
簷煮藥爐常活題詩筆
久拈無人來問訊向夕閉
空簾

其四

偏側同蛙井踈狂似馬曹
夢魂飛海樹節物近園
桃萬戶催衣褐千村動土
膏何當茆屋下痛飲讀
離騷

遊菜軒

仙家清透骨不寐夜逾分
香繞牆蘿月涼飄澗竹

雲龍歸孤壑靜鶴唳萬山聞待得窓間曙同探柱
下文

過祖關

四壁靜無語千林木深蚊雷成獨坐蟬韻續微
吟多病欣居僻逃名謝陸沈定中真法界無體亦
無心

極悶二首

斗室時孤卧蕭條積雨餘徧秋傷歲暮投老愧名
虛欲問揮戈術行月魯陽駐景事誰傳覆瓿書竹枝

搖月露攬帶起躊躇

其二

繁憂中夜起身世獨茫茫過眼浮雲感傷心白髮
長荷衣霜意苦用琴操事蘭砌露華涼萬緒誰能
理懷沙欲弔湘

別沈嘉則

六月齊雲道歸來恨太遲商瞿期五袞顏駟失三
時鼓篋無餘贖登山有妙詞霜天一杯酒聊以寄
相思

十六夜晚歸見白樓二首

蹤跡希休伯衣冠謝子桑井華堦下汲出月正蒼
涼出尺內切風竹臨牀舞山榭滿院香望塵非我
事高枕度流光

其二

襍穢經過少支離宇宙空歸眠北窓下消受滿樓
風浴罷移冰簟吟成對草蟲早知身是幻寧復問
窮通

紫陽庵燕集即席賦得紅字

靈巖開玉洞勝地敞琳宮座倚三天下燈明萬井
中花含香霧滿潮帶夕陽紅坐覺塵氛裡仙源有
路通

春日衡山見過

晴窓新浴罷春色滿樓時野鳥馳書案桃虫啄硯
池虛心涵萬象靜境欲無為更喜王維至酣歌共
奕棋

雨後不寐

雨霽得深涼蕭然覺夜長風林聞墮葉月露欲為

霜野振沙鷄羽庭飄菡萏香炎蒸時可慰叵柰惜
流光

秋宿省中

清宵眠盡省瀟灑愛秋光月露低庭樹星河動石
林神遊滄海外望入白雲長繞砌餘花草參差遍
晚香

泛江

乘興秋江上孤舟任往還天光含白水日影動青
山高詠長風蕨微醺細浪間渾如九霄外俯首見

人寰

秋日

秋日初移陸山光正滿門養生惟美睡遺世獨立
言書帙饒塵架琴絃信籜園未能追俛尹長此學
顏原

十月菊

劉完菴云洛陽重九黃菊盛開並無別色
其花落英而結子墮土中明年尤盛始信
月令離騷之語 先祖奉直公亦云親見

洛菊皆甘江南五色不落英不結子皆苦
蕙也客居吳山屢有見貽者是月望又得
一本適規上人至遂成口號

知爾非真菊徒然抱苦心亦霑天澤潤不畏晚霜
侵草迳人稀到山房茗自斟穎師能共賞石上坐
鳴琴

十月八夜夢與陸玄洲文汶水遊梅南

幽懷何處豁共戲水西頭黃鳥啼新竹青山帶曲
流揮毫雲影亂搖扇月華浮欲駕冥鴻去躊躇社

若洲

同韻呈工部

忽憶南朝寺聯鑣復此行黃花元有信白水遠含
情日盪江雲濶煙浮浦樹輕少陵高興發清咏酒
頻傾

春日泛湖夢中作二首

泚景群峰翠和風萬樹紅澄波催棹急俠客畏樽
空燕託疎簾外蘭芳曲澗中四郊烽火息遮莫咲
途窮

其二

山水春增媚誰云四美難清歌憑几聽紅粉隔舡
看樵斧驚桑扈筠籠畔牡丹江城星月夜車馬未
應閑

湯興四首

世味寧知好巖棲寔稱心山華時縱酒江月政鳴
琴土俗年來別天機自得深臨風還一咲搔首獨
長吟

其二

人間方溽暑水竹護吾廬作吏忘司馬行歌慕接
輿樂觀門外稻悶暴雨中書踈懶真成性終朝只
晏如

其三

自為方外吏時過野人家節物逢秋仲山川近若
耶閑情唯竹葉生意尚荷花黃菊行當發還期就
伯牙

其四

雪候中宵作蕭蕭萬壑鳴平林遙有影曲澗近無

國家圖書館, NATIONAL CENTRAL LIBRARY, TAIWAN, R.O.C.

聲樓北梅全放山西日暫明畏寒常晚起不是學
袁生

送岳漳餘修綠山房題壁三首

桂樹蔽山逕荷花款洞門更無金勒馬長聽竹林
猿鷄黍臨前沼楊梅摘後園此中堪避世相對已
忘言

其二

廿載聞幽境連朝憇此堂避炎移檜影沾醉濯蓮
香溪月新螢亂林風圍鶴翔碧簫隨意折白日到

義皇

其三

斗室真丹室仙徒託酒徒枕松談藥鏡洗石寫陰
符天淨雲霞外山空日月餘赤城看咫尺恍忽至
清都

壽山庵同真空納涼遇王龍溪

隨緣來古剎三伏頓如忘禪伯玄機竅高賢道味
長披襟移樹影濯足近荷香更喜輪蹄絕終朝卧
石床

立秋

立秋逢末伏風雨送新涼
簷蔔餘花落庭梧片葉
黃病蘓憑曲几客散偃孤床
獨惜馳暉近中霄漸
覺長

新涼七月三日

吳苑秋三日新涼慰客心
晝談拋短塵夕寐憶重
衾螢火穿疎幕蟬聲曳遠林
西田香稻熟蓮酒共
誰斟

秋日即事六首

老農遺舊業世事厭新聞
落日明蒼野秋風散白
雲樹陰唯犢共渚月許鷗分
寄語州仇輩何心預
此文

其二

幽居欣靜夜皓月出城隅
忽訝流光注中宵雪滿
湖巾衣濡玉露竹樹隱冰壺
試問三山外人間更
有無

其三

夢覺聞新鴈翩翩過我庭
蘆花含曉露菰米滿沙

汀避繳行何急呼群意不寧人生牽去就垂老免
飄零

其四

秋月今宵滿寒輝
養紫微隔窓金碎
剪闌戶瀑斜
飛湛露時吹鬢
長飈忽振衣
茅龍如可借
李白共騎歸

其五

入秋殘暑退向晚病心清
露葉和螢墜風條雜鶴鳴
氣甘蔬飯潔漸怯葛衣輕
坐聽西樓角鳴鳴向

月明

其六

浮雲還晶晶細雨亦淒淒
風鷺中天斷寒蟬四壁
啼息交長閉戶耽讀好
燃藜黃卷終相對人間樂
最希

旅病

衰疾添新歲羈愁劇四年
秋蟬集踈幕晨霧罩遺
編義絕城中跡難逢海上仙
江梅頻見咲弄影雪
窓前

送伯昭三首

雉繞孤城迫人行古路稀秋原猶樹色暮嶺但霞
輝新月隨江棹涼風動客衣邠堪正搖落與爾忽
相違

其二

蕭蕭風雨夕更與故人辭谷鳥猶深樹雲龍已后
期狂吟江月墮閒坐隙光遲珍重連城壁休令按
劍疑

其三

吾能憐李白公獨似韓非意氣逢人少文章與命
違對牀還秉燭拔劍自牽衣早晚投簪去相携訪
翠微

小至夜夢中作

出門秋色滿片席挂斜曛隔樹聽黃鳥停舟送白
雲孤踪還傲世三載漫離群樽酒論文地幽蘭四
坐間

立冬夜夢至資福寺壁間刻淵明桃花源賦
此

獨訪桃源路溪光欲染衣停撓山犬吠入寺午鷄啼
軒敞晴雲度杯傳白日輝陶公諧我趣千載願
同歸

夜坐遣懷

歲晚陰寒積門深夜坐清月尊空白墮霜砌老朱
嬴病久貧無藥身閑學有名尚平心漸畢高枕更
何營

乙丑除夕三首

雪消逾五日節氣逼三陽松燎傾城燭梅含獻歲
芳蠟蛸塵網戶鼯鼠晝登牀六載沈痾客無緣問
釣航

其二

聖壽周花甲昇平五九年爆聲全撼地沈火欲燒
天故國茅堂閱誰家栢酒傳白鵝無處換映日寫
春聯

其三

七袂增三歲丹房此託蹤時違唯自信道大豈難
容古樹聞春鳥城起曙鐘六經真樂在佔畢盡

善卷樓遺集 卷五 十一
殘冬

七言

春日早朝

玉漏初殘曙欲生，千官端笏候華清。
烟銷碧瓦參差見，月晃金門上下明。
仙仗乍移雙扇合，侍臣徐退萬花迎。
孤忠自許酬真主，况復簪纓際太平。

冬至朝賀喜雪

簪紱趨陪玉署班，一陽初見六花攢。
高飛絳闥雲中舞，細點朱衣畫裡看。
光閃金蓮先覺曙，氣回葭琯不知寒。
天心聖德多昭假，瑞應豐年萬國歡。

寓武林聞東沙進大司馬開府留都

伐木歌殘出谷鶯，黑頭寄掌舊都兵。
坐令蜃海蠻烟靜，快覩鍾山爽氣橫。
神筆擬看歸白雉，舞干何用繫長纓。
文謨武畧逢休庇，湖上魚樵樂太平。

烏溪東寺夜雨獨坐

遠投孤寺日初冥，獨坐禪牀忽二更。
深竹雨聲連絡緯，破牕燈影亂宵行。
沈迷漫歷恒沙劫，了悟誰開不夜城。
去住只今渾未定，白頭早已謝浮名。

烏溪卧病聞邊報感懷八首用少陵韻

野寺蕭條傍石林高風落木正森森
滄江不見長安日黃霧遙憐絕塞陰
是處青山空有骨當年粉署豈忘心
白頭去住知何定忍聽東鄰夜夜砧

其二

朔風吹送雁行斜忽憶含香侍翠華
東海有年垂野釣明河無路覓靈槎
時時驛使催符節處處山城聽鼓笳
犬馬未忘頭白盡幾將哀淚滴黃花

其三

別墅徒聞安石碁新亭誰共茂陵悲
生來慣覩承平日老去邛堪板蕩時
神筆揮雲應見早長纓繫頸莫教遲
杞人未是狂愚者木李瓊瑤不盡思

其四

溪頭風雨奪朝暉草木凋零生意微
南畝但憂新穀賤清時寧見羽書飛
屠龍越海心空壯買駿燕臺事已違
溝壑不忘長自信蒼生早願得休肥

其五

九陵王氣滿燕山不數函秦百二關
聖主神功超

五帝匈奴逆節犯重關朱仙奏捷終期岳常郡當
鋒未識顏衰病願逢安定日漁樵長得話荆班

其六

曾陪常伯侍螭頭一卧東山二十秋衣馬五陵多
共學旌旗萬里忽生愁瑤池久佇騎黃鶴金塢還
憐戲白鷗玄女壇邊瞻絳節神兵急為鎮皇州

其七

聖祖平胡不世功貔貅赫赫五營中龍鱗畫洒江
山雨馬跡秋生草木風但頌黃河千里碧寧知烽

火四郊紅空林伏枕還吟嘯天意全軀乞塞翁

其八

西湖秋水碧逶迤殘菊枯荷映兩陂共羨騎驢春
柳岸寧知掛劍海棠枝百年忠孝誰能盡萬古王
何俗並移却笑腐儒身已病無端憂國淚空垂

登金山

二紀重來此地遊秋風正見白雲流千峯日照鼉
鼉窟萬里帆飛杜若洲獨恨敝裘長作客忽聞邊
報迥添愁明朝更訪焦光去為挹孤標共一丘

遊東湖和沈鳳峯韻

灩澦湖光一鑑開，行行五馬自天來。省方直到鼈
鼉窟，弔古時登鷲鷲臺。盪槩竄憐翻紫荇，題詩不
憚破蒼苔。茲遊還是憂民日，幾處漁歌動草萊。

江上

江上扁舟縱目初，江流日夜洗寰區。長風掛席孤
鴻沒，密雨冲潮萬馬呼。興到不知行酒急，景多翻
訝入詩無。人生何處非為客，且共樽前缺唾壺。

九月八日邀高太守宗伯昭遊牛首山次韻

千尋寶刹倚危岡，萬頃秋雲引佛香。天外青山時
杳杳，樹中黃屋曉堂堂。仙入洞口烟長繞，世主池
邊草盡荒。向夕峯頭明月上，十方同入寶珠光。

牛首次高瓦屋韻

卓錫何年此地開，寒泉千古抱危臺。斜窺紫閣龍
旗動，獨立青天鶴駕來。月影半移還落桂，雲根常
濕不生苔。使君公是真仙骨，肯數當年漢武才。

六田春東莊臨施虎泉

幽居卜築面湖波，坐見西山佳氣多。曲徑窮年迴

客駕鳴榔清夜起漁歌卷舒時與孤雲合胞次還
同旭日和寄謝桐江垂釣者爾來高興欲如何

九日同詹鐵冠登紫陽宮

九月九日登吳山故人相對一開顏
端石縱橫亂峯出長江浩蕩孤舟還
風林有韻吟堪和野鳥勸客杯莫慳
明朝我欲放舡去天南天北難追攀

旅懷三首 寓臨清作

一卧扁舟動淡旬羈懷索寞自離群
青山綠樹塞幃入擊筑吹竽隔岸聞
朔氣欲令清濟合土風全與故鄉分
親闈只尺還千里幾夜依依夢獨勤

其二

旅人懷抱自淒淒清夜悠悠漏轉稀
霜葉有聲山犬吠曙鐘纜動野鳥飛
棄繻英妙邠堪羨卧雪風標或可希
正是卜商交戰日病軀憔悴未能肥

其三

官閣端居憶四莊海天萬里接微茫
青黃橘柚愁中熟紅白茶梅夢裡香
雪艇有魚誰試酒柳塘無主亂驅羊
平生泉石都成癖邠遣次且聲利場

東朱樂山

六月寒風入虎閭，邠堪一水限柴扉。
凱歌已奏天山定，釣艇欣從瀚海歸。
白玉樓前仙鶴舞，黃金臺下鳳皇飛。
夜深北斗橫江閣，卧看明河共息機。

旅况寄季彭山唐荆川

睡起僧堂正煮茶，紫薇花榭日初斜。
偶隨北鴈來為客，忽聽鳴蟬便憶家。
信美異鄉逢桂玉，義知吾道合龍蛇。
金焦山上涼如水，誰共飛仙駕海槎。

楓橋夜泊

桂樹風生月色開，嚴城深閉角聲哀。
高樓吹笛何人醉，遠浦收帆越客來。
古寺多年僧不見，踈鐘半夜夢初回。
虎丘擬趁晨光到，好汲清泉試茗杯。

陪金近山王閩西遊勝果寺二首

雲外層層古殿開，三年病客喜重来。
滄江日短天風急，黃葉霜深石徑迴。
漫語世情空扼腕，相逢知己且啣盃。
禪宮落莫渾非昔，感慨還應白髮吹。

其二

江上群峯日欲西，巖邊寒色草凄凄。
客來松下還

修徑僧去牕間失舊題
戊子冬予過寺僧出上人
出經求詩今出亡詩亦失
繞磴白雲雙屨濕遙林
青雨片帆迷此心又覺
歸依竟得遇維那好共
栖時有虎跑僧圓智住
此因與夜談此僧精戒
寫經

夜坐

南風吹雨過虛堂
几上孤燈紫燭長
鳴蚓乍聽如度曲
幽蘭入座靜聞香
漫將宦迹同朝隱
依舊生涯是病鄉
天意茫茫殊未測
音書猶自滯蠻方

烟江棹歌四首贈段子文

春日烟江春可憐
江頭柳色正含烟
西湖地接登山屐
三峽潮通販藥舡
霞燄渾疑丹鼎熟
天光時透縑窓前
杏花萬樹開如雪
樹裡人家識董仙

其二

夏日烟江霽景延
清晨江上好涼天
水光日彩千尋白
人面荷花一色鮮
酒榼新携菱苒美
漁舟閒伴鷺鷥眠
神仙數著殘碁罷
漫採菖蒲自引年

其三

秋日烟江碧染深
江間波浪拍天心
月華激灩渾

如畫露氣蕭森忽滿林沙外層層楓雜錦井邊點
點橋垂金簾前曾認支機石渺渺靈槎何處尋

其四

冬日烟江江氣寒寒雲黯黯護江干雨花近水多
成霰雪片隨風忽作團幾欲扁舟尋戴叟豈將高
卧學袁安江梅一樹垂垂發靜裡乾坤好細觀

贈朱龍洲辭職還家

分手西湖電隙過十年聚首樂如何堅辭鄴下驂
銅鞮喜過山陰換赤鷲海月腫隴移檜栢天風浩
蕩拂蒲荷從今共入商顏隱咲殺安仁作賦多

吳園憶季彭山唐荆川

逕促藍輿入顧園瑞蓮香滿竹陰繁夢迴正得風
吹榻坐久偏宜月傍尊不遂安仁潛拜路寧須干
木故踰垣伊人來往金焦上好借中漈一洗煩

毗陵雨中卧病柬余明府

虛堂風雨晝淒淒秋近江東暑漸微地主幸逢劉
顥舊心知敢謂子與稀張公洞僻徒回駕玉女峯
高一振衣十載西湖多暇日幾陪駉馬醉忘歸

壽歐陽誠父

匡廬山色滿樓臺南極星光照酒杯白髮又騰三
島夢金函忽傍九霄開劉安鷄犬升天去王母旌
旗蔽日來更喜萊衣歸上國鳳雛龍種不凡才

餞高侯於觀音閣次宗伯昭韻

翠光分與水精簾絕勝還如兜率巖朱檻下看生
霧雨青雲遙聽響松杉石痕亂坼何年斧風勢長
驅萬里嵐別恨江流俱不盡前峯遮莫夕陽含

觀音閣

高風吹我上青天絳闕瑤臺路有緣平步太虛雲
欲濕俯窺人世月長圓遠山入望鯨波閃仙侶相
携鶴馭翻城市朝朝如夢裡襟期到此忽泠然

謁于公少保祠

于公奇才難再尋孤塚湖邊歲月深拉柱竟同天
地久覆盆蚤得日星臨安邦盡賴 夷論守節誰
知黍札心聞道胡兒又南牧仄身北望涕沾襟

秦檜墓用韻

前代奸諛宿草青女塙猶帶夕陽明一生溫飽南

宮地千載淒涼北狩情臺下清江流不返風中亂
葉氣難平彭殤孔跖知誰在閒坐孤亭聽鳥聲

故宮有感

憶昔天兵下九州此中曾建萬年謀草生御路鸞
輿迴塵鎖宮門鳳闌留不見滅洪埋義骨徒聞韓
信列通侯漫將往事增惆悵北極長瞻紫氣浮

陳道復畫粉團花

何許香魂戲洛濱聊憑淡墨鑄風神飄蕭素影如
乘月婀娜新粧欲妬春弱葉垂垂搖翠羽團花簇
簇閃冰鱗太湖石畔牽詩思長對瑤華倚竹人

春日登司天台

芳春邂逅一登臺逸興渾疑跨九垓江繞皇洲千
嶂合天行日月二儀開暖風吹面將舒柳香雪飄
襟半落梅欲賦兩都時閣筆年來慙媿孟堅才

雨

白下春來雨未停楚天長日自冥冥林花帶蕊紛
紛落細草綠苔冉冉青曉度溪雲封嶺樹夜添風
浪撼江汀皇靈不獨催農事應為中原一洗兵

苦雨

建業城裏春欲破
客子三日深閉門
雷聲忽搖川岳動
雨勢絕遣東西昏
映堦紅藥向人笑
繞屋白波長自翻
安得凌雲梯萬丈
手扶朗曜開乾坤

喜晴

鐘聲靜夜起城西
曉望山林映紫霓
客到華門孤犬吠
柳搖沙岸亂鶯啼
葉心翠顆津津見
草外青煙澹澹移
乘興題詩還一笑
傍人錯比浣花溪

復雨

七日風雨一日晴
屋頭飛電依然明
黃鳥遷枝莫浪喜
青蛙跳堦還亂鳴
龍江桂棹不復鼓
鹿門野田誰與耕
草堂寂寂此愁坐
長見鍾山烟霧橫

碧桃得桃字

春深宿雨散蘭皋
冉冉晴光笑碧桃
嫩葉因風團翠握
繁英帶日盪緋袍
渾疑鳳吹鄰家起
却恐漁舟洞口遭
莫遣閉門飄落盡
早撩痛飲共揮毫

夏日舫中獨坐

羽扇閒搖暑未收
虛亭謝客思悠悠
天開雲葉青

於染日吐霞光紫正浮北阜松杉晴色滿橫塘蓮
符晚香稠平生丘壑心長在吏隱江南復北留

中秋書懷

新秋高樹已鳴蛩觸忤羈人恨未消萬里壯心空
激烈百年多病坐蕭條深悲宋玉招魂賦誰續潘
郎閣道謠散步綠城憑短杖含風翠竹自翹翹

中秋對客小飲先是期玩月牛首不果

彩雲片片暮秋池四海清光此夜宜宮殿分明開
萬戶仙人髣髴下雙鷺傍簷露點飄衣帶繞院花
香拂酒卮安得乘風凌絕頂醉搖詩筆掃紅墀

秋夜露坐看月

獨坐虛庭對月輝滿天清露濕秋衣潤生江上靈
妃佩影動河邊織女機老鶴傍人還自舞啼烏繞
樹祇驚飛故園水閣芙蓉遍欲泛空明此夜歸

十四夜用前韻

中元節屆月偏輝遊子當宵淚滿衣仙桂何人揮
玉斧明河有客竊支機風前菡萏香初落露下梧
桐葉正飛信是郎官兼吏隱愁心依舊不如歸

九日寮友約登高詩以却之

佳辰共愛重陽節此日羈人淚不禁天外風雲秋
浩浩雨中樓閣晝沉沉伐檀愧切愁看菊扇枕情
違快聽砧痛極欲投湘水去忍隨豪雋強登臨

遊靈谷寺

曉雨霏微午到山松風十里度潺湲
金落仙樂如聞雜佩環緩步竹深
表隘人寰相逢况有湯休勝暝色侵
閏十二月十六日雪

臘盡江南暖未回石頭城裏雪霏霏
雁切朝歸馬曹信有扁舟興悵望溪
還起側過瑤臺駐不飛滿樹宮梅催
曉破經秋塞

正月十五夜

月輪早上萬年枝朱雀街頭緩步時
吐艷氣回溪壑迥生姿百川波蕩金
傳玉馬嘶欲奏踏歌慙卧病將隨孤
棹問東菑

答俞子木見問

東海仙人枉尺書問余宦况近何如
青山屋上雲

常起綠柳門前葉半踈遣使花間調小馬看兒蓮
下養生魚秋光日日催詩興只是幽憂病未除

帝鄉

石頭城上日初斜古樹離離已暮鴉出郭遊人歸
似水隔簾少婦語如花雲移鳳闌金光動塵起鑿
坡紫霧遮自古帝鄉多壯麗秦中百二未須誇

三月十七日自江干復移入城見楊花有感

作

垂楊夾道拂征衣滿郭晴光雪亂飛病客江邊高
興盡故人天外報書稀青萍舊匣鳴中夜白紵新
裁映落暉枝上杜鵑啼正切聲聲勸我不如歸

立夏日趙麟陽見過

湖上涼風草閣開瓊臺仙史自天來烟消曠宇花
妖避日射層波唇氣摧惜別經年茅廛辟坐談中
夜斗杓迴平生然諾非輕許千頃誰知叔度才

晚過元峰書院

高樹聲聲滿翠微闌山風景趁斜暉登堂故友今
何在照檻荷花摘漸稀白雪幾行沙鷺宿紅燈數

點草螢飛明朝鼓泄鑑湖去夜合飄香紫蕨肥

再登招寶山

招寶名山此再登忽逢飛雨送潮聲千峰走霧馳
天馬萬壑呼風應海鯨反照出林歸騎喜殘雷入
地執龍驚落花遮莫霑衣濕簟枕孤舟徹夜清

秋晚獨坐

秋入園林百卉腓憑軒不語對斜暉孤鴻渺渺雲
中度歸鷺提提渚外飛天道信知無二
擬認真非三閭千載懷沙賦爭似寒山老木微

仲冬朔喜晴

山茶一樹透簾明江閣憑欄喜雪晴世學還修前
代史全生應賴腐儒名布衾竹榻常高卧鶴杖羊
裘起暫行時得故人相問訊開樽鼓瑟聽吹笙

送沈肩吾會試

雪後晴光滿路岐青雲天馬信馳驅
龍飛側席求才日鵠立懷珍獻上時文以六經祛
俗體名知四傑際昌期金莖宴罷沾微醉記取河
橋翠柳枝

送汪長文之留都唱韻

穀旦晴光動赤江，花盈島嶼酒盈缸。
扁舟獨向金陵去，王氣居然萬國降。
湖上遊人還箇箇，磯頭燕子又雙雙。
歸時寒食行當近，寶笈牙籤對石牕。

送董維重之維揚

送爾同登東大樓，北風吹雪下揚州。
雲陽名酒堪頻賞，夜市妖姬莫暫留。
青簡百年傳父祖，朱門萬里謁王侯。
相看誰贈千金劍，歸鶯提起暮愁。

東范東明

沮雨炎暉掩竹扉，美人只尺坐相違。
琴書久向中閑羽檄時，聞海上飛落日漫思揮。
玉塵長飈何處振，銖衣丹山赤水仙靈聚應許。
追隨入翠微。六月十五夜，辱企岡置酒池上，詩以謝之用。

每翁韻

太史中州逝不歸，經年草閣掩雙扉。
居然風度逢康樂，謝玄封康樂公安石從子也。
應有文章紹陸機，籬小百壺催盪滌。
夜深孤月照更衣，浣花溪上狂吟客。
竹裏行厨喜共依。

招方士作

幽居竟日掩柴扉半畝方塘靜碧漪前度劉郎今
白首殘春桃樹正花飛強扶藜杖來芝館為索丹
書訪翠微鷗鳥翩翩驚不顧誰憐吾病共忘機

是夜莓崖同野偕來翫月用韻紀之

三年病客百旬歸湖上茅堂月滿扉喜迓仙舟來
暑夜共幡道笈破玄機深更露灑青荷蓋四面風
吹白紵衣知己半生嗟漸少女蘿喬木幸長依

六月十五夜

通宵滿月照清池池上新篁動遠颺誓墓文如玉
逸少汚人塵豈庾元規雙雙宿鷺迷青草發發潛
魚振綠漪

主聖官清烽火息勺泉餐栢總相宜

懷省菴兵憲口號

聞道仙家玉井蓮開花一瓣大如舡紅塵已向名
園息白日長看翠壁懸愧我攀緣無兩屐知君唱
和有千篇夜來太乙乘風至應杖青藜照閣前

病懷

風雨蕭蕭度短壙空牀展轉不聞鐘謾言院立同
諸葛祗為鍾情似觸龍藥裏無緣長伏枕竹林
伴合潛蹤年來稍學維摩詰已向人



國家圖書館, NATIONAL CENTRAL LIBRARY, TAIWAN, R.O.C.

嵩卷樓遺集卷六目錄

五言絕

畫松四幅

山居四詠

小遊仙四首

即事六首

雜寓四首

日出一首

六言

六言四首

八月四日遣興

秋日

山居

六言四首

六言四景

七言

題梅花

題吳興周用仁畫冊

梨花

桃花

槿花

凌霄花

梔子花

牽牛花

錦葵

芙蓉

桂華

秋江

小遊仙四首

題樵李東隱壁

四景

墨蘭

九月十七夜夢泛舟月下輒成口號

贈王雲橋

春盡

夏夜懷友

十九夜聞鴈

二月十二夜大雪是夜夢中作

阿育王寺入山

出山

留別規上人

夢得王世庶書答以二絕

次觀魚圖四絕

小遊仙贈楊文之

雜體

國家圖書館, NATIONAL CENTRAL LIBRARY, TAIWAN, R.O.C.

三五七言四首

三言四詠

出山

阿育王寺入山

二月十二夜大雪長夜夢中作

十六夜聞風

萬卷樓遺集卷之六

四明 豐坊存禮 著

溫陵 蔡獻臣體國 選

年侄 屠本峻田叔 校

五言絕

畫松四幅

東窗新雨足朝日漏疏牖忽聞戴勝鳴兀然一壺

酒

其二

散髮俯流水上有高樹陰舉首忽長笑金峨青數
尋

其三

青天如羅幃明月大於掌田夫荷稻歸相見東臯
上

其四

愁雲擁鐵騎怪松舞銀虬相對地爐火都忘煮
棗

山居四詠

郭外柳新暗湖邊草欲齊彈琴舞庭鶴分食到

雞

其二

甘分新圃柰香泛一溪蓮白酒長松下清風短竹
邊

其三

遠水光如洗孤峰勢欲增衰楓明短戶妍菊媚脩
塋

其四

水栢中庭綠山茶照檻紅地爐煨芋栗紅帳卧霜
風

小遊仙四首

春泉散風雨倒景出煙霞飄飄逐龍駕來訪上元
家

其二

旭日照旌幢空香升遠近青禽感我心靈蹤應可
訊

其三

地高雲氣滿天近日華流誰道仙家遠長年得此
遊

其四

丹府承靈御中州變四時江山驅羽蓋霧露逐龍
麾

即事六首

遠適還携幼當行更憶君山陰多好事相見問我
群

其二

泊舡石山下山勢真雄峭不復風波憂故園今日到

其三

散髮漁舟夜東湖煙浪秋一天雲月外吾道自滄洲

其四

山月迎人靜江風入耳寒此中堪自適來往漫人間

其五

多病經時久不知門外春慙因行樂處也作看花人

其六

試看千尋山日月行足下人聲絕不聞但見車與馬

雜寓四首

砌冷鳴蛩近堦荒落葉新蕭條今夜雨千里獨歸人

其二

庭前小桃樹花落何戢戢本非松柏姿莫怨東風急

其三

半載承恩渥傷心故國行滔滔一江水未及別君情

其四

秋風一棹遠淚濕紫羅襦莫道妾容改貞心是綠珠

日出一首

赤日照扶桑流光遍八荒迴看昨夜雨化作一天涼

六言

六言四首

風起陶公山外雨收賀監祠邊黃鳥歌隨把盞緋桃笑索行舡

其二

竹几玄書晝掩瓦盆紫蕨時嘗襍穢庭中絕跡芝荷枕畔飄香

其三

快雨時晴延眺，長空玉瑩無瑕。掃葉自烹江鱗，隔籬又賣湖蝦。

其四

夜月瓊瑤映戶，朝暉金碧盈眸。掃逕不綠縣令，度關莫問封侯。

八月四日遣興

一榻東樓卧起清，風霽日雙宜。俯課山童種樹，咲聽稚子歌詩。

其二

霜鱗嫩肥麥飯，玉簪香溢陶卮。閱盡青編，理亂啓期千載吾師。

三伏

三伏門無襍襪，清池坐對荷花。雨歇風搖嫩篠，倦餘僧薦新茶。

其二

太古久忘塵世，小年合在山家。瀟湘水雲鼓羅寧，待鍾期伯牙。

秋日

草谷倒看日轉石門橫倚天開黃葉丹楓滿路與
君騎鶴同來

山居

風起徑催積穽雨餘峯露斜曛小閣憑闌白水深
山繞足黃雲

其二

乳虎饑吞急箭鮎魚貪上垂綸靜境最便高卧空
樽誰與論文

六言四首

觸處便逢機械坐來幾度風波萬事不如美睡人
生役役如何

其二

結交莫論黃金無益人情淺深靜裡請君試看箇
中誰是真心

其三

蝸角積屍數里牛毛入手何如曲避猶為人妬咲
來苦被名驅

其四

信步不知岐路生
平意氣橫秋
忽猜杯中蛇影始
悔明珠暗投

六言四景

一雨江頭初霽
林花能白能紅
陌上遊人多少
數聲玉笛雲中

其二

伍子祠邊過雨
岳王墓上飛霞
深樹香風忽到
隔雲應有荷花

其三

黃菊花前中酒
芭蕉葉上臨書
牀前床後霜葉
無人知在雲居

其四

清曉雪殘日映
滿山白玉黃金
寂寂柴門無客
一壺春釀孤吟

七言

題梅花

竹外一枝斜更好
渾如翠袖舞瓊筵
湖州刺史空

追憶回首仙家路八千

其二

竹外一枝斜更好當年只在小橋東
春來誰鎖柴門住
默默魂消轉眄中

其三

竹外一枝斜更好渾如粉面倚鸞臺
應知坐索千金價
不向東風容易開

其四

竹外一枝斜更好渾如白練舞仙人
丁寧寶樹常

如此已占風流八萬春

其五

竹外一枝斜更好渾如彩鳳舞丹丘
晚來寶樹三千丈
無復仙人倚玉樓

其六

竹外一枝斜更好分春色記當年
詩逋已出遊人後
隔水相看重惘然

題吳興周用仁畫冊九首

梨花

棠梨花傍草堂開萬朶枝頭雪作堆細雨黃昏人
獨坐忽將清影到窓來

桃花

雅懷自擬白雲閒家住吳興第一山兩岸桃花春
水綠不知身世是人間

槿花

嫣紅開遍野籬根回首新粧已半存莫道山花生
意少百年還是一朝昏

凌霄花

幽居荏苒得春饒坐攬群芳萬慮消屋裡蘭荃青
滿眼不妨間地種凌霄

梔子花

金鴨香銷夏日長拋書高卧北窓涼晚來驟雨山
頭過梔子花開滿院香

牽牛花

幽華冉冉含朝露弱蔓青青動晚霏自與此君相
託後懶從天上覓支機

錦葵

盡日清陰依北苑幾堆紅錦上窓紗丹心獨解隨
陽轉誰謂人生不似花

芙蓉

染得深秋幾夜霜清波如鏡照紅粧不隨桃杏爭
春色自占江南一度芳

桂華

秋來仙苑百花殘特地天香已滿闌自是小山幽
興在錯教人向月中看

秋江

獨倚高樓望碧空白雲流影度西風欲窮萬里湖
波目更上吳山第一峯

小遊仙四首

春入家園放碧桃月華一點應初潮夜中斗柄方
移北獨與仙童弄玉簫

其二

池上蓮花一夜開清香直透白雲隈瑤觴宴罷醺
醺醉獨向青天駕鶴回

其三

清秋大火已西流飛上蓬萊十二樓一孔笛吹天
地裂白雲深處月當頭

其四

萬物歸根白雪寒黃芽生處午燒丹無弦弓射三
千界赤豹玄狐盡指間

題樵李東隱壁

青山窈歷水潺湲去年來春事閒轉竟法輪
杖策桃花紅處一開顏

四景

夢回隱几草玄亭亭外驚聞百舌鳴急放漁舡
上去緋桃綠柳競相迎

其二

梔子花開香入簾山樓晚坐雨纖纖水風浩蕩涼
侵骨起掩黃庭換葛衫

其三

金鷄山上大觀亭滄海無風鏡面平莫道澄江淨
如練於今誰是謝宣城

其四

冰溪漸瀝消殘雨雪屋參差映落暉信是征人不
如鴈相呼相喚向南飛

墨蘭

九畹幽香不費栽光風麗日暗相催深山正喜無
人見却怪黃蜂粉蝶來

九月十七夜夢泛舟月下輒成口號

五十年来醉夢中天風吹上水晶宮瑤臺仙子今
相見共爾青天駕白龍

贈王雲橋

仗劍凌雲度鵲橋天移北斗海生潮巽風吹散彌
空霧十二樓中響玉簫

春盡

春盡吳山未擬回牆頭殘杏一枝開相看
不忍更攀折猶恐明朝風雨來

夏夜懷友

湖上高臺臺上樓水光山色夜悠悠花開不共遊
人賞六月間眠似九秋

十九夜聞鴈

霜華的歷照空階疑是蓬窓曙色開夢斷故園剛
半夜數聲歸鴈枕邊來

二月十二夜大雪是夜夢中作

雪滿吳山入夜晴誰家雲外玉簫清
枝枝楊柳迎人舞點點桃花照水明

阿育王寺入山

新春勝覽興悠哉晴日晴雲紫且迴
萬頃山光如泛海青烟開處一僧來

出山

入山不覺經三伏歸路林蟬送早秋
莫道仙凡從此隔夢魂長遶白雲遊

留別規上人

百日聽琴百日棋水樓相對兩忘機
一聲長嘯登山去回首烟霞滿翠微

夢得王世庶書答以二絕

雨雨風風無已時江梅猶見兩三枝
故人別後多春夢悵望魚書獨到遲

其二

雲滿燕然月滿臺梅花飄盡杏花開此時把盞遙
相憶錦瑟聲中北鴈來

次觀魚圖四絕

山翁不離山中住與在烟江坐釣磯家釀春來香
繞甕喚將漁叟踏歌歸

其二

不知身到瞿塘峽誰解犀然牛渚磯盆底寸鱗長
自喜濤中孤艇幾時歸

其三

一蹶未宜拋桂翼十禽端合遜韓盧醞醕且聽滄
浪曲江上青山是畫圖

其四

何處青山追李郭二君詩句逼王盧請看桐水客
星夜爭似雲臺列宿圖

小遊仙贈揚文之

赤堇山中長碧芝春風日夜媚華滋何須負郭三
千頃共爾青天駕玉螭

其二

萬朵荷花一夜開清芬故傍紫霞杯白雲冉冉隨
雙鳥知是瑤池盡醉回

其三

簾幙重重映紫霞金波蕩漾碧天涯玉簫吹徹乘
風去絕勝張騫八月槎

其四

白玉輝輝六合間一聲鶴唳海天寬梅花萬樹從
容簇怪底中宵透骨寒

雜體詩

三五七言四首

山明媚水淼茫蝶穿桃錦碧鶯度柳絲黃小舡載
酒醒還醉自咲狂夫老更狂

其二

炎日永午風吹茉莉臨觴發芙蓉傍膝垂殘雷隱
隱山虹霽清簟踈簾看奕棋

其三

蟾彩動露華明蕙帳忝民息梧庭織婦驚鵲橋牛
女分歸後銀漢遙應接鳳城

其四

楫拙煖芋魁肥山茶消積雪水柏漏寒暉放鶴休
辜君復興即看燕子入柴扉

三言四景

蝶穿紅鶯語綠西湖西麗人曲

其二

泉如龍石如虎仙之人渺何許

其三

露飄簾月移屋故人乎風動竹

其四

雪初晴梅已放鶴歸來北枝上

三言四詠

花正好月有陰眠不得調素琴

其二

荷氣偏竹光垂踈簾下看奕棋

其三

雨收樹涼入壑剔銀缸觀道書

其四

銀獅蹲玉虬掛漁蓑歸儼圖畫

三言四精

雲休靜舞已休歸體來此對上

其四

後序

肅皇帝時大禮議起金水橋之舉咸謂伏
節死義收

國家百餘年養士之報南禺先生隨五溪
學士叫閤父子拜杖旋棄官侍學士成
所竟扶櫬歸一時忠孝名雷貫人耳是
寧不足藉為負風之翼建鼓之鳴耶先
生默頽然自放以世不可莊語滑稽于

嬉笑怒罵之中傍觀者不測其心腹為
何或題為狂或題為怪而向者叫閤選
舉反在明滅間先生謂丈夫自瀝腔血
耳何至以君父取名東吳放言視叩馬
更微渺矣秦灝生晚弗獲拜公下風家
兩大人居恒誦之不置時從公曾孫孝
廉君相太息往事行未及百年而令心
迹俱遠乎比

溫陵蔡夫子視師海上推先生風亟為
傳著遂爛焉天壤不然希濶竒偉事如
先生其無湮沒者幾希哉公家代矢亮
節如文慶公以易儲諫復初公以觀燈
諫輕者奪爵甚者詔獄事在

孝陵裕陵兩錄中而清敏公引裾請劒擊
權倖若孤雛為宋名臣夫陶靖節虎溪
中蹙額心事已不可論之籃輿後人而

豐氏私拱壁若家器天球赤刀世相授
與自茲以往必又有繼考功而興起者
國家數百年培養士氣意猷厚豐氏耶客
曰子不跋考功詩文乃跋其人乎瀨謂詩
文顧非小子所敢知若夫忠孝大節則
不敢不知是以論其世也

同邑後學沈泰灝謹識